

湯義仍玉茗堂集序

詩大難言矣思通淹緯者多乏天
才才氣俊邁者或疏冥討氣韻高
勝思少體裁法律森嚴時減風致
雄渾悲壯求之流利則窮清蕩蕭
疎責以沉着多窘率意師心託之



自然迺如敬蔗都無回味腐毫斷
鬚命曰精思恒苦棘澁不中宮商
平澹和雅類有道之言或太啾緩
而無度急節哀響有快士之烈或
傷淒切而不和豪宕激人或驟驚
四筵無當獨賞幽洽自喜或止宜

野唱不聽雅音夫詩烏有兼長哉
曹劉顏謝沈宋李杜八子者皆不
能兩相為也夫詩烏有兼長哉庶
其兼之今天壤之間迺有義仍義
仍意始不可一世歷下琅琊而下
多所睥睨余頗不謂然迺近者義

仍玉茗堂集出余一見心折世果
無若人無若詩多所睥睨非過也
義仍才高學博氣猛思沈材無所
不蒐法無所不比遠播於寥廓精
入於毫芒極才情之滔蕩而稟於
鴻裁收古今之精英而鎔以獨至
其格有似凡而實竒調有甚新而
不詭語有老蒼而不乏於恣態有
纖穠而不傷其骨為漢魏則漢魏
為騷選則騷選為六朝則六朝為
三唐則三唐天網頓物大冶鑄金
左右縱橫無不如意當其揮霍如

法和按劔僧辯濟師川岳共命風
雲從指當其秀爽如仙人神鼎帝
女天漿入口冷然凡骨立銳義仍
足於此道大矣化矣詐惟獨步方
今且將陵轍往古此其時寧復有
當義仍者耶余詩才氣骨力遠不

逮義仍一讀近艸若鄒忌見徐君
自歎以為弗如尹氏見邢夫人低
首掩面而泣也世寧復有當義仍
者耶義仍氣節孤峻由祠部郎抗
疏謫南海尉間關炎徼涉瘴江觸
蠻霧訪子瞻遺蹟惠州尋葛仙翁

丹砂朱明洞館洒焉自適忘其謫
居夕之轉平昌邑令邑在萬山中
人境僻絕土風淳美君樂而安之
為治簡易大得民和惟日進邑中
青衿孝秀程執譚道下上古假
以練養神明湛寤靈府令德日新
而詩道亦且日進登峰詣極是天
之所以陶冶義仍斯完矣義仍不
可一世而胸中猶似着么膺屠生
每謂諸生言吾此編非長卿莫可
序我嗟夫豈謂長卿真足序義仍
哉世無大如來則向辟支獨覺叅

印義諦耳余以小集為大乘說法
 即今天雨花石點頭何能覩如來
 一毛孔

共七百一十七字外題六字

湯義我玉茗堂集一序

蓋聞夜光結綠非眩匿之恒珍
 丹鳳翠黃豈泰畜之凡物况夫
 文也者所以發揮垠堦彌綸兩
 儀杼性之梭織鳴情之律呂自
 非苦心極力博觀約收焉能樹

懺於詞場揚葩於執苑也國朝
用經術宋學取士經學既售間
有浮慕古強為詞賦者業已溺
所聞不相為用矣於是乃好持
議論務蹈龍衣其憚難趨易者既
困循韓宋貴耳賤目者則摸剽
漢魏甚淡而無味似而賦真蓋
自六朝四傑而後詞人百六矣
予竊鄙之若無當於心者獨予
同邑友人湯義東髮嗜古好奇
探玄史之奧蹟泮宇宙之清剛
弱思不入於心胸露語不形於

王荅堂集 卷一
楮穎詞賦既成名滿天下乃始
登一第登第以後翳迹仕途播
遷海濱益沈精務內一官一集
其所為羅浮山青雪樓賦編星
濯錦當今天台汗顏其他古近
諸詩聚寶鎔金可使少陵焚硯

蓋啟目視之則字句挾風霜若從
天降潛玩之則精光射霄漢皆
由內溢譬諸瑤池之宴無腥腐
之混品珠履之門靡布褐之蕪
襍誠余目中所希靚明興以來
所僅見者矣世俗之人讀其書

而未解求其故而不可得則或
訾湯生為刻削疑湯生為杜撰
不知湯生於世俗之書非未嘗
讀之也彼固已熟而厭之有所
不屑也蓋博故能精淵故恣挹
於塵無不有乃能吐陳宿而為
鮮新於物無不備乃能汰混濁
而透清冷海上人不信者木大
如魚胡人不信虫能吐絲成錦
無惑乎其訾且疑也不佞嚶々
少可礪々眈眈然每讀君集常
覺學有不足方諸古人可謂內

無遺思。嗟夫。末學牛毛淺術。龜
測燕石之賤。輒擬和璞隋珠。覆
瓿之物。自謂鏤金刻版。如湯義
集最多。而所選極精。嚴可謂
朝之學術。四傑之儔。亞卓然一
代之不朽者矣。湯生與余唱和

賞音。為生平莫逆交。故因其請

而序之焉。

序共五百八十字

邑人帥機惟審撰

玉茗堂集選目錄

卷一

賦

遊羅浮山賦

有序

秦淮可遊賦

有序

青雪樓賦

有序

西音賦

有序

嗤虎賦

有序

卷二

賦

感宦籍賦 有序

和尊言賦

庭中有異竹賦 有序

療鶴賦 有序

百仙圖賦壽郭年伯相奎父

池上四時圖賦 有序

匡山館賦為友人豫章胡孟弢作 有序

銅馬湖賦為友人金壇鄧伯羔作

愁霖賦

懷人賦 有序

吏部棲鳳亭小賦 有序

哀黃生賦 有序

卷三

五言古詩

出都晚登里二泗道院高閣

陽穀田主人園中

逢采藥者關外

雀兒行

在七級作

陽穀助田主人宗祈雨

陽穀主人飲

南旺分泉

魯橋南望山

夜泛魚臺河渠接沛

臨清哭王太史懋德

太史同郡不相識病且死自以為恨感而哭之

喜丁右武稍遷南僕丞治滁

汶上懷丁右武淮揚

送鄒爾瞻吏部

江館憶別蔡青門

飛霞閣夜宿送冷道人遊嵩丘

喜雪

望報恩寺塔燈

過太常博士宅

六月苦旱渴偶就弘濟寺得江水飲

己丑立秋作

送武部周元孚歸黃州

送董光祿北上

雪夜望報恩塔燈

夕林

赴帥生夢作有序

江樓曉望同劉司業鄒吏部

杪秋度嶺却寄御史大夫朱公王弘陽大

理董巢雄光祿劉允陽司業鄒南臯比部

五君子金陵

登報恩塔歸騎望塔燈同汪仲蔚

送朱司空上都二十韻朱公前南客曹陸公南祠郎也

喜麥時晚賊初散南都解嚴

北望同劉司業允陽

靈洞篇呈趙太史蘭陰

髮落

丁亥戊子大饑痕

欲遊棲霞寺不果

京察後小述

三十七

懷帥惟審郎中戴公司成

題趙生冊子

卷四

五言古詩

顧膳部宴歸三十韻

時大水飢

怨婦詩

夏至齋爲西署芟竹

送吳幼鍾歸皖

送沈鄖陽

送郭考功北調采藥歸

贈唐仁卿謫歸海上

送汪仲蔚行藥匡山

送范敬之郎中奏滿便遊匡山

和別李儀郎道甫

秋夜盧龍觀

雨

送汪汝立郎中奏最兼懷吳幼鍾馬長平

送徐民部北奏歸覲

懷郭美命編修吉除勸駕有作

丙戌五月大水

懷范敬之太守潤州

慈竹山

穆天子

戚夫人

秋夕偶成

湯考功招遊燕于磯別洞獨宿圓愛師房

六十韻

定安五勝詩

右序

漢武故事

讀張敞傳

相如二首

京鷄

部中鶴

錦衣鳥

茶馬

胡克遜

宿浴日亭因出小浪望海

達奚司空立南海王廟門外

衙岡望羅浮夜至朱明觀

陽江道中

檳榔園

讀延庚樓詩有懷

并序

吾廬

卷五

五言古詩

過洪陽先生叢桂軒望仙有作

荅梅季豹問臨川舊遊

南都懷舊寄高大僕

雨花臺所見

黃橋西望

新昌阻雨夜宴朱明府署中時度四十七

未抵嵎數里阻雨仙岩詰朝留新昌作

古意言別

麗水風雨下船棘口有懷

王荅堂集選
目錄
秋雨九華館憶屠長卿

望羅浮進發

送黃太次

奉寄趙仲一吏部并問達師得三十韻

奉寄李蛭嶠侍御并問達師二十韻

送馬仲高入都并問區太史鄧吏部二詞

丈

奉荅新喻張克雋明府

止周叔夜嶺行并示丹壇諸友

送曾司農還朝

送謝曰可吳越遊

留別侍御林公

離合詩寄京邑諸貴

卷六

七言古詩

送趙中舍量移東歸并寄太勞僧

送袁滄洲

金陵歌送張太學兼問伯起

遙和諸郎夜過桃葉渡

送前宜春理徐茂吳

懷戴四明先生并問屠長卿

送內方山人還天台

送許伯厚歸長水便過吳訪趙公

雪中再贈伯厚

金壇歌贈王悅之從焦弱侯所徙太常東

署側

倭王刀子歌荅丁右武

夜聽鄧孺孝說山水

聽說迎春歌

立春日憶孫生

黃卿歸廬江

送胡山人歸楚依朱子得

送祁美仲訪琅琊丁太僕

春酒篇寄帥思南

送俞采并示姑熟子弟

采故叔也非生賢豪人也悲之

送臧晉叔謫歸湖上時唐仁卿以談道貶

三才集卷之八
同日出關并寄屠長卿江外

觀趙郭里小圖為汾源郎中作

別光祿周公

仙蒲靈松二篇為畢太宰作太宰石埭人

以五日生時以司農徵

帝雩篇宿陵下作

天妃宮玉皇閣夕眺

夜月太玄樓

太玄樓留客

代書寄可上人

觀閩海游徵君南陽草屋圖歌

吹笙歌送梅禹金感嘆龍君楊郡丞沈君典太史姜孟頴明府

荅王恒叔給事憶丁鄒二君

送饒伯真之天台兼訊王給事

為郭考功題趙松雪山水歌

渤海臺歌

送胡孟弢應制兼懷趙夢白劉子玄

送王伯禎同顧吏部兄余登三山

寄馬尉雲中

卷七

七言古詩

寄賀知任清齋

送于公彛歸金壇

送劉玄子使歸

送乳林齋經入東海見大慈國寄達師我

巖

招梅生篇

董光祿招遊城南三蘭若同南海曾人

卽事

送曾人禱由武夷還南海

送周宗太遊泰山吾郡東鄉人自號劍石子

太常謝公北泊天妃宮有作明年正朔立

春謝公前使琉球感天妃神光濟海

署客曹浪喜

榆林老將歌

邊市歌答丁右武

鳳臺同人望句曲

重過石城埭

文登羽客謁齊王子宿天妃宮

凌陽篇

送杜給事出憲延安并問高君桂吳君正

志二郎吏

時杜過省其尊人明府山西

江東歌

寄李岸峇內鄉追憶陳寶鷄

三日二碧王孫山亭飲

聞王悅之說閩門隱者

憶祁美仲武夷

送梅禹金應制入都

夏州亂

黎女歌

萬州籐障子歌

伍仲元老人飲酒歌

綠漪園聽簫有作同耀先

玉雲生過平昌徐生畫扇爲別

留屠長卿不得

長卿初擬恣遊浙東勝處忽念太夫人返
棹悵焉有作

送謝君實理高州

送李參之侍尊人以魯邸傳歸潼浦

送鄭見素遊江東

送帥從龍北上

寄嘉興馬樂二丈兼懷陸五臺太宰

立春過鍾陵訪黃明府貞父偶興

卷八

五言律詩

古意

九江送王元景之登封

送華楚客歸夷陵

德州逢李道父觀察

河上送張明府

龍潭高閣二首

第五子生

送楊安入太原軍

銅陵

送袁生漢中

河林有酌

初至江關

送歐虞部

送客避難和州

送客湘西

鷲峯寺別季孟陽

對客二首

奇李少華

題王逸人莊

送蘭道者往天台

出關至滄州阻風

江上送張七歸楚

送客歸岳州

過年

高座陪達公

國家圖書館, NATIONAL CENTRAL LIBRARY, TAIWAN, R.O.C.

懷張別駕閬中

金陵西園作

送客荆南

曾王孫

江樓送東粵崔先

白水園

送周叟東遊

秋夜入廣別帥郎

將之廣留別姜丈

秋發庾嶺

小金山同陳潯州冷提運送軍府夜酌

波羅廟

光孝寺

南海江

出朱明觀

戲別冷提運

別魯司理

陳潯州

王荅堂集選 目錄
園居示姜緒父

送西陽椽

遙憶右武自蜀赴關西

東莞江望白雲山

平昌送屠長卿歸省

鴈山種茶人多阮姓偶書所見

七月念日移宅沙井八月十九日殤我西

兒慘然成韻

聞梅客生監軍二首

送古萍歸百丈山

靈谷寺寶誌塔上禮望 孝陵遇雨

靈谷寺浮屠憶謝友可少小鍾山之約

戴師席上送王子厚北上子厚名渾然司

徒北海王公公子也有物表之姿昔人之

度漚雨來辭戴公平生不飲此日連舉兕

爵數度公笑曰吾之邠原也用原字贈詩

命僕就和

與郭祠部公解避暑

卷九

七言律詩

長至奉慰趙祭酒鄉思

送何衛輝時喜潞藩新出

送王比部供奉採藥扶持太夫人歸粵比

部故侍御殿中

巳丑長至奉陪王趙二宗伯齋居有感

懷帥惟審所行止陰有萬壑千山賦

池陽余聿雲小時是尊吏部君請為之字

以詩問予復有漢祠官風味否答之

北安門曉望

再寄帥思南

龍雲卿花燭後來署中過年

送王侍御以論耿公歸蜀侍御故吉州人

至日聞聖主深居有感

送杜給事入都歸覲

送黃侍御出遷東粵暫歸共都侍御以論王弁州行

夏至齋居理樂感鶴奉命有述

送伍大儀入都大儀舊知澧州是年冬虜
入鳳涼

送越客

送京兆郭公

公以立春日北
徵歸閩覲省

懷路鞏昌汶上

送饒太醫歸東邑

元夕送吳參軍上九年計

送史德安

送吳竟父西歸過運司伯子

奉荅朱方伯

萬壽節送顧郎中北上暫歸省長洲

送趙舍人出守永昌追憶楊用修太史

送程中舍還朝

大樓僧真道

問薛太學近洙

送熊茂客從汝歸臨川

送方比部北上

送劉祠部視學南中

戲李季宣

送楊武選入都

戲贈梅禹金

送李于田吏部北上

臘憶王道服南海

送饒司理順德

伯宗故於予不淺
各克壯別去悲之

送來黃梅

贈趙司理池陽

送劉胎哲出餉宣府因攜少婦過汝南歸

華山續婦

劉君東下第歸西昌

和荅帥思南

送張蓮濱曲周

張君雲川人其尊
公名御史大夫也

荅君東天津夜泊

聞蘭谿令謝客戲贈

書郭武郎畫扇

送林廷任之進賢便歸閩省

送劉子極歸餉蘭州

于中父餉薊邊便歸金壇

送周鄞縣

座師余相國家鄞也君便道歸湘潭省其兄方伯殿中君

送王當世理台州有懷天台勝寄乞縣不果偶及

蔣蟄父宜春以文履繡脰留別却謝

寄馬長平理廬州

虞惔然在告

送李蔚元扶風

送王正之宜陽

送伍給事謫萬載丞

江上逢龍使君話沅辰事有嘆

送魏光祿便過歸覲

光祿前爲侍御時哭其弟茂權

聞姜別駕守冲遷守不知是滇是貴問之姜君前戶部郎以忤江陵相謫

送王可大遂昌

送葉鹿吳明府

寄右武滁陽

送黃觀察雲南

觀察鄉親多南中賈

赴傅觀察宴先向西城夕眺

約謝吏部先九日同令弟友可伍山人仲
元造池上

新歸偶興

雷陽初歸別樂少南文學文學故從其大
人之燕歸青雲峯讀書談予所居北垣廻
武曲東井映文昌爲勝漫云

約造謝家池不果高卿便有和作復次
高太僕九月三日天水姬生弟八子戲贈

送王淑父理廣平有懷馬長平

送長沙易掌故

送沅州衛叅軍懷計辰州帥思南

懷姜宣城并贈馮易州兄弟

送朱應春平湖

送盧少從馬平歸東粵

送林志和巴陵

送陳仲道餉延綏歸嘉定州

送陸震卿大行祭韓藩歸吳

送李獻可賚馬價薊門便携家歸華山余與

李君同是沈几軒先生門人也

送李明瑞歸華州因餉兵寧夏

送楊太素中書出祭趙府

和荅南城梅公

送牛光山暫歸涇陽

奉懷羅先生從姑

送譚侍御歸茶陵侍御疏閣中故有絲綸簿為大璫竊去觸璫詔

旨切責問出何記御史臺為言竟謫歸

送伍給事謫萬載丞

江上逢龍使君話沅辰事有嘆

送魏光祿便過歸覲光祿前為侍御時哭其弟茂權

聞姜別駕守冲遷守不知是滇是貴問之

姜君前戶部郎以忤江陵相謫

送王可大遂昌

送葉鹿吳明府

寄右武滁陽

送黃觀察雲南觀察鄉親多南中賈

赴傅觀察宴先向西城夕眺

約謝吏部先九日同令弟友可伍山人仲
元造池上

新歸偶興

雷陽初歸別樂少南文學文學故從其大
人之燕歸青雲峯讀書談予所居北垣廻
武曲東井映文昌為勝漫云

約造謝家池不果高卿便有和作復次
高大僕九月三日天水姬生第八子戲贈

八日謝公池宴一首

九日東樓宴卽事

小閣

西陵夕照

送何生海寧僧歸寄青陽諸弟子

送於掌故宰彭澤

送周掌故遷掌寧都教事歸干越與彭澤
於明府同西

麗水十景

卷十

七言律詩

送連孟準餉薊兼歸穎

送劉侯如司理金華

臥邸寄帥思南

送劉襄陽

送戴孝升之萬縣

送吳太原

送汪生

京邸移居別
降郎舍

送徐敬輿之任浮梁暫歸蘭溪

送殷無美夷陵

送吳司簿朝正

范敬之醉後有深語醒之

夕讌吳駕部署中

送陳司勳兼柬魏劍泉李于田二吏部

送何郎入對

送梁興古暫歸東莞并寄袁萃霞貴竹

送汪雲陽計部賑秦

送路鞏昌

送徐司廳歸越

送蔡小儀入都

七夕送張計部西歸

漢西門樓春望

送錢常州歸覲

送徐諫議辭越憲歸宜興

送趙國子倅湖

齊山秋賦

永嘉送客遊金陵便謁王恒叔參知濟南

縉雲仙都朝陽洞

送宋崇陽暫歸蜀都

過會贈公舊第時參知君在秦

平昌得右武家絕決詞示長卿各哽泣不

能讀竟罷去

和劉季德平昌一葢樓撫琴贈別

寄樂石帆

送姜耀先

簡都下友人二首

達公舟中見本如明府喜月之作

吳敬父談處郡佳山水欣然

送徐生歸平昌

徐生歸寄聲吏民

荅周松陽

荅范南宮兼懷曹尊生

戲荅華三石建亭之問

初歸

憶德園

憶見父并其高弟羅玄父

次吳明府

送王郎歸盱并問登州使君

送傅觀察東川

傅叅戎平倭過家有作

送劉叅藩南粵

同黃孝廉太次夜坐懷戴司諫

送葉時陽嶺外歸平昌

葉時陽歸書似時任

為亡遽謝平昌諸士子

送朱山人遊淮奉懷司空李公

送游先民宣城訪禹金作

送胡元吉饒陽歸覲有期

送宜水鄭青陸歸甌寧

送張思元文學歸渝水

送朱鴻臚使國還朝

送張廣陵

卷十一

五言排律

送王比部北上光祿比部以諫取

送艾大僕六十韻太僕以乙科為郎論江陵起復成起南鴻臚

同董光祿望雪漢西禪閣陪胡瑞芝武郭

高座寺懷可上人

盧溝曉望

萬侍御赴判劍州過金陵有贈三十韻

王荅堂集選 目錄
初發瑤湖次宿十溪

尉徐聞抵家直訂侍御莊浪備兵遷越歸

覲遠遺西物却寄三十韻

嘉靖間寧夏將王翊議決水退虜

伯父秋園晚宴有述四十韻

秋日西池望二仙橋

酉塘烟渚憶大父徵君

陽江避熱入海至澗洲夜看珠池作寄郭

廉州

平昌報願寺鐘樓新成十韻

潮音閣聞李本寧參知赴闕有懷

平昌尊經閣成率諸生恭讀 御箴下宴

相圃欣言十八韻

喜劉温州奏最述懷

謫尉過錢塘得姜守冲和方太守詩恹然

成韻

奉寄李蒼門諫議并呈省院諸公二十韻

奉懷開府曾公河南四十韻

再荅夢澤張明府二十二韻

王荅堂集選入目錄
送南太宰趙公致政歸餘姚

與劉浙君東

卷十二

七言排律

奉贈趙宗伯二十韻

荅李郴州乞雨蘇仙有應因憶與高太僕
謝友可吳裕之夜遊時謫徐聞不得過
為恨耳

嶺外初歸讀王恒叔點蒼山寄示五岳遊

欣然成韻

卷十三

五言絕句

秋江

偶成

遷祠部拜 孝陵

聞 聖躬調御有感

送汪主客

上巳日遊牛首登寶塔

又登文殊閣

上巳後二日遊幽棲寺

遊獻花岩芙蓉閣

住鷲峯寺曉起同夏正之

曹溪

以下多嶺南作

子篙灘

凭頭

瀉灑灘

觀音洞

翻風燕灘

浪石灘

大廟峽

登飛來寺右絕嶺

廻岐驛

五羊驛

廣城二首

湛林

惜東莞祁生

國家圖書館, NATIONAL CENTRAL LIBRARY, TAIWAN, R.O.C.

三才名堂集選
卷之四
金
答崔子玉明府朱明洞相遲不至二首

至月朔羅浮冲虚觀夜坐

羅浮上簾泉避雨蝴蝶洞遲南海崔子玉
不至四首

番禺江上七日長至二首

南海浴日亭拜長至二首

夜坐柬倪司理時恤刑在廣

至日懷劉兌陽太史

至日懷鄒余瞻北部

戲蜀客

恩平中火

海上襍咏

翁源靈池口號

英德水

卜公冢

新歸

西池

黃生去平昌遊廬霍

過河間題壁留示趙仲一

陽穀店

丁亥

覲回宿龍潭

乙未

度廣南峴江至長沙口號

符離道中

河間主人店

廣陵偶題二首

呼春鳥口號二首

去錢塘別劉季德關叔秀

鴈山大龍湫

鴈山迷路

鴈湫白雲菴

廣陵有贈

丁酉三月平昌率爾口號二首

蒼龍凌玉痛遠兒

卷十四

七言絕句

黃金臺

池陽城南

送趙大歸齊

送秦次君之汴

別梅固安

送陸生遊齊

送鄭午陽之文登

豫章送何貞長遊岳州

武進道中

梁溪

宜興道中

逢賣玉者

憶丁右武關西

看賈胡別

津西晚望

送文生九谿

王小坏去溧陽

秀州

金竹

新林浦

青陽道口

宿鐘樓尖

赤鑄山

夢日亭

采石化城寺

穀池店

庚辰再過南陵懷林明府

亭夕

魚龍洞

九華

花塘蒼蘇青陽

望春

廣陵夜

病酒蒼梅禹金

蒼龍郡丞

江宿

青陽道中

國家圖書館 NATIONAL CENTRAL LIBRARY TAIWAN, R.O.C.

溧陽洞山

豫章東湖送客

南康一夕至東流

與劉東流

寄葉石埭

寄林南陵

寄林巴陵

莫愁湖

送人入蜀

邸報御門有喜

和王伯臯薄粧含暮景

張老別

自事

送陸生從軍薊門二首

寄右武莊浪

朔塞歌二首

胡姬抄騎過通渭

河州

三才名堂集選
目錄
吊西寧帥

王莎衣欲過葉軍府肅州

南華寺二首

乳源道中

廣南聞鴈

小金山次蘇長公韻

石城吊鄒汝愚

徐聞泛海歸百尺樓示張明威

白沙海口出杳磊

送賣水絮人過萬州

和宋周太常平昌草堂四詠

和葉可權平昌草堂四詠

平昌青城山

赤壁望浦城

東梅嶺

洞峯

石門泉

班春二首

黃塘廟

上巳渡安仁水有憶兩都

午日處州禁競渡

九日登處州萬象山時繡衣按郡

送徐吉父長安上書

松遂界石鏡

遂昌松陽界萬歲山口號山舊名晚翠趙

康王避金騎所棲

送客信陽謁何太史

看畫口號

送客萍鄉成禮

讀四十二章經

唐山寺

廣仁院

卷十五

七言絕句

再覲回宿龍潭

戊戌

迎春口占二首

夜聽松陽周明府鳴琴四曲

出松門回憶琴堂更成四絕

韶陽夜泊

清遠送客過永州

湘陰曲

送袁生謁南寧郡

送武陵陳判之鬱林

送林貴縣

小孤夜泊

淮清橋弔許公

高座寺爲方侍講築坐臺四絕有引

送關叔秀北遊

得馮具區祭酒書懷紫柏師

拾之偶有所繼恨不從予同達師遊爲咏
此

聞王子聲令太湖是明德先生舊滯

都下東同年三君二首有引

樓外二首

三才集選
目錄
三
荅無懷

芭蕉

寄題劉君東遠遊樓

七夕醉荅君東二首

七夕

八月三日吳觀察得月亭夜宴已而客病
主人別有恹然感人事之何常悵爲歡之
不易率然成韻并有懷人二首

少婦嘆示朱山人三首

庚子八月五日得南京七月十六日亡遽

信十首


寄甘子開

人日

寄曾開府并問達老

飲青來閣卽事八絕

玉茗堂集選目錄終



國家圖書館, NATIONAL CENTRAL LIBRARY, TAIWAN, R.O.C.

三才圖會

三才

玉茗堂集選卷之一

臨川湯顯祖著

友人帥 機選

賦

遊羅浮山賦

有序

夫星圖粵地引潮汐於玄紐日次周天晷晷
夜於陽陸然則南嶺之南北戶之北固以輿
象之所偏龐燭龍之所長寤矣而廬嶽天子
之障衡山祝融之嶠樞軸雖連於西極經絡

未窮於南紀高融奧博是在羅浮羅山上直
百粵之精旁羅赤溟之氣軒轅以降隆爲粵
嶽矣而浮山者是惟蓬萊神山浮自會稽靈
海斷鰲不足比其波蕩操蛇不足異其轉徙
蓋流睽絕橋佇眙分壘飛峯息壤神理自然
所悵鬱者名迹蕪藹采真莫續湧塔暗朝花
之影沈湖銷夜樂之音每與友人禠衍曾曾
人舊嘆恨其奇大有終焉之意而東官陵祀
升踐靡由辛卯冬十月始以出尉徐聞速令

尹崔子玉於南海遲文學翟從先於東莞樞
川墟履原隱宿朱明曜真之館候晴霏焉蓋
晦夕也詰朝朔微雨襲梅墟經石門聽泉於
葉大夫春及之廊阿明日觀大簾泉避雨願
拙弔湛公於黃龍講堂道甚窄硤夜火青霞
洞中有湛公樓七楹仙鼠居之此盡下界三
矣明日起青霞至顛際觀日出爲中上六界
美人峯殊好袖如道人時時出雲其下千仞
葉大夫石館處也日始華露欲晞見城郭者

四五前立石雙如蛾翅豎又立石翥爲燕子
門一名彈子門爲美人障其前蟾蜍峯也同
人不前獨往彌勝從數羽衣人芟蘊而上鳥
道二十餘里廻翔眩視草樹飛走光氣有異
非所經識意謂靈境阻鬱剗然一岡平曼修
婉名以子午正其昏朝登頓再舍圭陰未禺
遂躡飛雲凌日觀唯見香鑪一具白水一卮
祀羅浮君焉望天池以陽星沙而陰東連扶
津之藹西盡崦

之邑靡不區封有畛昭貌

無倪者矣可謂恢魁乎大觀淵綿其神致也
哉枕石起臥欣言賦之儼於謝靈運想似浮
寫差爲飛愜云爾

極廬衡之經首睇赤嶽於賁禺畧招搖之桂樹
望雲氣於蒼梧問津途於莞城釋泛舟於源墟
灑林霏之窈窕漠巖戶之紆徐晨光飛而首路
夕影流而載驅倒烟容於衿帶睇朱明於隙餘
磴環蘋于莽蒼林織密以扶疎策孤征而掩影
鳥羣歸而沸呼傍靈池以涉趾歷廻梁而聳軀

鐘鼓鳴於林間香氣騰於路隅是爲帝軒轅之所履神赤燦之所廬坐參正而披衣閱柳中而定居何遷人之鞅掌得借一於冲虚靈想接而心歡營宅清而寐除慨衣冠其委土想丹竈之流珠問洗藥於真人發靈簫於聖姑守瑤光之玉虎戴碧斗之銅魚恨天華之宮不存怨明月之壇久蕪斷冥心其莫引翳神光其忽諸徒使來粵都者走明珠於合浦浮毳衣於賈胡彼臯壤與山林非天性其焉如將縱觀其窟宅恣風

雲之襲余若有人兮山中葉公逃其大夫瞰神峯之官緲感鮑女之來胥築清泠之妙館移家室於真圖半九天而一息卷懸泉而自舒契蘭溪之趙相咏明懷於彼妹悵峨眉之脉遠覺茅山之氣殊諒仙人之藐矣居其堂以鬱呼度石關之穹窿接新構之離婁泉淙淙而夜鳴雲英英而晝敷清不可兮久留澹容與以踟躕山帶氤而翠積水簾波而素紆營磐砥今偃仰蹠葩華兮噴噓避雨蝴蝶之洞睨梁天漢之虚彼增

城之湛子洵赤海之名儒匪淳耀其外麗有神
精而內攄吐經書以玄澹集龍鳳以娛娛若洙
泗之間閭儼夏屋之渠渠委樓觀於山精寄田
業於門徒聖無存而不妙凡有亡而必粗疑海
波之增減窺戶牖之有無蘊苦心其爲誰逆流
風而滄俱於是拂金沙今夜語踉青霞今日發
逗威夷而宛轉望敦龐而塊軋澹孤青於氣表
漏華陽於空閬日或若崖隙於川渠錯瓊瓏於樓闕
雖道絕於登降亦臨觀其曲折緬增城其在

遞仙風而岷嶸俯龍門而直上有流光之影撒
激上界之精華照下方之明滅何峯容之偉奇
漾真人之秀烈偶儷石之前臨露參差而障列
如倚翅以斯冲似懸帆之次揭映神姬之出雲
美朝暎而暮晰轉靈蝸而下視象寒津之漱齧
始浮山其浮來自會稽而溟垓覽至今其草木
有東方之種別泯合際於羅丘度鐵橋而綴缺
豈華靈之遠擘非秦皇之近設抵半舍而泉分
宿烟炊而飯潔詫木末崔子玉之下來愴石罅

翟點蒼之困歇信絕地之行難豈中天而輿輟
定飄搖而整巾豫蹶跚而結襪頓金策之拳奇
步羽人之勃窣上登翫其若梯進屣顏其若闌
峭壁虛而溜浮積泐歆而苔滑寄掌股於旁陁
托跟趾乎冒楸蓋起瑤池而躡飛雲周三十里
之靈樾象耕之所絕蹊雉樵之所迷術肆奇樹
之葱龍井異卉今冥密紺蒼凝而五陰碧鮮流
而競發固風霞之所藹藹亦丹膏之所淫鬱有
一花而四照有五色而一節或建日而無影或
嵌空而有雪青珠冷風其欲乳珊瑚叢生而逾
活神麈倚其雍容仙髑影而撒拂木客離筵而
似語山魃隱映而倏忽別有朝菌若雲夜芝如
月翠羽攢菁金粉浮馥曩得一而爲艷此成林
而不掇固靈境其常然嘆人生之觀絕謂林封
而徑窮忽岡巒之秀潤儼撐距而不前乃案衍
而條達曉發足於青霞午凌岡而載菱候鷄鳴
於上霄降茲巒而子未正子午之嘉名定昏曉
之相割念人間之急晷劣旋車而已瞥矧山行

之阻迂慮峯攢而影咽竟凌霄而未禹何鄧林
之蚤渴豈日氣之偏延非海陰之所遏遂徑庭
其造天極空窠○即空也而戴日屬湘疑於壘確辨交庶
之隴埒○列眇積木於河林認扶桑於渤碣揆瓊州
而地矯引長星而天豁布盼蠻之芒芒衆每生
而忽忽偶旦宅以推排糝山川與名物昔冥丘
而去燕今南池而徙越爲情多其苦悲亦心淺
而易悅塵影含而智虧年路深而意漫夜樂何
時而遇仙花首何因而禮佛村凡情於聖眞若
闕觀與窮髮將無始之趣未融令有終之相難
閱朱鳳沫而潭氛碧鷄殷而石裂覽異鳥其參
差意靈禽之彷彿宮觀歸而如在丘壑虛而豈
屈吾將洗浮氳於自然悟空明於一切朱陵之
花靡謝曜眞之氣長結燁光景今夏不知乎天
之所窮靚凌兢今吾以觀乎日之所出

秦淮可遊賦

有序

庚寅晚夏望夕風月朗清人氣蕭爽大儀伍
君命酒秦淮波上肅舲學宮弭柁乎斗門夷

猶中流急管起於別航名倡更於樂府襍譔
竒筵淹於丙夜同寅膳客郎兩顧君小儀蔡
君各極本量而止歡如也就中客郎興寄橫
發待予正陽門下坐流雲之碧階送淪霄之
素月醉言有清人之許離思多久客之懷歸
攬朝霞賦成夕秀云爾

若夫赤月加望林鍾應響火熒熒而向流晷遲
遲而欲往光拂鬱以延歎氣丞沈而失爽徒屏
隱於軒廊闕遊觀於莽蒼何愜穆於周行獲佳
期於漢廣樂我諸君秀而有文繚江閩之素氣
朗吳越之竒氛既自公而多暇在燕私而必聞
樓臺落日山川出雲木懷陰而靡景草含清而
向曛首英寮其薦酒指蘭舟而命羣命羣兮何
適望秦淮兮今夕拊文石之傾闌背學宮之廣
陌玉樹之長廊半陰金陵之倒影猶赤有所期
今未來借彈碁而遲客減人從以輕舟弛冠裳
而露幘儼佳賓其已齊放寬波而試劇蔭紫蕪
與丹駁襍青林兮紺石蟬啾嘹其翳響鳥差池

而卷翮晦陽魚之出遊豔波禽之浮拍思慕的
於芙蓉眷幽芬於蘭澤物有去而歡遲時有來
而怨迫曠皇都其未娛舍流光而更索恨計往
於尋常悟懷來於咫尺澹容與於清華蕩流連
乎空碧蘋風起而颯帷箭月浮而動席度江東
今宵析嚴念漢西今重闔隔汰水關而望迥限
斗門而意窄態紛紜其自親飲周流而未擇極
本量之推排盡觥籌之發摘蘭肴藉今風色鮮
桂酒流今月波液淚簫倡於鄰舫接棹謳平伎
籍吹激賞而彌亮唱延悽而屢繹諒不醉以無
歸豈有懷而未襞水光搖其瑣組露氣涼其簪
綵滌滯慮於玄青玩回環於虛白下瀨疾而須
欵歸塘順而再逆邁亭臺於浦裔睇臯巒乎樹
隙素光流兮雲石稠黛色深兮風烟積或樹古
而池平有朱門而畫帶釣渚何營漸臺誰闢吹
簫屠狗之孫鳴鐘販脂之役杳河漢於清懷盼
亭臯其可惜緬吳淮之百流斷秦餘之一洫擬
王氣以中沈亘皇明而上直若渭水之貫都象

明河之注極流美惡而匪鑑映井里其如織蔭
居人於倍市駐遊冶之百色牕姝榜女之夜笑
蘆人漁子之風食想閣道於何年悵籬門於此
域荷年運之清風

光緒况山川今夕

佳有才情今誰匿諸君感此且飲且詩小人承
之或鼓或罷或唱驚蟬落葉或歌飛鵲依枝去
清秋其幾何撫逝川其若斯清觴已矣良夜何
其散殘瀝於津人分餘桃於侍兒收沈驪而一
機上前崖而載歌眷橫參之已西嘆明星之不

遲咿啞笑語徊旋步馳或有辭而未去或有去
而不辭亦各極其致爾誠無嘆於參差別有東
吳主客情源無竭偶先驅而北矯轉候予於南
闕步崔嵬而遡風立交桓而送月望紫氣之冥
蒙坐玉街之瑩滑譚信州之積想喟玄都之素
謁已九涉於星霜詎雙凋於顏髮愴世路之悠
悠對旁人而咄咄愛予行之高竒許微文之清
越諒醉語其必誠豈寤言而可忽倏天鷄今告
晨漾朝陽兮欲出意悠揚而就分與淋漓而未

畢車倉皇而造門燭熺微而見室歸夜遊兮氣
清聽晨風兮思密雖映賞於兼葭尚留驩於蟋
蟀

青雪樓賦 有序

四明戴公是萬曆庚辰歲予遊太學時師儒
祭酒也公容情俊遠談韻高竒於諸生中最
受風賞徂春涉秋究日餘夜公私之致兼窮
禮樂之歡無吝矣辛巳以失意江陵相致仕
里居而予亦跼伏江外徽音邈綿已丑予徙

官南祠得公手書云前墓婦徐青山山自天
台來其前雪竇山來從四明相當也夾以公
棠建溪前以剡水橫合而東北靈海胥其窟
矣若乃關流扞門隨迎主賓金魚之阜玉鏡
之池玄武碧鷄之狀仙人文曲之星察其地
貌蓋亦他日歸真之宅也夫沒為堂房生為
樓觀考槃其中名以青雪四牕四明蒼翠如
織步吟徙倚甚以自適吾弟達者為我賦之
以示後人予感而賦之

若夫越國君子翰林主人江海空明之氣風霞
秀上之神既有情而有望亦信美而且仁雖紛
吾之寡韻獲勝引於成均坐東堂而賦竹過西
池而采蘋圖史之觀入夜琴歌之醉兼旬人逗
機而無舊物賞氣而有新素風期於道業過洗
激於清塵加以東閣嫌猜南臺恚誤本生世之
難諧豈時人之法度念衮職其何補謝榮衢而
息驚卷仁義之壇場問風雲之逕路温伯雪子
之畏人姑射仙人之飲露非息陰而取機且緣

生而發寤七尺之有難辨無一瞬之新易故苦山

川之陰入尚瑩臺之潤樹曙霞標其可驚布神
光乎赤城度星台而折彩閃鬱郁於徐青影玲
瓏之雪竇洞葩華今四明左棠溪之溜莅右建
渚之葱縈織交流於翠剡歸榮光乎赤溟洞壑
宮商之響陵阿鳥獸之形象委宛以靈和氣參
差而淑清青岳之節金魚活活雪峰之寶鏡熒熒
吾山有終焉之志斯丘懷可樂之情志有悲而
未陳情有驩其必薦映渠陌之通明晻林霏之

筓蓓藹生香其發越縛流津而渙泫卑壤纂而
陰穠草樹花而晴絢適愴蓋以忘懷撫高深而
滯眷矯樓臺而一目敞軒薨於四面納陰陽而
吐心出山河而入見東井通日月之華北斗飲
風霞之彥客至而棲雲讓席人去而生烟拂薦
徘徊晤語徒倚流盼近深心其自遠迫遺形而
故衍埒靈華於清府望仙人乎海縣想勝業之
悠綿限情期之涉踐相臺釐而密發恃神明其
未變一往之致無還方寸之心有旋故通人之

遠者妙死生於一線惟人生之去來象潮音之
出沒偶愜寄於山川又奚分其宅窟當生門而
近鬼逝多林而就佛襲光氣之流離藉陰暉之
隱鬱撫靈娟兮悲玉人先朝露兮掩金骨指同
穴以爲期念皎日以明發依松柏之明庭托粉
檟於靈越旣連理之在茲庶畫衾之無缺遲鳳
靡於金泉訂鸞訛於石闕渺同室之春秋凜便
房之歲月想霜露於容堂且醉歌乎林樾極平
生之眺聽冀遊魂之恍惚樓造天而敞高墻穿

息而勃宰隔地脉之幾何謝人歡於倉卒玩傳
薪於竟指候滄桑於窮髮來未詮其所根去不
知其何物苟來去之無存自欣愁之可拂就臨
穴而何怵暫登樓而靡他善飛沈之暢悅佳草
木之倚那思美人今瑤草蔭山鬼兮女蘿奉浮
生於尺晷懷佳期於寸波悲千秋其未弭歡一
日而已多唱蟋蟀於軒堂邈寤寐於陵阿寄流
光於夜宅欣蚤計於前和弭日月之合璧成樓
闕之崔峩遡甘露之鷄鳴聽洛水之虞歌達生

之何事已畢微躬之滯累伊何澹春華於曉署
迴秋光於夕河昔樹人今桃李今懷仙今菱荷
尚風雲其未已乘樓觀以經過及美人之無恙
佇靈阿於幾歲

西音賦

序

周無懷與今侍御饒伯宗並予弱冠時友也
周君氣激虹霓心注時務其人雖短在乎儒
俠之間也中年好道世業凌夷遂乃骨立於
江潭神銷於路側則夫把手而悲撫心而贈

者交道之常人倫之槩也夫上困者不知井
養外睽者思其家居於是周卿興言晚計修
仲長休璉之樂焉於予有成言也賦而歸之
何無懷之老人紛平生之可念昔魁顛而美髯
亦貯清而骨焰肯問舍而問田曾學書而學劍
說西州之地牢講南吳之天斬窺流俗以愁眉
指英雄而自占饒君長而靡餘周卿短而亦瞻
何賦命之殊條逢並飛而忽墊妻子死而神傷
衣食虧而意歛青瞳枯今無光白髮生而少艷
稍遊涉以痿那數坐遷而滄欠望百年今幾何
尚寸心其未玷潔才度於時人許十倍而寧僭
君素食以恒饑彼脂膏而未厭痛皮骨之空存
直年華之數儉且辟穀以無方豈長生之足驗
偶西笑以彈冠竟東征而解纜朱絲拂而鳥舞
洞簫吹而魚瞰獨世路之無明屈夜珠於投暗
致旅人之瑣瑣坐予官之淡淡將送子以薄裝
復依人而轉颿山中之桂團團江上之楓湛湛
愁江上之清風吹故人之白首昨與予今成言

歸葺理其園畝曉傍樓而聽松學當門而種柳
間雉廩之苗麥襍鴈池之菱藕直春秋之美辰
約遠近之妙友舟音多半日之挈青驢有數步
之走乍迎門而一笑且入坐而開口問近况之
何如并遠親之在否墟集之屠鮮可具廬落之
果蔬自有眼前之風物宜人厨下之兒童應手
或興淺而中飯或談深而上酒有月下而聞笙
亦風前而擊缶常若斯其往來初不記其前後
倚名流其自清恃嬰跚而可久予素信乎周卿

言言之不朽巧天機其密移劣人心之映受
愛世味而愁短立家基而願壽一生二而生三
歲數伏而數九糴清微而糴粗過美好而逢醜
猶守免於舊株尚窺魚於敝筍豈知事有所不
可知器有所不可守嘆予官今久稽歸與子乎
解持澗流光之綽約映明真而卜棲過香鑪於
星子棹上清於盧溪散江湖之流精玩龍虎之
仙機水玲瓏於山蹕花晻藹於林扉亦鷄犬之
相聞但車馬之來稀能止衆而止止得非想而

王荅堂集選卷一
非非飲冰雪以年熟澡甘泉而色輝儻老生其
不死會移家而見依

嗤彪賦

有序

予郡巴丘南百折山中有道士善檻虎兩面
析之以鐵中不通也左關羊而開右以入虎
懸機下焉餓之抽其析出其爪牙楔而鉅之
絙其舌已重餓之飼以十銖之肉而已久則
羸然弭然始飼以飯一杯菜一盂未嘗不食
也亦不復有一銖之肉矣以至童子皆得飼

之已而出諸囚都無雄心道士時與櫟跌爲
戲因而賣與人守門以爲常率虎千錢大者
千五百錢初猶驚動馬牛後反見大牛而驚
矣或時伸腰振首輒受呵叱已不復爾常置
庭中以娛賓月須請道士診其口爪鑄剔擾
洗各有期道士死其業廢予獨嗤夫虎雄蟲
也貪羊而窮以至於斯辱也賦之

夫何山中之一獸兮受猛質於西旻貌低團而
項廷鼻黝隆而齒齧目斜匡而電爍聲倨頷以

雷殷舌理粗而莖樹鬚鋒橫而獵人爪含銛而
卷曲尾拂彗而絙伸咤形模其足怖矧精威之
絕塵靜嘯而陰颯罕起坦步則稠林自分凜氣
候之相制隱形勢而見尊况百拆之深山常此
窟之成羣黃班屬而臥隴白頰連而飲津初涉
味於牛馬遂舐及於人民戶震躬而屏徙或重
遷而遠藩獨無生之道士故有心而與隣力不
加於子路術不詭於黃神布石關之宛轉交鐵
葉以續綸界鳴羊於接檻誘聞羶而見循進密
歷以窮路退躡躅而下門遂乃聊浪擲跌偃又
輪困始僮毳而怒湧久牢騷而意煩氣屈而敲
力瘳而跋壙局拘而勢改積威約而理均於是
道士欣焉待旦及晨舉之於懸處餓之以兼旬
待滅神之委頓任處置之紛紜未陷頭而拔鬚
先胷瓜而剔蹠捩權牙於巨斧磨刺古以疏巾
香泔變其腸胃清水洗其喉唇欲次第而施食
已隨宜而致馴初猶啖以礎肉次則習以盤餐
或設以糗粒之餘或投以松芥之根既苦饑而

伏檻敢擇食以對恩遂乃改山林之性氣狎鷄
犬之見聞遇夫人之下視卽弭耳而意親諒厓
柴之已去放野牧以逡巡非止柔性兼弱其肋
圓腰纖而脇息豔斑摧而襞皺撫之而亦喜撲
之而不嗔似巨狸之擾足若卑犬之纏身偶循
隅而吐暗輒蒙呵而愴魂昔有大蟲之號今有
小畜之云懊撐距之無時委降戢於非倫雖山
君之短智亦梁鶯之淺仁見其弱而可弄牽以
售而論斤有守犬其未足借虛名而守閤旣爪
牙之久折亦何威而見奔第周旋於苑薄得混
迹於甍麇學婆娑安而昵主戲矍矍縛以娛賓感知
音之君子被嘆涕之殷勤偉茲靈之巨猛鬱有
武而有文偶唇吻之所及皆性命之相因論雄
心與剛力固決乾而倒坤畧綱絀而風飛觸燖
燎以雷噴哮怒則千人自廢憤蹶而萬瓦猶震
非胥疏其有欲何牢檻之敢陳偶朶願於跛羊
落一髮於千鈞饑窘來而餌施利器往而性泯
足人間之玩擾何氣決之可存諒如此而久生



固不如卽死之麒麟

玉茗堂集選卷一

九

玉茗堂集選卷之二

臨川湯顯祖著

友人黃立言選

賦

感宦籍賦 有序

今上丁酉三月予以平昌令上四年計如錢塘盪舟長日篋中故有高士傳慨然尋覽之無存也童子故以宦林全籍進予覽其書書官書名書地書號大若麟角細若牛毛晰矣

備矣反覆循玩亦可以奮孤宦之沈心窺時
賢之能事感而賦之

有平昌之令尹淹結課以孤羈偶猶夷而懊悵
暫循求於展披頗有仙班秘籙士品玄碑巾箱
失檢記室忘攜旣宦林之有籍豈童子之無知
因而取御業已忘疲嘆閬川而閱世何此書之
可怡冠二京分列省之地界標四季合匝歲之
天時其地界也東綿遼掖西折涼雋北隃代薊
南極滇黎控中軸于長安剖河山而四維皆百

戰之所取豈一日之可縻署都官於南北擬周
漢之東西南簡曹而少務北備宋而多儀外則
邊遙其腹幹切其支臺省于焉受使州郡于焉
稱知有斗僻以孤鎮亦犬牙而交岐甫一逕以
維絕或三會而抱竒下至一尉一侯險如三毫
三危有兼有特孰正孰裨莫不禹迹陟于周官
堯封攝乎漢威猶恨缺紀官于朶衛失請吏于
交夷其天時也選則通急之殊其侯推則例閩
之譎其期秘館視三年之學內徵以四稔爲規

奏計僭優而或殿報政當過而或稽臥病者往來於浹歲予寧者去住以彌暮或遑將而往返或奄息之早遲第有聞其必鑄鮮存亡而闕疑覘邸報之日積直會計而改爲是故日曆終歲以猶把宦籍逾時而輒揮在近者摘新而賞實市遠者預舊以酬欺非春秋也筆削聖而竊取非易也先後天而奉時時之爲義大矣惟名與器隨之嗟夫大鈞寫物皇極鑄人物與無妄人生有真吾有身而易寵世喪道而難貧是以羞

其編戶榮乎縉紳然而布種詭襍值候續綸幸者乃爲公侯之子卿相之孫前書厥考有階有勲後列環衛如官如恩托江河而猥大依日月而常新不必學書學劍自然允武允文又若駙馬都尉一體天人在旣富其何費獲至貴而無勤次則納貲而爲郎亦以財而發身過此以往其勤可知矣清流之跡奮以文詞則必沒身乎訪綴噪吻於吟咿寒暑侵而靡覺骨肉怨而不辭至如羽林隸策倉門學醫吏人學律中書臨

池玄流理樂天文測機莫不窮年渴晷立骨銷
肌彼殆胡爲乎爾誠亦有所用之又其甚者作
奸犯科知無不爲跂榮分僂迂平取竒皆欲爭
毫釐于此籍之上附咫尺於半部之餘外有乘
間抵巇能畫能碁微言解頤說劍說詩日者狎
客夜來秘師皆得遊大人以成名指旁流而借
貲下則緹騎惡子前魚弄兒一則如貍如豺一
則如韋如脂無足比數何所覬覦然而物有所
至事不可知買功爵于攫金之後乞告身于枕
袖之時經營衣錦踐躡綦絲在主爵而無靳咤
剖劓以何遺第云爲之則是敢曰文不在茲嗟
夫天下亦大矣仕人亦夥矣有鳳凰之使則必
有蟣虱之臣有金玉之英則必有糞土之士巨
海葺龍蚌以鋪文太華總松榛而擾翠散之人
有二等合之天無二日天其平也不平人則不
一也而一不平謂何有一有多有終身于帝所
有絕望于廊阿有十年而不調有一月而累加
有微歆而輒振有一蹶而永蹉有弱冠而崢嶸

有白首而婆娑有受萬金而無訖有拾片羽而
爲瑕有擁旃于華美有投牒于荒厓有提鹽而
擬方伯有守郡而無建牙有贍僮客而鳴豫有
絕父母而勞歌有長孫曾而襲珪有鬻子女而
還家有上壽而賜尊有自經于幽遐麗風者衍
言笑而加翼絕津者罄號咷而靡槎得時者隨
俯仰而皆妙失志者任語嘿以無佳徒使墨守
者視此書而失據捷鬪者指是刻以嚴誇智愚
勇怯于斯乎盡銳貧富侈嗇于是乎交賒細則

鑽如蚊蚋大則據若蛟鼉緩則穆如埧篋急則
慘若鏗邪親屬之榮悴以此人身之軒輊匪他
何必耆舊傳而特筆人物志以編摩第登名于
仕版若陟嶽以盈科有規有矩如琢如磨諒有
朝其必市想無臣而不波乃有揚休山立遽戚
駘駘姓名舛詭爵地參差鸞視蟲其一粒豹覺
颺以隨窠苟有懷而未暝總奔命于旁羅是故
謁選則咳成雷雨議汰則委若泥沙地貴則聯
之以雲錦命賤則等之以風花至消詳于品別

益撫卷而增嗟名理疇而贖售功勤埒而盜夸
等竒節而抑真並文林而采華然則茲籍也蓋
有朱紫異質淄澠同和者矣迨其甚也且有人
焉巧若窮竒昧若渾敦名可以冠楚杞貌足以
鑄神奸物論之所必去茲籍之所獨存方災木
而未已或閱季而彌尊亦有行若處子智若耆
舊望足以壓折非是才足以獻替可否謂周行
其必先視百爾而豈後比索名于右方或展轉
而烏有或置無人之境或寄冗從之數冷之以
所必灰瘴之惟恐不走彼拙效其常然豈削籍
之所朽徒使頽弱之人覽茲籍也耀其貴如得
如驚黯其賤如失如玷懲死灰之不然慕積薪
之所占名已沒其焉如貴及生而可艷捐亢壯
以和顏筭幽憂而委念然則茲籍也能使人采
色飛舉道心沈亂可觸手而偶觀難淹神而久
玩忽掩卷而惘然吾亦多言之爲幻矣

和尊言賦

靈仰方中提翔上宮燦承孟閏矯揚南雍問我

何思思我慈翁昨得翁言提勗玄風翁曰告汝
民之初生空遊莫圉夏子姬羸繩生知諳多知
鉏年自絕遙舉汝生有辰厥命在旅劉歷扈翫
不惡寒暑爲汝駘蕩不相齟齬胎橐綿息絕屬
微許營載不密馳觴樂女迷惑兩豎醜不可語
謹牽龍轅孰害汝醕調伏雀味誰迫汝處微言
邈視復息其所平冲廣行少取多與可以長壽
視天倚杵寧云波世遂絕敦固在儒爲聖在墨
爲巨曾是不居但費行楮兒跪受教聳汗若雨
有生之生衆父之父兒非堯孔又乏彭聃無量
無方不得雙湛禹疏舜女由絕夏南嚴規易守
要妙難探尊有成命天無戲談世目同諦何止
得三

庭中有異竹賦

有序

大學東廂向南君子亭兩偏皆竹而闌干外
小方池池外砌植紫牡丹白芍藥數株中有
一竹亭然砌上旁無附枝闌干之內側生一
竹諸生疑此竹且穿簷而出當剗去大宗師

戴公不許此竹竟從橫闌稍曲而上不礙也
公嘆曰誰謂子無知矣授筆湯生立賦此兩
竹

大學之英君子之亭度靈臺而選勝繞聖林而
啓扇麗園橋之壁藻薦方沼之文萍被素風以
悠衍承翠氣之葱菁魚相忘於在泚鳥載肅於
高冥非游塵之所筮實君子之攸寧朱絃在御
玉磬懸庭緒休閒於鼓篋肆靜謐以橫經采薺
而步其視呻畢靡亂其聽色載笑而嘉則張一

弛以遺形釋續綸乎几席縱流蒞于軒櫺幄垂
雲之曼葦帶積石之遙町練粉飄而莫莫玄池
韻以泠泠何修叢之葦靄儼雙篠之伶俦在鐘
籠而矯雋信空虛之有靈顧湯生而命進授洪
園之筆精對橫簪以逸美立面丈以經營池上
方臺雜卉羣栽丹華皎砌素藥翻堦孰亭亭而
異觀照瀾瀾之檀欒挺碧鮮而上峙擢岩堯之
翠竿復有宇下盤桓庭中偃蹇衆疑萃於孤高
謂枋檐而欲剪竟自出以委蛇挹清池而迥展

三才集選卷之二
翫比斨之生成象至人之舒卷爾其爲狀也虛
中忌實疎節藺密臨流似淵依巖類逸貞儷乎
淑美之操直比乎君子之筆影防露以嬋娟響
應律而蕭瑟茲竇管之一態未若夏標而巧出
乃其芳根獨遠一筵玄通絕左右之歲蕤貫青
熒而在中匪臨深而表勁緊濬子以明冲豈太
山之荏苒似高岡之梧桐若其迸石而立磬折
僵僂下不礙於憑軒上不虧乎承宇羗有心乎
雲步乍低迴而矯舉貴托根以自全異當門之
鋤去故孤生者常直近人者常曲直有取於明
心曲亦時而衛足明心靡遐衛足匪他一鸞一
鳳一龍一蛇自歌自舞或屈或伸君子儀之素
體圓神左右貞風學士如林敬吟菉竹遑嗣青
衿

療鶴賦

有序

大司徒王公北海樂亭人也聖亦如愚貴能
存賤頰聞浮譽先移長者之車仰謝光塵卽
倒王公之屣見其公子本藍田之玉艷示以

著述兼冊府之珍綴披讀其中有療鶴一記
司徒公從御史遷大理時也途邁被創之鶴
哀鳴馬首軒而療之長翼盈肌終不復去表
君子之流慈偉仙禽之善托抽筆敬賦

夫何一皓麗之仙禽兮孕海隅之奇氣鼓壺喬
之清夷表頰玄而間藻逞丹素以明姿趾象虬
而振步形亞鳳以揚儀吐奇聲而嚶徹嫁雲蹤
其委蛇薄幽林而不處颺平圃以高睨豈垂吭
於貴粒將毳毳於昆池崇紅開之離繳璣玉態

以披離至乃華表摧雲蘭巖墮雪膺散紫胎之
毛臆染菟戎之丘月羽全虧霜翎乍折落萬仞
以遙驚逗千翎而橫絕歛桂籍之來遊會蒲且
之見掇遂乃延頸伏地長鳴振天向流風而若
訴庶歸仁兮自全厥有碣石真仙孤竹名賢儷
寶慈於柱史邁種德之庭堅霽霜稜于繡斧吹
暖律於盧船在雲屯而叩拯遁震解以流蠲公
府之驄且止神臯之禽可憐遂乃駐此游龍收
其病鶴類秦樹之驚鳥似雕陵之感鵲縱置文

園留陪金閣擬儁格以難攄遲誼寰而眷托謝
冲天之騏驥就投人之燕雀閱其半死半生借
以一丘一壑飲以流丹之泉傳以良金之藥俛
仰顧神行遊顧樂弱骨重堅殷痕再合嬉同神
生之翬怖異禪林之鶴戲歲蕤之瑣墀對耗耗
之華榻爾乃素月蟾流清風螢亂繡箔催蛩關
河別鴈滴塗露以涼年耿微霜而夜半單隻誰
儔道遙無患聽遠唳於層霄聳素心於遙漢至
若西北十五東南二八霞肆羣翔雲天永戛或

人之箭或寄西王之札動清叫於園方寄
在楚乎塊北豈疎肉之難飛詎淺毳其如鍛低
昇欲翫徘徊至曙憶虞人於藻田奉君子於蘭
畧非戀目以余羈寔秉心之維恕念酬環其莫
展欲銜珠而未去寧希淇上之軒未羨緱山之
御願終惠於階屏永畢生兮容豫

百仙圖賦壽郭年伯相奎父

南極一星西真百人靈儀飲日正氣生神年齊
一指人過六身黃眉寫照素頰籠巾嶺岍杼首

緬邈微頰松子遊漢桃花去秦桃結千年之寔
松披萬歲之鱗蒲茸石上珊瑚海濱露晞紅燥
烟開翠勻俱邀皓侶並戲玄津則有乘緌抃鶴
託李馴麋奕則樵人之斧博則井公之碁了忘
懷於勝負或試守於雄雌復是仙林結響比竹
調吹琵琶出峽琴歌湧湄彼輕宮兮穆羽庶調
鳳以鳴螭別有金根紫腦繡軸緗蕤筆挾空青
之秀箋標小碧之奇南軒並檢西極同窺坐寫
三皇之誥行書八會之詩若乃芙蓉半幘杜蔭
全披俯癭槐而叩旨策靈杖以支頤載色載笑
或前或隨棄雜縣之廣樂謝迷陽於履綦剔耳
今綴宅之高窻不掩晞髮今明堂之華葉無虧
翔風窈窕曳景逶迤亦復遊波紫源采琳玄殿
月昇裁圓霞火初扇雀舞蛇遊龍吟豹戰文武
閑調陽陰顧戀黃金丹兮半圭紅玉粉兮一片
一片兮丹田九轉兮洞天歸昌兮何與人事入
昇兮空聞代傳出函關兮何嘆留漢庭兮未旋
辨葡萄兮進酒援桂枝兮往篇並榮塵兮不免

非玄通之固然何如列真之圃象帝之筵龍花
對飼螢芝并燃雲子風寔樵都藻川借揚妙氣
寧知大年山中今若有環中今又玄詎貞脆之
殊采信語嘿以平筌欽風久矣圖雲爛然是用
寫東華之百老寄西昌之一仙

池上四時圖賦 有序

南安孫子樂予同年友也構精館於周池之
中成臺之上極山水之致焉繁植芊綿遊鳥
嘲吹孫生體素懷冲覽聽流玩不能離去自

號印池居士屬者應詔迫而就道則緇囊錦
腦寫其八節之歡時而展之何必千里也騷
人墨客爭就其圖臨倘焉余為賦之

橫浦新波章都舊河東榮曙滿西華翠多藻魚
城之澹淡輝鰲閣之差峩途稀維駟里息塵珂
蘊醴風而邃僻漾空景以透迤有美一人在江
之沱本豫章之才子擢明光之桂柯染玄津而
嗽泳涉芳苑以婆娑選崇軒於一阜緬周池乎
四阿橫披睡柳倒插舒荷葱蘢翠竿班駁文莎

草香蝶舞花明鳥歌池上今酌酒庭中今載過
肴參桂蠹觴飛樹螺麗青雲而燦錦皺綠水以
縈羅上客未散美人半酖步窈窕之環徑藉芊
綿之繡坡含情久矣撫景云何若乃殘春告謝
入夏清和蓮葉遊蔡香樹眠蛾濯芙蓉渠而嗅葍
飲石溜以蒙蘿又如清飆蟲亂素漢霓拖霜鳴
石鴈露攪金蛾葉微波而聽鶴月安臺而影娥
至若嚴冬今積雪千里今皓潔梅樹之關直開
王枕之雲橫絕蘭夜興以猶乘蕙曉寒而詎輟
志池主之遊棕並山陵之所設尊生子聞而嗜
之曰有是哉孫生之宗代不闕材昔公和雲嘯
於蘇門興公霞眷於天台俱耽閔域並穢塵涯
未有卽人寰而遣適緣物務以遊懷今孫生以
方丈爲丘不離桑梓隔尋常之水卽是蓬萊先
大夫絃歌而資柳徑大夫人戴勝而處瑤臺婦
則蘭儀在室子則芝種盈堦可以晤言游泳永
謝推排巧復縻情好爵駐象璇台類三山而不
處涉萬里以頻來遵楊生之岐路失祁氏之山

崖將無垂臥遊之致取逋客之移館則孫公之館池非樊父之池已焉哉莫往莫來山中之人可猜或嘿或語人間之世如許且植援於山庭重係迹于丹青印清池而鑑止終賞泌於竒齡

匡山館賦爲友人豫章胡孟弢作

有序

孟弢本豫章之才子慕匡仙之舊廬結架山顏逶迤雲貌每聚遠公之笑自號栗里之人白雪恒操玄風再暘余嘉其志包宇宙爲賦所居

美澤國之洪州奠江陽之夕台嶽柱北斗以崔嵬鎮南條之廣邈爾其日月影射烟波沃漾積霧沈峯橫雲矯蟬碎瀑珠寒香鑪翠颺竹影之金書自然樹杪之鍊船無恙物物死強梁人生弱喪空述閔水之中不住靈山之上如何孟弢先我遊遨眉顏如畫意氣真豪河山不礙風雲自高書盈唐述賦滿邊棹鶉峯北峭鵠岸雙遙發匡后之寶牒覓吳嶺之金膏見白龍之時起聽玄豹之潛號搏空屏而曉灑寫石鏡於寒臯升降

神阡吐納靈川林冥冥今欲雨人飄飄兮欲仙
 仙家今遊衍層陰今疊巘覽神丘而弗居孰人
 寰其更選借禪林之一丘構丹房於九轉逗驟
 於石梁尋飛鷲與敞扁天門之松側生華矯
 之蓮半卷况復岩流自清藥樹恒榮留半空之
 霜雪隔浮世之陰晴長風夜作則萬流俱響曉
 颺晨嘯則百嶺齊應朝飢則平湖上菓暝暗則
 彌山佛燈允可以頓真人之響策儷神區之赤
 城乃有辯才大士玄德先生迦襟靈之滌覽泛

馨香而解縈妙吉對揚之地高真玄憇之楹振
 林木以長嘯憶蓮花之舊盟出淺見而遊戲捫
 重玄而迅征方遺蛇乎生品又何流鶯於塵情

銅馬湖賦為友人金壇鄧伯羔作

若有人兮鄧林懷悠悠兮子衿臥仙壇於谷口
 封天湖之水心谷口兮流眺水心兮殘照山中
 人兮何之去滄波兮獨鈎若乃春風不寒春流
 正寬紅鱗試子綠草迷干攬芳洲兮杜若倚垂
 楊之釣竿及夫文萍既合珠荷未卷麥雨飛來

蘭風溜轉苔磯之迹全蕪竹嶼之絲半展至如
 白露霞明綠淑風清肥魚正美石鴈裁鳴靡芳
 桂以為餌泝蕪葭之盈盈况復素雪紛飄玄池
 寂寥皓明湖其未凍詎幽山兮見招嗽寒流而
 隊繭聊卒歲以逍遙坐飛闌之曲碕步澄灣之
 板橋眺魚臺於月夕移翠篠於霞朝玩沈精乎
 在藻寧紛波乎市朝厥土王生長為釣侶比目
 雙抽文竿對舉鱸彼嘉魚陳其芳醑厭玄洲之
 共學憇長楊而並語側微玷萍於歸風濯頰纓於
 逝渚其釣維何載遊載歌歌曰水國波臣漁父
 賢人蒼梧兮浙水黃河兮衛津並垂頤於巨獲
 亦見巧於織綸玩芳湖之銅馬異昆明之石鱗
 不羨來提之玉維澆去住之塵湖水連天亭間
 釣船豫章之魚頃刻凌陽之鯉三年既就淺兮
 就深亦載浮兮載沈餌何為兮魴肯鈎何為兮
 香金鏡水中而容與堯澤畔之沈吟苟濠魚兮
 可樂計相忘乎直針

愁霖賦

駛河比兮春深滯江南今夏霖浩蒸氤而湧岫
漏飛風而攪林颯零零其晦隕瀾淒淒而晝沈
月夜夜而離畢霞朝朝而載陰始濛濛而徐墜
終瀟沛而難禁苦紛射而下澍並流歎以沈吟
爾其神燦代仰谷風猶作麥穗辭膏花枝罷濯
琅瑯之稻裁舒房子之絲始絡愛凱薰之時拂
惡祁雲之併落遂使閨無塏敞疇成潰壑室婦
歎而停機臺峻悲而廢罇在蟻封而有時占鳩
逐而無樂十句不休五月披裘感寸膚之恒潤

觸長帶以頻浮奏比閭之接溜激四注之沿漚
奔泉直響積潦橫流騎輪斷迹鱗介來遊戶捩
竹竿之釣街乘桃葉之舟况復江臯漢田海曲
河壖播空濛之泱漭慘瀏蒞以連綿長虹飛而
竟杳陰火濕而難然水氣黑而防驟風色亂而
忌前冷鱗鱗之鼃駮舞淋鷺之翩翾因泠泠之
稽雨濕裊裊之漁烟波光黯矣水客悽然篷輕
易瀝帆重難旋見衝霖之駭岸愁大浸之稽天
若乃神虬掛漢朱鱉浮川童馳西海龜出南淵

並取終朝之潤誰謹溽雨之偏至若岐路初馳
關河未稔絕國搖魂離亭悵飲謂挺轡于晴埃
忽霑靈於絕險又若陰鳥啼林陽鳥向崦後騎
難催前閨易掩覆笠雲來征袍雨點度谷雷懸
攀巖電閃橋道斷絕泥途積染何旅緒之搖搖
嘆年途之冉冉至若載陽載陰倏啼倏笑北斗
潛輝東皇隱照巷絕來遊門希久要水鳥翔其
戶商羊生於突寫崩山之絕絃斷凌雲之逸嘯
沒玄寂於蓬萊跟真空於藜藿詎知夫椒屋驕
奢梓澤妍華客淋漓於公府賓沐櫛於侯家誰
惜王家之郵誰借孫弘之車蔭帡幪于夏宇寺
晴麗于春霞灑階基之薄薛霑檐銅之暗華逐
乃置酒飛閣登坐崇樓視朝濟而不歎指暮雨
而淹留雖復金鋪繡溫玉鳥津流素屋有昏顏
之苦紅氍無底滯之憂雨乃室乏瓶儲家徒壁
立土復繩樞上漏下濕丹釜遊魚頰瓢斷粒固
宜其寂寂無賞淪埋類螿走獸爲之號眺飛禽
爲之翕戢子桑餓而未死子輿悲而載集卜子

之蓋遙馳郭氏之巾屢浥裹飯而趨排榛而入
徒聞其且絃且誦如歌如泣怪其情生嫌其調
急悲情生今匪他問傾天兮謂何對升雲之龍
苓以淪液之滂沱玄黃漫其無質陽陰滌而未
和蕪漸如之蔓草法飄零之桂柯匡渠一鼓愁
霖再歌歌曰父耶母耶原覆顧之周遮天乎人
乎寧燥濕之偏枯晏雨何心委運因任隨飄隨
止孰勸孰淫本萬物之爲芻紛人生兮若林有
情者分其濡爽無心者一其霽沍且棲遲而撫
化又何慘積于愁霖

懷人賦 有序

懷樂安令沈公蕪也蕪美須顏有烟霞之致
移令樂安彷彿王喬之在鄴竇子明之化陵
陽也入朝左遷于楚余亦下第過余咄曰義
無不釋乎以子之姿太清太寧之氣也豫章
廬山遠有匡俗近有顛張遠有徐孺子近有
吳聘君高者鸞鷲天庭低者鵲起人世紛紛
偕計射策銷其年力珠彈玉抵君何取焉余

時擁臥未荅眷其知己絕人矣歸南都中伏
夜不能寐起坐月露之中披懷作賦

悲夫天大地小。飄其淳光。日往月來。流其迅景。
運密徙以疇覺。物昭徂而遞警。載升淪于半氣。
覽衰隆于俄頃。孰無懷而不傷。在有情而必整。
雖美人兮滿堂。兢勸余之修聘。慚御世之無奇。
彙深流而縮綆。趾鄧林而必枯。詎冥山而見郢。
內熱愁焦。長途畏影。儻躋驚於青齡。復遲徊于
素領。俟河清而海塵。幾魂銷兮骨冷。故知死之

徒而欲生。躁有君而用靜。想盡者窮年。觀冲者
忘境。羨往去之松喬。識向來之箕穎。務尊養以
斷全。疾銷聲而自屏。佳哉沈生。海內廉貞。德有
魯鱗之實。政留蒲密之聲。余方榻迹於公府。沈
亦垂翅於黔荆。既同病而同歎。亦有胸而有情。
謂余姿之淑遠。似扶輿之灑清。既在人而靡類。
亦何慕而不成。曷不都捐赤臭之路。了涉清芬
之程。有豫章之丹釜。有廬阜之金英。釋恬愉於
性智。一昭昧於魂營。證無生以爲友。拂煩軀而

頓輕止則風停動則雲征鬱兮纁鴈之聘飄兮
素鶴之迎豈不長消枝條永辭患驚爾乃效藩
羊之靡決類纏蠶之自縈送華韶于遠道爍靈
根于短名已焉哉言之者無猜聽之者有懷經
物情兮轉流泊生人世兮苦難諧索米長安之
舍走馬章臺之街豈若仙衢玄仗帝圃清齋金
蘭之語無別琴尊之趣當垂鵲態雲霞之氣龍
章土木之骸結遙情于荆越托遊真於海淮君
門萬里人天一涯懷端易繞意藹難排西湖畫
艇南都紫臺翫高月度幔卷風來緬青衿而送
抱撫太露以傾壘每憶霏霏之妙語恒慚負負
於仙木

東都樓小賦

有序

余生不產物遇無極

得觸象而透

遲固存年日矣右乃南都之
君徽州李君潮陽周君吳顧君王君余鄉朱
君俱懷當世之才逸俗之度余並遊之其署
南側有棲鳳小亭諸君緩頰之場也余醉其

王名堂集選 卷二
中忽憶紅泉別墅草樹如斯因爲此賦

遊龍巨川棲鳳名園蘋池蔽景竹町籠暄吹臺
之梧對植暗河之桂雙掀果多梅蕝草則蘭蓀
錦雲披而花笑珠露零而葉翻地則銓流之署
人非華競之軒况復選部羣公簡要清通並挺
瑤山之幹俱韻竹林之風賞心惟會鏡影彌空
緩帶而臨清燕擗管而和雕蟲可以永慶朝倫
之穆均歡臣譽之融汰靈襟於草陌送柔抱於
花叢芳尊之友無恙折揚之調誰工有如僕者
周行有命孔德無容雖煥發於霞藻終睇緬於
雲松也

哀黃生賦

有序

余友黃生名棟里人也年六十矣貌寢孤貧
聞遊者談京都之富冒漲而行止之不得至
徐州中暑橫鼻過東平已不任視聽矣至京
一日而瞑同旅人共瘞之關南余感其生時
驩譔撫隴酸涕下第陸歸不能致彼故鄉先

賦逝言

哀哉黃生生年甚飲今日故人醜君幽寢欲不
吞聲慙相嘲切欲不陳詞難相飲噎生貧好書
仰人眉睫定本巾箱亡書別篋蠹跡難憑蠅頭
目寫獻笑虞初涉畧蒼雅目不知書玉佩金事
讀書如此不及侏儒生故無子求方服食雖有
閒情曾無弱息不善爲容揭露喉齒掉臂而行
槃跚步履故無長志亦復短視忽慕豪華來觀
帝里 帝里云何昔我經過夏浸稽空江淮
冰河濤翻雪島旋轉雷渦曲折駭頓寧任風波

渡江而馳僦逐驟喜焚輪疾堞牛馬之餘中目
凝齒蒙顏變軀懸發有程不得徐驅寒門暑路
鏢石我冰羊腸熾險駮耳摧凌公無渡河余方
泣岐拔劍而去不若哺糜生時揮手語謝朋友
幸至豪華誰非白首土風便習豈問妍醜結
駟難期蹈隙時有余聞此言重相止勸凡今之
人年輕力健勁出如鎚巧入如線動趾如風舉
舌如電若鬼若神潛形晦現如瘵如蛔食復轉
變承鬣嬉遊侯鯖穢羨生無技姣槃阿則便古

人有言貴不如賤白首華京非生侶儔號曰強
起名爲宦遊年高始壯漏盡何憂如生已矣宜
終首丘左思摘白揚雲逐貧人皆有憶我獨無
身蟣肝蠅鬚鼯腹鳧脰影必隨形力不敵命河
上郵亭別館橫經妻稱牧犢子字螟蛉希夷自
供怪魅無逢翻爲浪士忽翳雲蹤陰陽之食貧
病之容中暵徐邦遊魂岱宗裸致于京不復省
人目直猶視舌橫難陳一宿而冥同旅悲嗔藁
瘞都南時服周身他鄉是客異鬼非鄰已迷生
鄉

路寧識歸津千秋一寄萬里同塵躋躋獨冢遙
遙族親魂飛渺茫過鳥號翔何當拍取還君意



王荅堂集選
卷二
三五

玉茗堂集選卷之三

臨川湯顯祖著

友人帥 機選

五言古詩

出都晚登里二泗道院高閣

弭舳聚烟盪躡鳥凌暉皎旅積方此舒波情亦
增繞榛丘憶蒙密重關思窈窕况此羽人居青
熒滿幽眺雙扉永平直層樓迥飛矯陵巒翠西
壘中編河渠白東森古抄字撞檣密林樹伊優軋魚鳥封畛

四如畫岐術紛可了非經灞陵役復異河陽遶
如何帝鄉雲悠然映江表

陽穀田主人園中

宣遊無滯情端居有遙寄北窗何嫋嫋織襟出
延吹宛轉曲閨通依微連圃遞青華猶被隴朱
實已盈器南人善澆注北叟忘機事坐仰密雲
濟直望靈膏陸恢恢九夏適晻晻三秋至我行
豈不永葡萄兩抽翠丘園何足論一身已如質
倏見漢陰人空傷伸長志

逢采藥者關外

張公非韻淺孫生乃思沈處處可采藥何爲來
上林昔來當夏首今去欲秋深每憶張暑幔借
宅延風襟肅氣豈不早叢灌有幽陰穠條俱下
靡弱蔓且旁尋傾崖隱蟬鳴外噫繞蟲音黍稷
雖已齊膏雨尚遲臨在客豈無時一再食林禽
想我家園中榛蕪常見侵懷香不可問遠志復
難任

雀兒行 在七級作

棲陰魯陽穀信宿田公廬道逢雙髻子手提黃
口趨問從何方來荅言從構櫺登嬉發茗戶母
出于見拘直用克狸脯不足奉賓厨羣雛何啾
啾魂魄在須臾觀聽發三嘆爲乞此兩雛荅言
無所歸巢傾毋已無故之不能去空爲大鳥舖
屏營作方畧令持示我妹爲我置高軒養大縱
所如我妹應聲起削指以爲樞縷稽數縱橫網
薄相離婁籍以翠枝葉安設繡窻隅飲以冰盤
水飼以紅粟餘仍爲添瓜果致祝兩禽初一是
是下鵲一是日中鳥精氣感無微當知護汝羶
志着豈不至野性終踟躕兒童愛觀弄長者意
自殊羽翼自成飛但往不復呼

陽穀助田主人宗祈雨

叢壇歲有秩社樹禮無違巫歌旣宛轉葆舞亦
芬菲何爲闕幽應希復驗靈微滌川悲杲杲瞻
嶺佇祁祁峻旅停揮笠園婦罷抽機西郊殊自
密東臯良已稀隈壘今居是汾陽余德非豈恐
行路暢將念主人饑占鳥時開筵迎龍稍下輅

迴雲通海嶧轉潤借河沂揚冥洗煙怒吐澤遂
蒼威昏祈畢月染宵遲零雨飛寧辭整輕帕素
此滌塵衣主人登夏穰浮客待秋薇雖無蘭與
菊椒糈餞神歸

陽穀主人飲

趨蹌乃人理臥托非世資經知華闕路稍悟山
中時蕭蕭河上遊日暮風塵吹何意客陽穀始
得坐茅茨前扉眺南雲後牖延北颶幽樹蟬鳴
中情與燕歌宜主人重風義斗酒相過隨時時

道風俗間襟以書詩主客自臨酌童婦或觀闕
並言此官客日昨自河涓如何屏騎從冠帶了
不施妝薄不厭進鷄寒亦肯持客聞自驩噉愈
益縱巾綦想念家田下風義亦如斯蕭曠樂斯
土奈何當見離勉身一從秩不獲戀所怡旅翼
終南飛徘徊經宿池人生苟有情別夢當遊茲

南旺分泉

依陰有泉鬱蒙屯盛雲雷揮珠卽橫厲弭柁暫
徘徊神媪膏雲落天孫瀟雨開唯王資轉輸畫

地此縈迴涓涓連衛潞灑灑注河淮高巖刺雲
日橫籌傲山崖鮮冰敵陽至神木斬陰來浮吹
徹終夜飛艦常千枚珠粒山東泉藿肉江南財
當知禹貽厥宜歌帝念哉

魯僑南望山

雲波美川色綠蘚龍潺湲在舟徒可咏居情殊
未閒魚鳧今透亂蘭菊舊追攀徘徊河上路塵
冥京洛間馬首臨西山積雪徒清顏素心悲荏
胡常往還秋光汶陽水忽見湖上山隱映

不能去空然怨出關

夜泛魚臺河渠接沛

日夕汶陽道明湖影青岑發興已孤遠中波夾
平林平林烟色微迢迢未暉陰明月若佳人杳
靄來窺臨夜黃時叫嘯陽魚恣奔沈颿颿高柳
鳴檣絳撓風音籟寂警玄律空明洄素心紛晝
卽冉冉良夜稍惜惜愧彼滄洲客茲遊常映衿

臨清哭王太史懋德

太史同郡不相識病且死自以為恨感而哭之

交知有重壤相濶無近親徒聞君顏色清如淥

水蘋處心在規闕不隨衆飛塵生平無半雅哀
鳴能見珍諸人無物色之子有人倫寧聞四海
言引重一時人相期發心素婉戀來相親何意
我南徂逢君亦不辰有疾不堅臥就鑿朝國闈
良鑿不在國修生宜乞身歸春行采藥慎夏臨
清濱往往温克人沈疾善悲嗔委蛇卽非有攝
妄自傷真托身賢地主送此虛無賓馳魂迫東
岱委魄遡南津在家了爲寄客死理亦均予非
噉噉者懷緒此沾巾

喜丁右武稍遷南僕丞治滁

斯人負高概情蕪藹紛饒觸邪注冠影雅志在
公朝衣服近吾身有如裘與蕉升蕉有涼燠寒
裘終不凋斯人乃可去將無念霜朝西迴太行
軸南縱廣陵橈有客從瑯琊逢君獨酌謠巾帶
若山人玉鈞橫在腰他人富貴媚斯人貧賤驕
山中讀道書玉女時相嬌但令有仙骨數至自
飄飄靈瓊發昭輝逸駕動鳴椒雲冥深秀資霞
延仙隱標庶反山中駕聊用倚逍遙

汶上懷右武淮揚

山經嘆蚤草風人唵鹿苹徒言用相取寧悟氣
頃并輸驩情有贅柰襍趣無羸美劍沈西山佩
服豈得輕約結並倫品雅意驚通明佳期易中
折初願難竟程浮游滄海姿歸作豫章行相期
齊魯間并浙東南征津途問來者告我以淮瀛
邇予滯南徙濡舫不逢盈棲陰陽穀館迎涼秋
月生秋風亦已肅秋河亦已晶庭樹稍靡靡熠
耀且熒熒燕姬陳簾幄魯客媚樽楹徒知秋士
愜寧知秋士驚如何廣陵道花色重盈盈下作
合歡種上作芙蓉精經過但言賞跌艷卽前呈
丁生自言剛聊爲此所縈佩珠思漢女鼓瑟續
湘靈沈回自有托搖落詎能平旁人謁一官不
殊兒見錫豪情自浩蕩豈在東塵纓念與君遊
時出谷鳴初鶯如何汶陽道獨聽鴈悲聲

送鄒爾瞻吏部

糝糝青鳳臺裊裊嘉林枝嘉林有餘蔭孤鳳無
停姿予本都人士獲此映光儀昔來楊柳津今

歸流火時遊旋及多暇琴尊良寄茲高張不可
常委迤非我思山川時出雲中和爲德滋一節
趨以晚列宿光何遲美人常滿堂目成今復誰
徘徊德音遠何以慰參差

江館憶別蔡青門

春華殊郁燁江館憶凌波
花源漁父入蘭渚楚人歌
豈不懷芳遠徒令春望多
鳴琴風色麗卷幔烟光和
江湖一尊酒持許寸心過

飛霞閣夜宿送冷道人遊嵩山

天宮吐青霞陽華朝隱屏
似有采真人泠泠向虛境
五色費春耘清虛意言領
開書疑杳冥扶顏真秀頰
赤熱金陵氣疊暑江河永
清汗晝流離當風扇猶秉
人生正危淺驕陽復茲遲
稍稍映虛真習習襟期冷
居然朝市中咫尺會箕頰
始知飛霞閣夜出甘露井
願擘青荷衣隨颯散蘭省
屏營坐星夕倏颯烟裝整
欵跨非遙崑肅形非近嶺
滌蕩中嵩雲轉側關河影
河影月精流關氣真人警
長恨滄烟外竒懷失遮請
牛女

足開神江湖寄千頃

喜雪

度臘嫌風和入歲占雨絕猶欣夙嚴凍更報今
零雪臥聞森浙歷起視彌飄撤氤氳連信宿颯
沓委城闕寒光黯蕭索清氣凝塊北稍稍薄沈
霧漠漠沾浮月鍾陵紫氣開玉階水溜折誰分
蘭荔榮長期麥華茁

望報恩寺塔燈

寶積步城南露槃應在北遶行皆世心登頓極
鬼力衣色江霞染馬首林烟織轉眼百枝燈飛
光九層翼點綴各有行門檻遠可識鱗飄燭龍
下星闕暗河直上領覺俄金下界似陰色出江
隨倒影回城送曛黑岌業世希有灑漾真奇特
蘭膏出大內雕冶窮殊域持照諸天人報恩大
明國

過太常博士宅

太常東署中五年足棲集南風多爽噎春梅未
秋濕兒子此生成葉書此敦習逼迫徙詹事後

者來何急出門別井竈致詞如欲泣臨去幾回首向後恒過入昔作主人居今向賓階楫已悲題字滅稍呀新堂葺觸迹有思存循年真悵悵舊隸猶瞻叩比鄰都問及坐深難可留簷庭去猶立百年渾似此前人互通執弱心誠自咄懷來非可戢

六月苦旱渴偶就弘濟寺得江水飲

斗水十餘錢誰云江海濶孤生已四十正爾今年渴池井各封閉關梁逶遮過注喉如沃焦敢

復費澆抹延生喘脇際常恐命蒂脫朝窮雲漢呼夜厭飛蟲聒明河雖按戶斗杓肯低幹井參雖在闕玉繩不可掇稍移江上寺江水遠明活熱乏此甘露點滴在瓶鉢沈冥洞壑氣迴風撓虛豁嵌空倚絕壁日光傾隱割雖非清涼山水雪見毫末水觀蕩陰靄晚浴宜巾葛江海足相忘都人困吹沫安得取水龍傾城此囊括

巳丑立秋作

水價日百錢淮清江水濶他生常苦饑今生直

愁渴渴烏無轉勢枯魚自噓沫斷想入梅雨已
覺露華歇山川不出雲星雪盡茲月始疑天意
遠誰云地津竭迎秋稍沾浥木葉早枯脫夏雨
瀝金珠秋水灌毫末

送武部周元孚歸黃州

波瀾拂青鳥風雲翔翠螭俛仰各有致浮沈中
自知楚客詠蘭芷江烟渺佳期及此晤言笑已
惜青春時我心殊鬱陶世路良參差關河氣未
死江海人猶饑王氣緬終古常在茲武庫

新留仗羽林舊孤兒畧約未敢問精整存有司
當官廣有人須材今復誰君當江陵相天山
尤旗契濶上封事的礫施顏眉長星十年後流
人千里思邊風鴈門影海氣青田姿頗有董夫
人雅麗精文詞奉倩惑傾城安仁惜瑤姬棲遲
長路意婉戀洞房私有情能不極多才難自持
秋色何蒼然懷人益淒其風塵淮楚路烟波河
漢涯誰能世紛淺願言顏髮滋

送董光祿北上

人生貴可談富貴亦何與悠悠鄉里心董公有
佳處兩過都亭飯及此金陵署世故無不論寸
心稍流輸烟波末末賞雲雪高齋度何以燈燭
深但覺文尊互大器笙鏞姿冗從安能駐願言
傾夕秀江山極遊邈等爲光祿勳歲中南北驚
北上早風塵南中多月露月露使心清風塵令
髮素况此馳驅久精華亦有數公卿了可見曲
折自時務中春承詔旨清和卽江路昨者留道
書足知心所寓無以大官厨忍斷素食趨悟門

有入印證及遲暮

雪夜望報恩塔燈

熒熒冰雪天關南獨吟眺窅波深洞次衝風遶
迴竅窈窕照明園天花積光耀白影久希微碎
身此靈廟西京曲池後舍利落爭標大明雖猛
特祇桓亦經燒猶餘水晶塔刻畫于闐妙五色
金陵外千年燈火照珠龍動鱗甲星河下奔峭
貌爾雪山人因緣發微笑

夕林

三峯堂集選 卷三
檄花巖幽竹葉微風笑涼螢亂池上水鳥時
一叫清沐坐來久前林月開照不知山氣深冥
蒙覺葱峭

赴帥生夢作有序

丁亥十二月予以太常上計過家先一日帥
惟審夢予來相喜慰曰帥生微瘦乎則止予
以冠帶就飲帥生別取山巾着予甚適予首
嘆曰人言我兩人同心止各一頭然也嗟乎
夢生於情情生於適郡中人適予者帥生無

如矣乃即留酌果取巾相易不差分寸旁客
駭嘆記之

青雲覆嘉林明月映珠津理絕有連氣况乃在
人倫歷落帥生姿禮食先一旬采擷極玄史詞
賦落瑠璘我生弱冠餘良遊非撫塵子爲膳部
郎予人南成均今上歲丙子再見集庚辰前後
各傾展言笑日溫新家能造清酒兒能娛父賓
昔是新相知今爲舊比鄰上計邊越來醉我鳳
城春笑謹不下樓安知誰縉紳契濶四五年流

思月相巡予滿太常秩子罷思江綸日夕夢我
歸入門魂魄親交手無別言但問瘦何因冠帶
卽延酌易我以山巾尺寸了不殊形影若可循
世人言我汝同心徒異身今看巾幘交益知頭
腦勻說夢未終竟報我及城闔歲寒冰雪中松
心竹有筠三嘆此何時滅沒旁人嗔眼觀一堂
內夢見千里人見交等形隔臥托乃疑神素車
尚前語迷途猶見遵况我見爲人分明江海濱
立語卒不盡且坐留飲醉易巾果所宜夢與形
骸真益簪此爲契彈冠安足陳

江樓曉望同劉司業鄒吏部

夜色明江樓月露泛涼瑟俯窺光響流仰數三星
河溢徙倚未能寢昏旦一何疾空波流影送夕
臺障初日惠風衿帶間冷冷清意出

秒秋度嶺却寄御史大夫朱公王弘賜
理董巢雄光祿劉允陽司業鄒司業比

五君子金陵

素秩守山陵積歲在星祠如何別君子垂雲

天池清齋出涼門尊酒各前辭
婉彼蒼梧奏澹此瀟湘姿
迴風吹木闌寒生青桂枝
冥冥水波遠日暮心欲悲
宮闕有明雲差峩氣依微
五嶺望超忽叢山阻遊夷
蟲豸夾我吟蜚翠拂蘭漪
所思一箇臣嘆息綿蠻詩
何當叫我友凌風以高馳
間路逢流星寄言河漢私
閔嘿路方始嬋娟知爲誰
千秋有佳期百年安所希
玉津以止渴芝華持呷饑

登報恩塔歸騎望塔燈同汪仲舒

珠塔凌觚稜鍾陵看建業
表裏山川盡勝寄烟雲
愜江光日氣飲世界空明
攝迴聽風穴壯側看飛鳥
怯下方燈欲上歸人影相
躡千枝蓮出臺四照花開
葉見頂色依微開陰點層
疊醖摩如可遇佛光於此
接文祖發威神彌天歸震
閭匪報佛王恩自顯天人
業花宮窮勝麗孽火傳灰
劫華跌暗消隱畫牆堅巖
磔三匝禮空存四遊心苦
涉裁量百年中蘭膏幾輝
燁

送朱司空上都二十韻

朱公前南客曹時陸公南祠郎也

心知豈無人遇合故有命奉常凡幾年虛微有
本性朱公南鳳凰軒豁五雲慶凝華整官屬齋
心感靈聖衣簪時在公禮法竊所敬拜別南滁
垆過肅西曹政刑名何必深奏決多爲令無因
贊君子佩玉歸朝請人知襟想清未信容顏盛
屏居二十年海上風期夙桃李豈須言松筠自
相映春曹忝虛薄故事存高咏偶標朱陸期妙
案清華并陸公澹名理談宗真水鏡朱公與莫
逆寤語爭竒正德業遠相致大雅深儒行倏忽
世道往未覺津途淨尚有老成人端居鎮流競
陸公滯南宰恨晚紆餘勁司空向巖陞次第調
機柄匠器方此呈碎職何足竟丹青大臣節契
濶在百姓初書大有麥祠官費祈禳閉關心隱
鬱談時氣奔迸稍待歲氣復當歸理貧病深淺
嘆河梁衝波豈遊泳

喜麥

時玩賊何散
南都解嚴

滔滔春雨過已入孟夏月絕流今夏寒塵生井
逕塲所欣秀麥冷青黃夜生發今晨米價落數

王荅堂集選 卷三
歲草根掘北極自河漢南都有宮闕氣脉動三
楚精華受百粵向賊幸么小江湖未深窟就麥
自開散官軍失倉卒但願雨入律經營土冒櫛
嘉生良在茲鍾陵氣未歇

北望同劉司業兌陽

南都幸華子祠郎復清秩雖無當世心願奉清
時畢依依鍾陵雲望望長安日但聞臨幸稀轉
覺軒闥密天好若靈花玉色喜精實驩幸無深
淺燕語有得失貴弟欲分手前星時在膝萬歲

起明雲早晚宮車出

靈洞篇呈趙太史蘭陰

赤松隱靈勝寶發明清淑高霞流紫白鳴泉亂
松竹參烟石藤古瀉月峯蓮獨時棲唳蕊禽或
倚銜花鹿春橋遊士女烟臯下樵牧丘壑自專
一巖洞古傳六芊綿步東迥嵌空臨下壘雨華
石乳滴日氣丹芝馥蕪沒半千歲始獲第三谷
太史此藏書江潭遂初服侍講金華殿試結蘭
陰屋隔以清淺流障以森沈麓激耳流風鮮過

王荅堂集選 卷三
眼歸雲熟夜明山氣深巾帶坐如沐吾鄉張與
鄧於茲信言宿雲跡各飛眇世事有牽促出山
亦偶爾幽意豈忘目流想青桂遲坐嘆紅蘭速
懋恐丹青人無因反巖築

髮落

草木根地陰頭顱向天閱凜秋風落山卷地吹
長髮沐櫛臨朝陽消颯去如拔粗可試輕簪省
復下勁刷星星幸未出側室在伺察卽知金附
蟬了非三十八美鬢當時人亂頭且光滑俛仰

復何道客至就巾抹

丁亥戊子大饑瘦

西河尸若魚東岳鬼全瘦南北異肌理生死一
氣候山陵餘王氣戶口入鬼宿猶聞吳越間積
骨與城厚宿麥失先雨香杭未黃茂長星昔中
天氣歊十年後乘除在饑疫發泄免兵寇君王
坐終北遍土分神溜何惜飲餘人得沾香氣壽
欲遊棲霞寺不果

金陵王舍城攝山有佳景雅意緋桃路極望青

霞嶺吳生要我住幽意夙已領安知淨土薄春
淹水田頃徒資稗子粥未蒙居士請行乞自明
相飯過中時影彌天入饑劫陰光謝靈境膏車
正佳事早晚未應騁直須稍支濟得復向清整
坐夏了難期結秋西引領

京察後小述

邑子久崖柴長者亦搖簸含沙吹幾度鬼彈落
一箇大有拊心嘆不淺知音相與差反舌流倏
忽箕星過幸免青蠅吊厭聽遷營賈賤子亦如

人壯心委豪情文章好驚俗曲度自教作貪看
繡袂舞貫沓花枝臥對人時欠伸說事偶涕唾
眠睡忽起笑宴集常背坐敢有輕薄情祗緣迂
僻過一命淹陵署六歲逢都課浮課今已免不
謹前當坐有口視三緘無心嗔八座骨相會偏
竒生辰或孤破吾心少曲折古人多頓挫脫落
慕仙才點掇希王佐咄咄竟何成冉冉誰能那

三十七

我辰建辛酉肅皇歲庚戌初生手有文清羸故

多疾自脫尊慈腹展轉太母膝剪角書上口過
目了可快家君有明教太父能陰隲童子諸生
中俊氣萬人一弱冠精華開上路風雲出留名
佳麗城希心遊俠窟歷落在世事慷慨趨王術
神州雖大局數着亦可異了此足高謝別有烟
霞質何悟星歲遲去此春華疾陪畿非要津奉
常稍中秩幾時六百石吾生三十七壯心若流
水幽意似秋日興至期上書媒勞中閣筆常恐
古人先乃與今人匹

懷帥惟審郎中戴公司成

著冠須訪戴脫冠須訪帥磊磊一心人離離十
星歲戴公入山水淡迹分明昧喜沾青悟姿不
惜沈冥醉帥生能造酒酒色清如菜高樓常夜
分哀歌忽雷潰兩君真晉人土性有癡慧相見
卽相親了非心所解首足隨二光傾倒影在內
心歡長若茲日月亦清快重來斷清嘯不復可
人在黻撤事詩酒接拏坐巾帶帥生烟霧中戴
公江海外但想卽成笑寄書亦何賴

題趙生冊子

誰向清嘉堂寫此枝與葉初開碧桃影素燕飛
 流擘隨意襍花竹粉墨何萎浥點染露華吐
 綽風枝接如行墟里中歷落成目涉且知幽靜
 意不肯着蜂蝶閨閣日何事偶然心不愜欲從
 趙王孫更作來禽帖



國家圖書館, NATIONAL CENTRAL LIBRARY, TAIWAN, R.O.C

玉茗堂集選卷之四

臨川湯顯祖著

友人帥 機選

五言古詩

顧膳部宴歸三十韻

時大水飢

年深情易盈春闌氣方燠齋房常自清登臨每
傷獨同人風義生命我春清孰新雨道無人越
歌山有木甚設苦難常爲期省相速適往纔張
具且坐遺巾服行棊過格五點局殘花六豆間

依古禮坐次隨年錄素盞溢芳溫青蔬襍蘭菊
無事極脂膏風斯映明淑心清笑則雅興洽談
逾穆留連清夜沈偶嘆春年肅河北人猶流江
南子初鬻行人深掠食縣官粗賦粥杏花差有
畔苦草正無幅黃星春不死青歲鳥猶宿微祿
幸三飽清齋休五肉秀麥候皇明妨桑悵神牧
一人同向隅諸兄須仰屋凡百關天運有萬依
王福江湖初繞雷神州方蘊積舉白但歡展辭
觴敢嘖噉滅燭步除陰明月隱深竹風庭猶數
杯淋浪居末逐金柝夜沈沈玉街清瑤瑤還齋
深思餘倚檻端居伏風露藹延和華桐暗相馥
岸曠且輕首啜茗殊清目側看星尾遲遠聽鳴
鷄速向罍首明祠靈妃方捧祝

怨婦詩

行出鳳臺門遙見一婦人懷愁須借問雪泣始
言因本是皇臺女穿珠遊漢濱相逢拾翠子聘
以百流銀阿母結香纓阿爹持繡輪江陽萬餘
里飄搖一女身遊絲亦有高芙蓉定無深恃此

朝雲色常懷明月心何言朱雀桁別有鳳凰音
棄妾青樓晚閉妾重門陰陽霞珠似粒陰雨桂
如薪珠花全轉折侍女罄隨人寧惜容華變恒
愁芳潔淪永束青苔恨去赴綠楊津纔驚忿鸞
躍瞥見孤鴛沈江妃倚浪笑漢女逐風吟失意
已從古傷心非獨今無緣拾香骨持寄薄人心
夏至齋爲西署者芟竹

方陸閔靈祀清齋澄宿宿禳俛仰罷文奏信宿晤
良歆瞻彼蒼琅玕竹翳此芳華林東園張蓋蕪尉用

署稍蒼沈遂覺來蹤淺翻令往意深經營命臺
史顧盼惑流禽芟根絕橫阻披枝令上尋希聞
留挹露密處待延陰且佇壇場色空凌雲漢心
送吳幼鍾歸皖

嘉命密流徙通懷時閉申悠悠紛可悅夢夢具
誰親影纓感來哲擗管哨先民豈無碎首烈密
此惠心人磬折有餘妍玉輝時映身在官非遠
余接陌有如鄰色笑動淹夕思存寧距旬素心
飄以遠芳意密難陳美人及遲暮君子亦清淪

三才名室集選 卷四
取慰白華想寧詠紫芝辰遯思徒可勉通衢宜
見遵

送沈鄖陽

清漳藻竒色奧嶺結暉英興文旣以鬱勉身能
自清萎蕤曲臺上徘徊多友生青鍾臨樹羽尊
酒寄琴笙方歌零蔓草何言流蚤鶯陶陶孟夏
中悠悠江漢征澧沮映南渚秦蜀通西傾流人
易風聽玄岳倍神明無事東陽守徒流高咏聲
送郭考功北調采藥南歸

汜濫青雲浮曉藹飛風集河漢豈無明江湖氣
方急恭逢惟德銓深心此柔輯好與羣龍旋分
隨雕虎執江山自神俊沈浮爲階級朝華秀初
揆月津清可吸連輕繡史榮寧邀重郎入晤彼
清河嘆庶此陽泉汲忻言動阜壤周咨在原隰
勉余慎津途寧論取棲粒

贈唐仁卿謫歸海上

津衢無與士蒨峭有竒人居懷徒可積抗辨乃
誰馴道術本多岐况復世所尊風波一言去巖

霜千古存揆予慕甘寢未息兩家紛方持白華
贈佇望桂林雲

送汪仲蔚行藥匡山

長陵美雲氣日至候靈飈神臯方晡霽祠署肅
嘉招如何待清列不見子風韶青青能幾時幽
谷有鳴喬方當振長纓與子立於朝風迴閭闔
遠林寒芳意銷滅燭動孤寢山川殊未遙棲香
爐領雲同波江海潮方深子牟嘆非忻園綺超
寂歷有寤語棲遲成久要出日漢西門南望石
地標的的芳梅萼倚倚嘉橘條雖無玄朔姿庶
以南國標何爲來水裔倏忽在山椒終知及遲
暮聊用永今朝勉余山中人當知予寂寥

送范敬之郎中奏滿便遊匡山

受命鍾陵下晡暖蒼梧聞清齋隔浮世道書酌
素顏往往應鄉語時時留子餐君容何樸樸君
心殊蕙蘭雖沈中聖火亦著獨醒言塵情若飛
葉素愜乃流根忽

北陸奏秩且南轅芳春

集廬嶽晏歲及家園家園日月晚廬嶽烟雲繁

王右軍集選卷四
五
出山苦不易入山良復難願言勗幽躅無令芳
緒殘

和別李儀郎道甫

湛氣浮虛中流塵日相諭細人常不聞君子亦
云鶩銷心緣宿迷洗氣令新悟對俗自含嘿傾
知忽流露旁人非所晞之子獨延晤經知世上
懷頗愜英流趣何用慰晨風長言警宵露

秋夜盧龍觀

火山有棲毫沸泉猶戲鱗念此中夜苦脇息氣
不申薄泄雨雲色鬱燠江海濱白門竟長夏赤
道延西旻翕雇手交扇霖霖氣沾巾城陰坐倚
徙簷影立逡巡渴彼崦嵫色飲沐寒泉津青花
吐涼月映之猶炙人洞房劇溫室清簟若層裯
白汗委流波展轉難貼身跳身清露下餘蚊逐
光循流嘆火西夕延佇井東晨開此清涼門定
我冰雪神倘有四時風吹人無奪倫

雨

吾鄉有再熟蟬鳴卽新糝吳苗苦遲立似渴白

露雨赤熱不可奈星雩事已屢根本東南樞流
言襍軍府衣冠少三食相見色淒阻仰首鍾陵
山雲漢隔深語昨夜江水動風雷龍下取抽尾
黑雲際掣戾若可數颯沓空中聲騰旋半日許
疾電閃墻藩連霆照牕樹氣若白濤下勢如渴
烏吐誰謂不終朝三日濕后土夜得清枕簟晝
足涼軒俎便覺米價定豁若天雨釜向曉星河
霽猶望五車柱

送汪汝立郎中奏最兼懷吳幼鍾馬長平

京華今幾時當君客淮上車煩想舟楫塵勞愛
波浪君爲賢主人夜月隨官舫浣此客心憂清
光與浮漾素惟風義佳轉愜神情王朋尊故靜
好落葉時惆悵所知新太宰吾師今副相人生
豈無涯世法各有當緬君蒼素姿暑路風塵傍
不知歸院否可悉吳生狀前觀乞米帖君歸與
籌量無令卒饑死負此時賢望北遊君有人猶
龍馬生壯此生好馳馬吏事能精強嚴役在江
嶺還都足酣暢有才費雕刻雅意歸玄匠送君

過夏首節物深駘蕩日氣清江陰烟光綠蕪漲
但去勿徘徊長安心所向

送徐民部北奏歸覲

托交亦無因通懷在所攄昔我奉常里與君對
門居軒窗襟花竹來往蔭紅魚造次巷無人散
步心閒虛夜分亦不辭清晨常對梳私懷備宣
展時事或欲獻我子初陽春三五日華初兩家
生男女恨遠不相如以此兩家人相憐難自疎
時時遺甘果襟以綉偏諸婦儀貴筐篋男禮重

瑤瑤長庚好公子飛光能照車娟娟我兩雛窺
書臨石渠亦各愛少子追從常戀裾知爲兒女
情暫令言笑舒何意流光積都爲離恨餘昔君
春涉秋浦口治軍儲君歸我祠署宮繚隔儲胥
被病省人事驩赴常趨起問君邇何爲奏計承
明廬君言與世淺慢亭賦歸與君才若貞松忍
比道旁樗里中多貴人長者宜吹噓暫歸采蘭
鯉豈足問樵漁留君日夕遊文園交綺疏河色
過涼雨林影遞虛徐中庭眷梧楸幽塘亂芙蓉

王荅堂集選 卷四
曠曠秋氣鮮月露方愁予年華浩已流遠意不
可除陵祠我當滿亦欲歸著書問子春能來一
歲此躊躇

懷郭美命編修吉除勸駕有作

與君初攬結知是鳳條英風烟積宛落冠冕澗
吳荆寂歷明星祠駘宕臨春城瀾瀾江波淥悠
悠漢水清遡之宛一人其人秀以貞出京多晤
言宛轉若同生仙舟雖可泛蓬山非我行忽彼
麻衣雪映此生芻情光景若流駒中廬常自驚
在昔寒泉嘆復此有懷并素悲差已盈禮樂且
未傾澹澹平安始惻惻笙歌成長安惜往日春
鶯罷惠聲

丙戌五月大水

芳臯有執芸空疇猶浩漑時欣日華漏未覺風
心皎北上湧朝濟南垠滯昏曉妨粢愁奉常祈
田肅京兆府署氣無鮮壇場意俱悄梧竹霽滄
涼井邑浮虛杳地脉交龍斷硯席涎蝸遶扇節
尚春衣籬門喧水鳥從陵上原隰登臺望江表

天貌此沈沈客心方渺渺何日風雲掀俯辨山河了

懷范敬之太守潤州

出牧多時彥了非心所有何悟獨醒人出我同門友華陽有范氏世祿未應朽粗經名法深轉覺風流厚數典身上衣肯問家中婦潤州今如何脂膏昔能否陰烟秣陵下臺門隱高柳罷謁過從便獨臥棲遲久風雨晦堂除河漢翻戶牖吐納各有致佳期良不負送別何悠悠一片語爲

君壽巧步不終朝拙心當白首君昔廣陵祠飛書定妍醜子源天下士陳琳安足偶寸心俎豆前一字春秋後壺冰知天寒此事在人口金焦鬪峭立波浪突傾走交遊兄弟中發興似枚叟未是觀濤氣欲執子之手見子爲清郎聞子爲清守自有中泠泉何嫌京口酒

慈竹山

暮雀何啾啾桂樹青簷端飲隨花葉滋饑將木蕊殘鼓翅若有餘何如孤鳳鸞千秋江海上啄

唼金琅玕歲蕤自歌舞豈不凌饑寒自有軒轅
子裁音入雲間上有鳳凰臺下有慈竹山

穆天子

穆王駕白鹿西飲樂人泉盛姬誰家子婉戀隨
周旋朔風吹羽獵重臺障嬋娟盛姬忽告病天
子益悲憐寒漿渴莫飲虛此進壺輻迴望樂池
南哀響震窮天百物在明器千官虞夜筵流星
日月旗鐘鼓送行旃所次卽傷心爲語輒流連
穆王雖耄荒盛姬殊少年如何西王母白首寧

雲烟西賓庶無死東歸難自仙君看偃師伎徒
言膠漆堅

戚夫人

寶劍決雲氣零蔓亦何常不見沛亭長一朝爲
漢皇昔從呂公女今奏後宮倡中有戚夫人時
時陪曲房折腰步天曼翹袖頓飛揚出塞復入
塞望歸心自傷後宮齊高唱哀響入雲翔終日
不能言倚瑟涕何長心知萬歲後誰能憐趙王
千秋銅雀臺婉戀爲分香

秋夕偶成

亂螢飄熠熠蟋蟀悲何急納納羅衣裳冉冉淒
風入獨坐渺無言自起闌干立

湯考功招遊燕子磯別洞獨宿圓愛師房
六十韻

青春白日遲沈陰物色遽黯淡青華姿冷薄芳
時趨清齋饒奉常出壑如謝傅朱絃徒自徽漸
車非可屢愁看雲物沈喜見荃蘭豎遠遊那得
期近綜差足御月夕乍披朗花朝旋容與茂苑

吾宗秀眷言賞心晤文樽一二好簡書三四寓
幸不懸長雨且復晞浮露差池遶西泐晡霽遶
東署轟轟臺城門灑灑明湖路美楊流宿鶯華
萍起窺鷺始知春氣深及此佳期赴精廬且朝
食主人出延步寒暄三舉爵圓方一投箸分金
飽騎從更衣渴馳鶩先驅流食架後程需臥具
暄飈卷幃入陰烟承葢度蒼疇地脉起白水雲
光布微麥灑陵阡疎梅映村聚時聞雉清叫忽
見鳧驚翥青江信明遠層城真筭固市擁鮫人

泣磯臨燕子，唳葩華鳥瀾。蹙澹沲崖光，注盤石
似鼉鼉舟船如鴈鷺。春波正流美，晝風翻起惡。
且入闔陽洞，相趨折蘆渡。峽寫有根雲，罅拆無
枝樹。落礫分委積，崩湍轉流輸。地蓋插箕踵，天
標眩環顧。時時席礪魄，往往屣沮洳。瞰空引一
竇，盤渦有三處。初行地響咽，再入天光吐。後房
竟幽燠，久坐若清曙。響像層潭府，密歷潛達附。
鏤鏤費鬼力，窟宅由人遇。常恐風波入，閃爍蛟
龍踞。通明暫揮酌，愁陰且言去。亭臯靡芳築，津

石流檀度不見銖衣拂，但聞金策駐。昔物豈今
存，今人非昔豫。芳遊難可歸，官方各隨務。單已
動禪悅，初心愜遲暮。畫閣諸天杪，白路恒沙數。
背崖捫削成，蹠虛倚懸拄。剡剡人上慄，莫莫神
傾護。深心蕩霞日，遠氣冥烟霧。鳴榔厲似織，擾
翰歸如呼。燃燈下山關，談經開釋部。好相坐生
老，勝韻遊新故。凡夫偶問疾，智者寧深怙。林吹
稍流楚，白月延新素。中時飯色遠，永夜香心炷。
如經四遊歎，初深一宿悟。臥聽風潮翻，起看蒼

三才集選 卷四
三
莽互日出陰光隱花開世界露昨遊旣陳迹今
居豈常住心清卽事遠善勝由人助寄語賞音
流回還續芳緒

定安五勝詩 有序

敬覩縹緲錄大宗伯王公仙居瓊海定安山水
奧麗鴻清條爲五勝頗存咏思某雖性晦天
海神懸仁智至如幽探閱采常爲欣言不覺
忘其滓懷永彼高躅云余

五指山

遙遙五指峯，蘄絕朱崖右。飛聳明光輪，嵌空巨
靈手。疊巘開辰巳，修纖露申酉。天霄烟霧中海
氣晴明後，一峯時出雲。四州紛矯首，主人定安
秀。晞從鑿靈牖，嵐翠古森灑。揮弄亦已久，方從
吳會間。離離揣星斗。

彩筆峯

五指發高華，地脉凌飛遶。建江輝藻筆，茲峯實
竒矯。突嶂抵層雲，鈿巒撥飛鳥。葱蘢石笋大，刻
削蓮峯小。翰林爲主人，含毫相緬緲。懸知東壁

王荅堂集選 卷四
夜直柱南雲曉時時几研間倒影來青嶠何爲
玉宇書從崢嶸映華表

金鷄岫

綵筆凌峯雲清溪隱崖嘯離爲朱鳥方巽得金
鷄妙崢嶸冠雲石歲蕤被林峭非止金華鮮傳
聞昔光耀遠氣星潮引近色暎霞照送此翰林
人撫翼天門召羈棲漢祠影未振秦川叫暫此
鷄籠山憑虛舒聽眺

馬鞍峴

五指的南溟一指搖東境生住氣若駿奔奇石相
項領遠飲朱崖津高折騎田嶺精靈常五色權
奇非一景中有最懸石如人踞鞍騁秦鑿餘鳥
龍漢祠條金影峴口發精奇噴玉烟華整白雲
起鞍中天門路方永

青橋水

海中有靈宅四望干廻溪偃宛丹石橋綽約青
雲梯西暉灌文馬東影明金鷄地脉素流美風
物并縈隄綠石碎雲日青苔沒鳥鷺春橋宜笑

玉茗堂集選 卷四
語烟水足遊棲遠夢滄浪清愴言芳草萋朱門
若江海推排庶可齊

漢武故事

漢宮寵刑尹隔別不相親一朝尹自請帝爲飾
他嬪尹笑定非是不足當人君令刑獨身來故
衣無飾新尹卽低首啼知是刑夫人入宮皆言
美絕幸自有真當由得意後爲是故殊倫

讀張敞傳

長安多偷兒數輩老爲酋居家皆溫厚出從僮
僕遊遂有長者名閭里咸見優小偷時轉輸酋
長日優游安知書眉人一朝來見收

相如二首

相如美詞賦氣俠殊繽紛汶山鳳凰下琴心誰
獨聞陽昌與成都貴賤豈足分子虛乃同時飄
然氣凌雲臥托文園終不受世訾氛清暉緬難
竟遺書封禪文知音偶一時千載爲欣欣上有
漢武皇下有卓文君

令君有嚴客臨邛自清光王孫余何爲衆賓臨

高堂足可富蹲鴟安知窮鳳凰幸然有好女琴
心能見傷我眉揚遠山芙蓉留薄裝一身猶可
分誰能羞夜亡如何挂纓女亦學橫在牀此心
富語誰此意難自忘兩好不終棲遺文來見將
但惜相如死誰念文君狂

京鷓

闊哉天地籠壯矣京城鷓擇肉人手中翻騰掣
光耀積貫始成常見兒童好驚叫風穴鳥王深安
知夜吟嘯

部中鶴

曲臺雙白鶴日賦十餐錢良爲升合資留滯江
海年傳呼卿出入引吭飛舞前軒墀看鶴人時
與小翩翹鳳凰猶可飼安得羽中仙

錦衣鳥

太常東署門連垣接親衛中有怪大鳥好好作犬
號吠悲嘯無時徙吉凶須意對非有伯勞沈良
無子規廢開天殺人處陰風覺沈昧

茶馬

秦晉有茶賈楚蜀多茶旗金城洮河間行引正
參差繡衣來漢中烘作相追隨以篋計分率半
爲軍國資番馬直三十酬篋二十餘配軍與分
牧所望蕃其駒月餘馬百錢豈不足青芻柰何
令倒死在者不能趨倒死亦不聞軍吏相爲漁
黑茶一何美羗馬一何殊有此不珍惜倉卒非
長驅健兒猶餓死安知我馬徂羗馬與黃茶胡
馬求金珠羗馬有權奇胡馬皆駘駘胡強掠我
羗不與兵驅除羗馬亦不來胡馬當何如

胡克遜

人言西北邊有獸名爲遜性不喜獸鬪逡巡解
其困獵者知如此設鬪日馴近相愁來解紛陰
遭此人刃食肉寢其皮似貉花文嫩西州貴將
吏茵褥厚常寸萬萬笑何憫猩猩啼莫恨此獸
仁有禮錯莫身爲殉世有麒麟皮爲鞞復何問
宿浴日亭因出小浪望海

爲郎傍星紀江湖常久居倏忽過南海扁舟挂
扶胥隱隱岸門青杳杳天池虛培塿澹凌歷氣

脉流紆徐潮迴小洲渚龍鱗勒溝渠於中藏小
舟其外懸日車雲影蒼梧來咸池相卷舒孟冬
猶星河淡月沾人裾陰陽盪揮霍精色隱踟躕
濯足章丘餘沐髮扶桑初清輝臨洧盤若木鮮
芙蓉西顧連崦嵫東眺極扶餘小浪亦莞爾大
波始愁予嶼舶自吞吐樓櫓成烟墟飛金出熒
火明珠落鯨魚吾生非晉胡萬里握靈精掩靄
羅浮外傳聞仙所廬玉樹如冬青瑤芝若枿欄
陽鳥不日浴晝夜更共輿丹穴亦不炎好風常
相嘘白冰月之津一飲饑渴除徐聞汝仙尉去
此將焉如

達奚司空立南海王廟門外

司空暹羅人面手黑如漆華風一來覲登觀稍
遊逸戲向扶胥口樹兩波羅密欲表身後竒願
此得成實樹畢顧歸舟冥然忽相失虎門亦不
遠決撇去何疾身家隔胡漢孤生長此畢猶復
盼舟影左手翳西日嗔匈帶中裂嘲隴氣噴溢
立死不肯僵目如望家室塑手一何似光景時

時出墟人遞香火陰風吹崒崒上有南海王長
此波臣秩幽情自相附遊魂知幾驛至今波羅
樹依依兩蒙密波聲林影外簷廊暝蕭瑟

衙岡望羅浮夜至朱明觀

炎方已中冬氛氲煦南巖名山紛我思隔絕遊
未擬江海亦何意謫居欣在此沿廻石灣岸紆
舟水南止果得羅浮狀坡陀蘊靈詭初行坦襟
帶平岡十餘里稍入向疇隧夜雨冷山水木末
已塞裳草根半沮履欹嶇豈忘嘆念此孤遊始

絲延遠烟外片赤殘陽裡不見飛雲未但覺飛
雲美矯若龍影升細若鑪香起朱明洞天口木
葉紛旖旎路黑愁棲禽號林隱蒼兕襟袖石門
間餘霞青徙倚

陽江道中

恩春少佳樹向北梅花夕入門問小吏知是蓮
塘驛蓮葉落已久林塘映非昔參星到庭戶素
月沾簷隙促織猶在野無衣念行役炎州少米
雪流光去無迹惟餘千里心閒房眷幽客

檳榔園

熒熒烟海深日照無枝林含胎細花出繁霜清
夏沈千林蔭高暑羽扇秋蕭森上有垂房子離
離隱飛禽露乳青圓滋霜氤紅孰禁墮地雨漿
裂登梯搖遠陰落爪瑩膚理着齒寒侵尋風味
自所了微醺何不任徘徊贈珍惜消此瘴鄉心

讀延庚樓詩有懷

并序

臥冰橋李叟示其父所遊知名士往還詩草
成帙吳太守鉞詩最多其詩與字俱有法能

成其家童衮樂護陳九川徐子弼不如也吳
公有延庚樓士大夫歌嘯其上樓甚高廣今
爲他姓有書畫無存而李叟獨念其父所執
珍襲持護模榻整綴使後之人知百餘年間
臨川猶有唐晉人風尚不至以孔方兄驅除
子墨客卿也悲夫吳公爲名御史太守稱雄
豪當其時視李生貧老人耳過之酣噓不問
晴雨豈不謂於李生光重乎而卒之其字與
文李生之子反能惜而存之其親子孫至不

能存其一樓也歸其帙而重之詩

吳守棲黃橋李生宿青郊時時五馬來春漿布
蘭肴好鳥無遷枝幽鳴常交交愁霖唱秋水深
杯對堂坳字矯若龍旋詩飄如翠梢置之吳市
中生綃泣潛鮫延庚發光響高樓凌飛颺惜哉
今則誰圖書紛已拋李生子猶存鈿軸明鱗膠
爛熳古痕色影映相闕抄翁沓錦雲連迸裂珠
泉跑安得攜此卷登樓向星匏始知富 兄不
如貧賤交君看古名迹常得照蓬茅

吾廬

大父喜書詩大母愛林池嘉魚薦君子嘉樹引
其藁藏書倏以火林藻積披離十載居無常辛
勤嚴與慈連石構川崎鑿翠啓堂基四阿長中
繩三門映重規文昌通舊觀東井飲餘暉出入
橋梁望鬱葱佳氣微層臺對金玉隈阡隱靈芝
吾廬亦可愛復此倦遊時



玉茗堂集選

卷四

三

玉茗堂集選卷之五

臨川湯顯祖著
友人黃立言選

五言古詩

過洪陽先生叢桂軒望仙有作

張公世名德映響若金鏞西叟明大象東丘感
猶龍全神會日母揚靈覲天宗厥友惟鄧君深
松映芙蓉紛吾托根淺華葉常苦穠閱技止外
獎祈道乃心恭代斲自傷指傳薪寧改蹤僊檢

已如期勉矣青霞峯

荅梅季豹問臨川舊遊

亭亭豫章木結根臨汝崖春年曾擘鬱積歲稍
萎蕤隱屏不中材歷落自成圍中心殊直理外
象多橫枝故鄉有言鳥爲雛常此棲蔭翳成魂
魄清潤出聲儀寧言卽啁啞何悟遂翻飛本無
柔枝葉况乃集風雷如何此奇翼乘風能見歸
雖無珠與寶庶幾從鳳嬉

南都懷舊寄高大僕

清氣日流滅微生多激昂昂昂惟一心落落行
四方處世乏明膽懷賢無飾裝吾鄉高少卿前
時帥清郎十年在傾握一意宜消詳高卿名望
近帥生風性長欣吾疊斯美欵冬歸不忘雖非
采真遊都殊年少場亦復興瀾漫何止行馨香
深言未河漢古色猶清揚我行天根中誰知今
雨霜感此星歲移念子雙荷裳

雨花臺所見

冉冉春雲陰郁郁晴光瑩取次踏青行感動懷

春興拚知天女後如逢雨花剽宜笑入香臺舍
頻出幽徑倏爍斗裙裾徘徊整花勝愁隨花蝶
飄愛逐流鶯聽美目乍宜盼弱腰安可凭朝日
望何明春風立難定拾翠杳無期芳華殊有贈
同向佛香前乍此佳期證如何違玉纓沈情擊
金磬

黃橋西望

白露滴江城涼風送秋至心賞不在茲幽芳結
荷芰木葉寒蟬悲水荇遊鱗戲日氣淡芙蓉雲

陰生薜荔栖栖遊子情默默楚人思未同浮丘
隱且共蓬池醉遙松起清色虛竹驚寒吹崢嶸
年序遷徘徊風景異樵歌歸影遲新月忽在地

新昌阻雨夜宴朱明府署中時度四十七

客行苦無棕迴旋有淹疾結課來越州逢迎繡
衣出東關望嵯邑驚風亂林術擺掣江海雲晝
夜雨花溢衣被徒束濕冠帶已解漆咫尺天台
姿津潢斷非一月巖了在眼正恐夜離畢賴有
佳主人端居許容膝芸香餘護衣綠蕉軒散帙

流連秋水詠黯淡愁霖筆未覺雲氣疎旋聞雨
聲密淹歌永涼夜慙逢賤生日半百猶在茲倦
遊心所悉鷄鳴動如晦草根悽蟋蟀暫得爽茲
梁去訪烟霞質

未抵嵯數里阻雨仙岩詰朝留新昌作

江寒風雨飛仙岩氣虛碧崩雲沈戶牖衝飈蕩
簷隙孤亭下車馬濕裝開委積熅衣寧及晨蓐
食且茲夕安知夜淋瀝滅燭移枕席恐爲奔湍
阻侵宵警前策抵嵯日逾午刻棹興非昔黽勉

向津衢新昌暮留客信宿何足難去住亦取適
知是淮南豪家世江右籍維揚豫章門水木如
不隔欣言領幽意南巖候輝魄極目莓梁滑路
迥桑洲驛畧約風雲掀始覺霞標赤軒署復開
敞消散流寓迹豈免厨傳費用慰山水紋佳期
良在茲秋風灑蘿薜

古意言別

佳會良燕樂厭厭宜密親大醉亦所戒相爲貴
此身出門卽長路况乃在風塵將雛曲方撫白

玉茗堂集卷之五
華音正陳近遊得將毋遠行祈事君意適豈假
物心期難遇人追從不可得孤遊惟自珍

麗水風雨下船棘口有懷

石城雙水門落日遠江介春潮風雨飛暮寒洲
渚帶流雲蒼翠裡緒風簫鼓外分披悟曾歷合
沓迷新屆宿霧緬餘丘生洲隱遙派地脉有虧
成物色故明昧曲折神易傷幽清境難會江花
莞憔悴岸草悽行邁不見林中人自撫孤琴對

秋雨九華館憶屠長卿

課奏亦有期牽絲那前路出門侵雲嶺嶺根罷
還顧爭呼野渡急印牀人吏護簿尉前致辭餞
筵中馬步落日九華館前臨七津渡堂北翠當
牖雲霏內源樹四塞山浮近一夜雨奔赴接日
何曾乾噫風數如暮枕衾移白晝哀壑繞牀注
前旌亦有去烟炊隔隨住居人疲應接省事示
長素問俗苧收晚未礙山田雨生事隨水源清
時少門戶相對如標枝暫此息文簿得從東海
生歷落省遊趨焚香烟雨外側誦淨名句且以

王荅堂集卷之五
永今夕持燭及清曙晦朔境未出信宿覺有數
為霖恐後時會欲披雲霧

望羅浮進發

我以適窮髮日氣動海水浮羅落空影結念自
此始山水何泠泠斷道百餘里烟墟有餘姿層
陰相倚徙落日朱明館林下宿盥洗攢巒暗星
闕招搖似東指中夜若有人衣霓綠霞綺首建
芙蓉冠清嘯激林靡披衣天門外幽篁聽山鬼

送黃太次

久從州縣羈偶爾江湖放生事鮮勤渠朋倫或
寬曠身世杳凡存河山輕弱喪實少新知樂空
多舊遊悵忽忽醉言醒有客流高唱形神坐修
雅風徽語駘宕何來空谷音都非世人相呼兒
侍清切邀賓與玄暘何止發藏書直欲傾家釀
參星常夜中十月寒江上自言交匪今沈冥心
所向風烟良已積江山此彌望蕭條沈思興留
連闕歡賞叢蘭霜已肅岸菊風微颺晤言燈燭
深明發波濤壯居焉謝孤痲誰爲發清况遲雨

歲寒姿寒香生蕙帳麻源殊可遊靈妃方想像

奉寄趙仲一吏部并問達師得三十韻

遊道日以迫權夸衆所馮白雪陽春曲朱絲玉
壺冰古人不可問今茲誰見應無人遍燕越有
美自齊滕丈夫偉容髮赤子重庶能五載半在
馬卽事常撫膺賦粥遶墟里持籌正并堦寸陰
課桑棗尺水占蓮菱城池香以拂馳道蔭如繩
一手疏濁河理笑見嘉禾登流粟欲紅腐還昨豈
虛增波沈下膏粟畧約上風稜農桑幽舊俗臺

閣傳中丞詎剪甘棠蔽深存圖史徵明君皆可
法爲令足師承遠彼西北道濶此東南朋傷錦
自刀怯爲棟豈荷勝虛薄復何意清通蒙見稱
樂郊相婉變畏路兩凌兢一知殊已足對客良
自矜九州晞北驥六月望南鵬塵泥忽滿灑風
雲竟掀騰山公一啓事流品再清澄絕俗神峯
峻兼天氣宇凝自公亦玄史有師如白乘偶爲
長筮客知非紫衣僧好相山河影陰光日月燈
同心消語嘿爲道割欣憎林泉風正落臺殿日

初昇念往長天盡懷來中夜興但得存江海無
勞問斗升

奉寄李岷嶠侍御并問達師二十韻

江上九蓮峯天門對江起風帆下孤客清光映
遊子相逢非有期相看乍成喜便與醉連榻何
但驚倒屣融霜冬日華衣繡江霞綺雅意薄身
世微言及生死形開法象外妙入清微裏往往
宦遊人依依說名理如君中有真使我窺無始
去別長安道歸涉新安水愛而不可見清言猶

在耳再送朝朝事一擲飛鳧履光景或留連幽
芳相倚徒感時付三嘆懷人動千里盧敖天正
迥關門氣應紫但取兩同心未須齊一指如聞
紫栢師亦覲青雲士威光常半笠梵唱卽盈紙
一切自匪他兩行是因彼何得往叅承百年三
笑笑

送馬仲高入都并問區太史鄧吏部二詞

丈

馬生千里姿游閑氣清楚來從海珠寺江關映

重阻相逢邈河漢留連及羈旅北望且悠然南
裝應幾許冬服委輕纖春衣餘白紵時復夢鄉
路高堂離寒暑直欲翻炎溟何緣避風渚長歌
燕市醉短劍吳門語世路今何如天池此一舉
垂楊依遠道遷鶯動儔侶蒼梧舊所歷長安有
心與海目迥清曠韶陽美風緒試語江潭人梅
花相憶汝

奉荅新喻張克雋明府

微生夙嬰患趨庭迫章句披襟未窮歷吟諷已

入趣稍涉王霸術妄意清時遇逶迤江海心躑
躑風雲路得貧還自驕失候非我素斷汲移沙
井休車倚庭樹常恐交知絕不獲賞心晤何來
深物色空谷知人處客見神仙尹振色龍池墅
秋清散明月春陽靄芳露琴歌紛有適簡書澹
無慮高情難聞寥雅意在延佇傾風有近遠賞
氣無新故直以微細質側承君子顧貽文燁蕪
金惠心深尺素徒知私自憐何期遠相慕白露
滴秋水伊人宛洄溯聊用倚逍遙相於及遲暮

止周叔夜嶺行并示丹壇諸友

羈栖遊嶺南所適一何遠何止遠道嘆桂瘡劇
冬暖去心在行旅來筮得往蹇與君千里期顧
我一何晚入門迥驚遽晤言深委婉起坐夜常
半欲去衣數挽燕歌情易摧湘騷韻難及多病
髮有白少營心未損何得攪眠睡亦復減餐飯
心知爲誰設眼見非予忖會是佢山王未及遊
嵇阮中冷謝貪水肉熱傷炎坂罷謁蒼梧道晦
息幽蘭晚來成呂生駕去作子猷返曲壇多道

書荆扉且愉偃

送魯司農還朝

上林非一樹逸翮有同林忽逢春氣美因聽黃
鳥音憶昔乘雲翔凝華散簪襟晨趨建禮月書
息蘭臺陰年髮方向盛意氣亦交深洗刷自清
漢何言有飛沈冉冉二十年悠悠方寸心寸心
紆北闕羈孤並南粵枕席氣清遠江山候明發
蕩漾星巖遊留連海珠歇側影羅浮外遠映蒼
梧謁落羽傷炎洲蠹桂迷烟月丹砂不可問絲

淚銷金骨失路自相親况乃在窮髮窮髮飽經
過拚飛出網羅漸有風雲氣翻增遊子歌新安
水清淺括蒼山翠多揆予垂錦製欣子得棊和
長嘆拂虹霓相憐慎風波蹭蹬亦何爲有人山
之阿明玉豈終泣上路君鳴珂鳴珂復揚汰徵
書出淮浦旣奉潘輿喜復上司農最三載隔思
存一夕良宴會高閣動春酒平沙方解帶天入
斗牛淺地蕪江楚大高歌碧雲合罷望朝躋蒼
南浦君如何冥鴻寄江外

送謝曰可吳越遊

與子少窺帷齒至或箕踞嚶其芳樹思喀爾枯
梧據高牕漾文几連牀接清曙蕭朱晚何及機
雲早隣庶艱難見眞骨拓落遠騰翥豈下西曹
秩獨上東朝疏有才誰不傾無勢敢相馭歸軒
月幾望文尊日將御顏髮看未足矐矐告我去
有美爲誰侑盈盈欲相語帝都良可樂吾鄉苦
生慮予亦老將客攀翻復愁遽同遊心莫展獨
往世何與未果來歸日且定思存處遲暮及佳

期江山肯猶豫

留別侍御林公

憶昔豫章門鳴絃布春徽瓊枝不及掣璿潤有
餘輝霞埃結奔想人譽阻修畿歛來舊都遊
皇居接雲魏龍川密攏帶鯨海靜零飛借問使
者誰冰玉繡爲衣簪筆奮閩海執法侍遙薇高
門無醜顏令德孰不晞寧言奉清款聊用慰朝
飢還如銅墨時清言振霏霏溥零稱邂逅徂暑
咏將歸離析既云苦勝戰詎能肥貞松并蘿薜

茲理庶無違

離合詩寄京邑諸貴

琅玕豈不珮玉屑竟誰飯檜樹鬱冬臯木葉亂
秋苑衿曲自悠悠衣帶日趨緩乘月望風霄人
遙尺書斷

玉茗堂集選卷之五

終

文斐堂梓



國家圖書館, NATIONAL CENTRAL LIBRARY, TAIWAN, R.O.C.

國家圖書館

玉茗堂集選卷之六

臨川湯顯祖著

友人帥機選

七言古詩

送趙中舍量移東歸并寄大勞僧

舍人鳳閣何爲者經年逐賊黃山下青幘繡甲
雙矛英百金纏絡千金馬愛收圖史開心句雅
能吳語對權儂可憐人馬一時瘦還憶曲臺初
過從年少年來新曉事又向大梁稱小吏舟楫

王荅堂集選
心搖白下亭衣冠眼熟長干寺不能兄弟去觀
濤且臨風物共登高歸看蓬萊幾清淺爲問神
僧東海勞

送袁滄州

十載披衣遊俠場朱樓四望臨清觴
呆魚罩柳低烟碧御宿舍花迥日光
花光柳碧城南北青槐馳道如髮直
餘曲長留春暮情新粧似鄆朝霞色
就中有客賦燕城美人滿堂予目成
藹似芳洲連杜若悄如幽澗落松聲
文章不到金華殿旌麾却向黃岩縣
簿領關心君不閒章服籠身我非美
美君雙鳥近名山鴈蕩天台委羽間
香草千名岩窈窕靈泉百道月潺湲
何爲不向龍湫發似畏惡溪莓徑滑
動道桂枝青蹇偃忽嘆蘭叢翠凋歇
銷香點白會人情翠羽金膏不厭行
君到楚山時極目江湘歷歷愁孤征
高闕重逢霽烟雪爲子酣歌劍花折
波間遊子惜遭迴陌上春風愛離別
春風蘭舫拂滄州袁公重上觀臺遊
爲道明姑青鬢色海塵飛盡莫關愁

金陵歌送張太學兼問伯起

金陵花月蔽江空。可憐六代多離宮。潮去潮來
都應月。花開花落等隨風。真人握鏡飛桐柏。便
作神臯賜金策。二百餘年天下清。往往將軍敬
逢掖。肅帝高居俯絳河。金碧詞人闕下多。一日
鼎成罷宮觀。詞人四海空。勞歌佳麗南都足。風
景浪客紛紛難記省。挾筴時過驃騎航。調絃半
逐胭脂井。張君別自老詞場。兄弟三張此二張。
昔歲過君梅白盡。是日逢君菊有芳。芳花幾度
勞攀折。晏歲崢嶸難具說。古稱遊子澹忘歸。可
耐思歸告離別。相逢相別不相難。傲吏清時也
閉關。最愛君家張仲蔚。滿徑蓬蒿不出山。

遙和諸郎夜過桃葉渡

諸公紛紛去何所。隔岸熒熒高燭舉。若非去挾
秦家姝。定是將偷邛市女。一從西蜀老王孫。千
騎東方總不論也。乏使君呼共載也。無遊女解
宵奔無緣此屬。翩連去飄飄曄曄知何處。茵底
香奩夜著人。絳蠟清笙幾回曙。當時我亦俊人

羣情如秋水氣如雲有酒誰家惜酣暢饒花是
處怯離分如今兩鬢籠紗帽輕烟澹粉何曾到
眼看諸公淹夜遊心知此事從誰道衙齋獨宿
清漢斜燈影籠窗半落花拚不風流長睡去却
持殘夢到他家

送前宜春理徐茂岳

西湖徐君美如此落魄東來渡江水今朝木葉
江波生昨夜芙蓉秋色死秋色速山客早悲倍
是飛鴻十月時舊日銀屏醉烟柳二道宜春春

不宜豫章城西江水滿片雨疎花石蘭館獻賦

誰知錦組文題書直道珠盈椀一別蒼洲間白

雲金臺暑路忽逢君祇合飛寬填北海那堪解

慍出南薰芳臯翳歷辭青瑣及子風流度江左

孤亭水樹別留人別道烟霞須着我我邊知我

若逢君卿處相卿自有人無事南湖催送漿扁

舟小婦好隨身莫嫌小婦恒隨從茗碗香鑪朝

夕供風雨離騷秋暮行荃蘭杜若連舟重去去

西湖蕭鼓陳香絲艷粉逐年新不惜風流頻取

醉君來看見六朝人

懷戴四明先生并問屠長卿

八月十日到官寺是日臨齋多所思明堂碧海
舊經遊複道香街始爲吏三日南雍拜聖人爐
烟闕道青璘珣四明戴公昔臨吹金樽寶瑟殊
清真東堂罷講西牕竹愛聽蕭蕭長此宿早時
風雨上孤亭殘尊宛轉夜三更忽報金堂蓮半
吐遶塘銀燭看花行行屈折掀圖書烟波滿
壁濛濛挂如此風流自可人禮法之人間見嗔

世事英豪能拂手雪竇春泉宜醞酒不知漁父
醉曾無却道次公狂似有似有人今華頂陰我
欲從之雲氣深清寒刻溪歷九曲藤花倒影搖
千尋光陰幾處愁情動衣冠黯淡臨門送山下
常聞鸞鳳音樓上能爲金石弄祗愁吟弄愜幽
心秀骨清容鶴在林綠荷灘畔花開賞新婦岩
前月映臨開花映月同誰子諸賓幾許能玄史
赤水之珠屠長卿風波宕跌還鄉里豈有妖姬
解寫姿豈有嬌童解咏詩機邊折齒寧妨穢畫

裡桃心是絕癡古來才子多嬌縱直取歌篇足
彈誦情知宋玉有微詞不道相如爲侍從此君
淪放益翩翩好共登山臨水邊眼見貴人多臥
閣看師遊宴卽神仙

送內方山人還天台

滄海冥冥吹遠松青霞片片生殘峯括山一萬
六千丈山人一室葱翠濃南連委羽紛靈聖金
芝翠簫玲瓏映四明雲日自開牕五縣山川若
搖鏡山人原合住山間每怪山人不住山我夢

天台無羽翼空歌積雪送君還

送許伯厚歸長水便過吳訪趙公

青雲繽紛眼前起勝氣凌空差可喜見說君才
二十餘我三十餘只如此嬌奢不服吳王孫節
俠還從趙公子家移彈鋏有千秋路入盤桃知
幾里心知年少足風流江上梅花雪夜舟別後
春光苦相憶爲上湖南烟雨樓

雪中再贈伯厚

綠玉之華青雪英高堂一奏多寒聲向人白日

祇欲睡與君達曙非平生片席吳江風欲颺深
杯急燭談逾壯知己全看一劍中通人不在千
篇上世人重別本紛紛今日酣歌一送君定道
師文能下雪還念秦青有過雲

署側
金壇歌贈王悅之從焦弱侯所徙太常東

金壇富家金作盆王生鄧生不到門王生背秋
來過我左拍黃卿右兩孫中坐但言世交薄添
花改葉度寒溫家貧闕養嫁未嫁有屋讓弟供

晨昏昔有仲華爲友娶于生贈妾風義存過江
讀書苦乏絕借住焦先花竹園采葛成衣葛枯
死采葵作食傷葵根秋清搖落已如此歲晏崢
嶸寧可言我聞此語長太息爲借閒房與裝飾
雨雪寧并左伯衣日暮還須故人食王生且坐
讀書詩珠桂如山我酌直黃生孫生苦饒興時
時過我酒可得君不見江東男子有饑寒江西
壯士無顏色

倭王刀子歌答丁右武

丁家次卿有寶刀海氣熒熒秋色高可是二年
綠烟裡精華落盡成吹毫聞道海王昔鑄此擊
鼓童男祀刀子抽驚片電流人目繞怯纖冰墮
寒指君今捉刀當贈誰與君對江心不疑處處
從來足知已一片牀前光陸離

夜聽鄧孺孝說山水

終日他鄉作遊子到處不曾離屋底鄧生爾時
何許來罷酒彈燈說山水君家最近三茅君我
家貫看鑪峯雲山水眼前人不住遙山遠水復

何云

聽說迎春歌

帝里迎春春最近年少尋春春有分可憐無分
看春人忽聽春來閒借問始知簾戶卽驚春
道粧樓相映新樓前子弟多春日樓上春人最
着人

立春日憶孫生

孫生本是山東美却似江東作鄉里惜別何時
遊故人吳歛半入新安水水上寒雲暗不流片

片雪花吹錦裘似有金尊映明燭日暮留君君
不留留君不住祇愁人別後年光一色新莫論
明日爲人日且道今春已立春

黃卿歸廬江

荆卿何歸歸斗城紫蓬星高黃道明黃家俊叟
有五子中有一子字荆卿心愛荆卿卽爲字王
生孫生次第至盡日橫遊輕薄篇追風直上英
雄記風心楊柳正堪攀却送春江少婦還香氣
氤氳箏笛浦離聲婉戀鳳凰山氤氳婉戀無窮
已交態閨情良有以春來君去卽應愁春去君
來殊未擬來來去去出風流輕衫細帽紫華駟
花燈不信吹橫笛寒食能來鬪綵毬

送胡山人歸楚依朱子得

山人何處姑蘇客蚤歲避兵居楚澤年來却號
六形人主人覃懷二千石有書數寄覃懷君山
陽報書差一聞桂林蘭署吐金約何得冷却鑪
峯雲爲問山人老何預冰霜遠寄無人處伏枕
寧知春蚤來酤尊數被僧持去浪士乘舟興欲

殘春陰江上綠微寒但可解貂分客醉何當推
劍與君彈昨夜西牕起離色滅燭猶談張相國
數尺粉牒已作新一門桃李俄成棘春宮歲塢
事悠悠眼底山人有一丘爲過滄浪垂釣處烟
波能得幾人遊

送祁美仲訪琅琊丁太僕

汝家羅浮烟月深青衫笑拂梅花琴明珠珊瑚
亦何有海上蕭條遊俠久遊子蕭條白雲飛琅
琊之人先繡衣幾度寸心橫夜語能餐秀色臨
春暉昨許佩刀曾寄與直似精靈夜飛楚半燭
燕姬胡帕頭對此啣胡作燕語男兒生不遇風
塵酒婦人中頓此身一擲蛾眉能百萬看君似
是有心人

春酒篇寄帥思南

憶昨遊吳正秋月桂樹芳莛遠難掇流光闔闔
轉春風江上梅花動紅雪忽憶牂牁江水前行
春太守習風烟擊鼓半喧蠻部樂唱歌催斲漢
人田太守能文有風性時時臥閣能清淨無煩

問訊說神明但道移書知種姓黔中徼外若椒
蘭何如漢署老祠官已道清明書著晚空驚正
旦酒留殘每向長陵斟玉盞便似長安沾素滻
此時駘蕩客傷心舊日登臨人在眼眼中人物
悵春盃定解春池倒載回况復南中多醞法無
事東朝給酒媒

送俞采并示姑熟子弟

采故叔白鹿生
賢豪人也悲之

遊子常年風性高龍生地主垂千旄絳帳後堂
延弟子春裝別墅擁賢豪何處山川不留飲何

處風光能薦寢花落時粘縹綠箋杯翻只污蒲
桃錦余時間井多懽娛余家弟兄猶讀書長星
出天十年內經過舊地百不如江上更番起戎
隊河南學館今蕪廢地主才高落網羅門生產
盡歸闌闌君家少父識人稀白鹿騰空人事非
頻年落第常留醉幾夜浮橋獨送歸此情此日
堪憐處故人上官得陵署從今見憶直須來幾
日相過那便去春酒春燈花月深離愁今夕動
春心親知報李非無玉直笑栽桃未有陰

送臧晉叔謫歸湖上時唐仁卿以談道貶

同日出關

并寄屠長卿江外

君門如水亦如市直爲風烟能滿紙長卿曾誤
宋東鄰晉叔詎憐周小史自古飛簪說俊遊一
官難道減風流深燈夜雨宜殘局淺草春風恣
蹴毬楊柳花飛還顧渚箬酒茗魚須判汝興劇
書成舞笑人狂來畫出挑心女仍聞賓從日紛
紜會自離披一送君却笑唐生同日貶一時減
穀竟何云

觀趙郭里小圖爲汾源郎中作

太原渡江入西越盡寫家山向雲闕去年臥閣
披此圖展轉續緜意難歇心知不是桃源路直
是玲瓏杏花發野客留連芳樹陰閨人候望新
橋月河橋月出樹陰開楊柳灣西映殘苔漁歌
暝泛橫潭竹牧笛春殘半樹梅梅花隱隱雪霏
霏西翠樓邊落竹扉蚤覺烟綃動玄勝况乃卜
築臨清暉清暉古寺寒鐘影經臺半出西南嶺
粗知到旣近禪林却笑潘安長騎省君家上世

每逢仙賣藥藏書此洞天蚤晚過遊草市里春
秋得上斜林阡君不見語兒溪邊女兒語越國
夫人越溪女又不見石門帳殿起烽烟中洲一
地小如錢何似洛川諸父老相將棲息太平年

別光祿周公

光祿大夫奉常士在昔符卿孝庶子曾遊此地
醉飛花今日飛花復遊此戴公蕭散帥郎真酒
中駘宕風雲新烟波出沒邈難見我亦簪裾纏
此身正喜君來君亦病交情吏迹恒難并拚知
世業改容華爲惜流光與明鏡

仙蒲靈松二篇爲畢太宰作太宰石埭人
以五日生時以司農徵

蕤賓五日承暉慶詔赴三台肅朝命須經浦口
競華舟爲覽江心躍明鏡江臯節物紫茸芳剩
取仙蒲泛玉漿見說生辰逢文節懸知出世御
蘭湯星流嶽降真竒詭異雀靈鷄對飛止高門
昔說孟嘗君畫省今推胡伯始明年賜扇及佳
辰宮縷千絲續命新爲報尚書班扈正兼權襪

綵示農人

三峯秀韻撫靈松九曲長林御積風幾見竹花
吹粉礫曾看柏葉改梧桐何如此樹標齡節
鬱蕭疎殊可悅偃蓋全棲寶柱雲樛枝細
城雪尚書當日盼庭柯爲想山中蔭女蘿
桂枝攀偃蹇不令槐樹對婆娑暫喜司徒符昔
夢行臺并發春花送洛陽丹漆自薰香直取真
心作梁棟

帝雩篇宿陵下

作時有爰立

軒皇十二紀乾靈玉燭調輝寶露零胡門忽斷
江河色秘室遙占雲雨星初冬涉夏雩龍見帝
圃無青悲赤縣浪說行春杏葉田空思避暑夫
蓉殿邂逅陽門欲縱陰蒼葱斗氣不乘金曾無
太尉心勤雨似有星官起作霖吹幽舞帳從來
有直是中天邁陽九后土平乾翠竦橋行塵半
渴飛魚口靈臺開笑變離爰天子身親衣白茅
未道孝文祠北苑且看光武出南郊素服齋居
還減膳詔止帷宮復辭輦遙憐百郡有譏彈未

王若虛集選卷六
許三公行策免東西千里欲朝饑大廟還宣奏
捷威忽報風霾猶占虜仍遲露雨一沾衣加恩
洞壑掄才俊下粟鄖襄止流殫臺符詔獄有友
除織室陶官俱減進蠲圭食玉本精勤更待何
人出紫雲獨宿山陵祈帝祖因歌雲漢感吾君
天妃宮玉皇閣夕眺

寶蓋珠幢青佩裙拂雲來謁斗中君因攀帝閣
臨元氣却過雷門動紫氛諸天蒼莽開南牖下
視塵衢思矯首繡嶺平分草樹前清淮半出人
家後還緣梯路俯東軒睥睨飛翻儀鳳門表裏
都城如玉切高低道院似雲屯參差向北隨形
勢雉堵獅峯兩迢遞可憐平圃不抽花未許招
山徒植桂迴飈拂袖倚西櫺樹影潮音入梵聽
山中氣接江流白江上山連浦口青青山四面
迴靈澤二百年來深紫柏能棲寶露足風朝會
徙陰烟宜月夕夕暉山色靄松門仙家日氣也
黃昏若待少年婚宦畢經須猿鶴怨王孫

夜月太玄樓

玉茗堂集選卷六
芙蓉花發出城遊江光雲色映芳洲下榻縈回
金碧影開燈還動紫華樓樓前嫋嫋垂雲幄樓
上嘈嘈奏天樂何如邀佩戲層城直似吹笙停
半嶽輕風拂袖解人醒急雨能添別院清高興
明星一回首仙樹蒼茫河漢聲

太玄樓留客

有亭不高良已清開虛作牖傍層城能通月色
和烟色可聽風聲雜雨聲紫閣流雲應可掬玄
樓夜色迴明燭也知清興未能闌便合移壺就

深竹風燈窈竹雨珠跳漪漪擘擘又瀟瀟偏多
宿鳥翻淋漓自有啼蟲隱寂寥人家草樹空成
列仙家洞館能清絕花間着屐總成遊竹裏吹
笙殊可悅回闌側袖倚烏巾此雨持沾衣上塵
若道我疲玄夜酒相看誰是竹林人

代書寄上人

三十二相君不少衣鉢隨身一飛鳥可知捉塵
幾十年陌上游魂看不了知君不住琅琊山元
封主人堪閉關遠公龍泉在香嶽頗有佳賓能

往還蘆門江上西風入畫裡行人高戴笠幽棲
勝處一窺臨高座熒熒雨花濕

觀閩海游徵君南陽草屋圖歌

西牕颯雨寒秋燈蘇蘇海屋疑掀騰乃是丹青
拓雲樹褰裳欲往殊不能但見蒼松翠竹珊瑚
幹遠氣冥蒙翳天半南溪烟月影恒流北嶺雲
嵐光不散就中海人心寄遙不愛寶珠恒織蕭
有子抽書作郎吏當時習隱相漁樵須知鹿門
能貴身不羨隆中長嘯人出門慷慨亦閒事君
不見無諸臺畔海生塵

吹笙歌送梅禹金

感嘆龍君揚郡丞沈君
典太史姜孟穎明府

紫袂春衣可曾絮絲竹西州可曾去秋水微波
木末亭秋花半菊吳陵署從官迫鬱有三年似
汝驕奢留幾處邀懽托宿故言寒罷酒更衣幾
愁曙新林小婦寄書來一種風流許君據朝落
鉛華妾自知夜拂蘭幃君不御梅生開書欲長
跪托道留連在山水卽知遊子幾曾遊自說美
人詎知美先時拾翠凌陽池憶汝吹笙出桃李

天涯此日龍使君世上何人沈太史已覺叢殘
姜令非空驚綽約梅生是津途變化裁十年光
響消浮只千里潮水長看三往還交態今誰一
生死何況青眉并皓齒美酒銷憂只如此

荅王恒叔給事憶丁鄒二君

赤城芙蓉青桐柏烟霧連山海氣白中有懷人
幽意多却對墀庭芳草積金書婉戀風霞開寶
琴逶迤月露夕飄飄欲羨茂陵人鬱鬱自憐金
馬客秋風祠下颯驚春逐日江東佳氣新分作

十年陵署客曾無一日犯齋人忽昨開軒細流
酌中酒中寒愁臥閣竹圍雙童會煮茶紗牕少
婦閒吹藥開門上馬卽人間陌陌喜見鍾陵山
幾處池臺招不去有時山水醉忘還道士天壇
長稽首玉女星樓時進酒激玉調笙世上無鳴
鷄吠大天中有王郎奏事日幾封清顏秀筆動
天容每侍夔龍集東省曾窺鸞鶴下中峯傳來
玉價連城起秣愁蘭葉當門委山川白雲徒聞
之日月河清今有幾鄒生玉律悲迴風御史無

雙行殿中豈有片言觸天上亦隨二美遊江東
江東佳麗殊未央持以待君君莫忘星軒倘使
碧鷄路斗酒相迎朱雀航

送饒伯真之天台兼訊王給事

羅公弟子真神仙烟裝露宿能經年晝採靈花
盱眙宅夜調春酒神公泉武夷幔亭曾拂首子
晉中峯一攜手尋師直泛昆池蓮懷人戲折燕
臺柳余時誰到天台峯大羅真人名五松五松
一去光響滅曾誰伐鼓朝天宮今再響天台
策淮水金碑註桐柏寧言六代有衣冠且道千
門對巾幘由來此地足烟霞綠海春深汝憶家
若見方平留畫扇為報麻姑掃落花

為郭考功題趙松雪山水歌

曉對鍾陵暮城闕開燈半壁蒼崖折就中可有
鍾子期遠勢疑無趙松雪松上徘徊多素雲雲
波繚繞出峯文何人似對琵琶峽寂歷橫琴如
有聞如聞吹末蕭蕭起隱膝層岩落春水香爐
之雲無盡時君家武夷亦如此

王荅堂集選卷六
渤海臺歌

東海張公比舍郎高柳垂池拂我墻念此清人
亦古色自言濱州有草堂鹿苑香臺復何有留
與遊人着杯酒此中宜杏復宜桃能添醉色春
雲高翠柏參天槐影地歷落提壺春酒至時有
藤花落酒杯蒼雲曉靄幔亭開拋英弄酒客隨
意隔葉時聞歌笑來睥睨壓雲寒大澤蜿蜒往
見蛟龍跡月出臨窺下深黑隱映樓臺樹光夕
別有幽人行嘆息問君解蘭不歸得君今過家
當入朝我家飛館蔭河橋銅陵橘香送君有剪
致猶餘青葉條鄉心滿眼寒溝潮太平郎吏宜
逍遙君不見魏之千木秦茅焦

送胡孟弼應制兼懷趙夢白劉子玄

蓮花峯頭君不住桃葉渡前君復度張燈作酒
臨朱絃美人一曲傷遲暮鄉心寧道隔山川客
鬢懸愁浥風露揮鞭極日長安雲畫屏回首江
南路君今與我非少年君容故好能談天傾坐
惟須綠玉管結交底用黃金錢誰言耳目都非

是始悟肝膽長不然數年喜讀絕交論昔歲貪
看游俠篇酌酒對君心不展北斗臨城路東轉
非關遊子易分離自是世途難偃蹇多拚獻歲
入西秦卽漸殘年泊東兗江外含梅冰雪深河
陽着柳春風淺春風曾酒道行軒青莎雜樹難
攀援舍人就詩柏梁殿方朔上書金馬門風塵
陌上新知樂烟雨江南舊客憐不見恒山趙夢
白爲問汝南劉子玄

送王伯禎同顧吏部兄弟登三山

今年南中冰雪多凍飲青葉無艷歌小歲忽覺
一年盡春風邇來十日過客中且對宜春婦室
上須開正且酒何須楚澤動鄉心且作吳歛度
京口青衫試拂柳溪橋美人江上問迴潮玉京
諸峯若浮霧廣陵城郭似青霄京口美酒今如
何憶我當時遊曲阿意氣未如荀郎將生年欲
過王清河

寄馬尉雲中

生兒作女須學藏男學作奏與拍張拍張乍可

行邊野作奏殊當耀殿堂豪情自喜作遷客數
日典衣行治裝清淮被病秋色遠雲中擊劍春
暉長見說名王夸漢物傳聞代女愛胡粧累兒
一作邊城尉仕宦何必尚書郎



玉茗堂集選卷之七

臨川湯顯祖著

友人帥 機選

七言古詩

寄賀知任清齋

葱陵杳靄江烟深，懷人不見愁光陰。
已覺清和臨夏首，可憐駘蕩接春心。
與君芳意何冥幕，相憶西齋坐玄寂。
驚風乍獵芙蓉精，調露似聞珠樹滴。
少年能事卽清真，何須不玩帝城春仙官。

自有華陽逸友道還期伊洛人

送于公彝歸金壇

年少金多亦不惡能暮入品權能作莫因長者
避風流自是名人好音樂秣陵可遊風景多衣
簪首夏猶清和與君芳意何曾盡別岸芙蓉生
淶波

送劉玄子使歸

幾歲芳衿散城闕草綠烟波清雲月河梁斗酒
會須傾雲附一絕劉生風義汝南人何

年青鬢帶城春上憐徐樂獻書晚人識相如乘
傳新星軒曄曄金陵道清署開尊愜倫好那堪
晏歲雪紛紛直是行人心草草見說淮南淮吏
迎還將歌吹度蕪城足歷五都有留贈才傾一
座爭知名歸去梁園動春色一種風心吹臺側
情知愛少亦爲郎爲許含香能見憶菱蕤意氣
復何云經須垂晚立功勳不似世儒重文法祗
堪簪筆事明君

送乳林齋經入東海見大慈國寄達師栽

嶺

大勞仙人憇復憇乳林印經南無南小劫愁春
七年七大海行人三月三此日青城流梵唱達
觀太師汝和上華手纔抽寶葉雲香心正宿蓮
花藏汝去東行入海邦汝師西映玉輪江音
寂寂雨花暮獨宿風吹明月幢

招梅生篇

敬亭雲飛出祠署新林夜客遊何處翻翻桂樹
可重來宛轉花中詎能去青絲係馬綠楊

簪細帽作輕飄打檝浪催桃葉苦投壺醉喝蓮
花嬌拚知着處能唐突爲許穠情兼弱骨寧知
有女泣春雲不悟同人候秋月同人秋月對河
津翠竹流螢風露新空拋錦字持招客無那香
纓欲挂人

董光祿招遊城南三蘭若同南海曾人倩
卽事

新秋縹緲孤飛鶻我與世人殊恍惚董公自是
心期人片語相邀出林樾洞庭曾生颯前往自

覺嶺海氣超忽峯雲昨夕水波生細雨微寒弄
織葛主人小憇長干寺世界微明水天佛聖母
蓮花誰送致東海紫衣長信謁開經錦氎照掀
翻乞食香厨能細滑忽然與寄盡飛鳥別自亭
臺生木末虛壑階前山翠微夕陽樹裏江明活
隨意觥籌就花雨滿目山川映雲物北瞻陵嶽
東霞開南候方山西日沒井里依微界斗城宮
殿玲瓏對天闕丹陽王氣隱崢嶸紫海帝江相
遶幹西北微垣燕氣高東南地軸吳都濶董公
繡衣歷河華曾生草屨過閩越各自論都有形
勢各自開天正葱鬱得生中華在倫好况直太
平臥簪紱且追金策度神臯爲拂寶花依佛窟
高僧神理舊微茫吾曹酒意新疎豁已覺數年
兼吏隱復是同人思清越河漢無梁度七夕海
上靈槎占八月董公早晚未留滯曾公信宿當
明發銅盤碧藕青絲壺乘閒醉就雲公歇

送曾人舊由武夷還南海

桂樹之南梅花渚洞庭山人曠幽阻挾日丹靈

不作雨中星大火初流暑芳謝凝塵怕着人水
壺貯雪須留汝行看障壁畫涼風坐見星河流
織女帝鄉雲氣來蒼梧遊子秋風生白紵井闌
才葉先秋鳴蟋蟀草根深夜語三千雲海風初
積四十才名春未舉葱崖赤徼問流人花州石
壁藏仙侶我友祁生久冥漠半歲孤兒今幾許
卽死何人懷報珠此生在日能張楚有才歷落
宜自愛君休頽世神色沮珊瑚鏡臺明月珠結
采飛光無處所直爲豪傑自爭持少金錢學
羈旅洪都仙候我沈冥建溪秋色君容與南中
桂樹秋芬氤笙歌一曲武夷君獨笑幔亭星月
夜爲憶西山鸞鶴羣

送周宗太遊泰山

吾郡東鄉人
自號劍石子

吳門佳山亦無幾飛風積雪淹遊子咫尺佳遊
難定期何況懸情說千里陶陶孟夏清淮深君
從泰山遊孔林侵星發掉浦江曉追風息策琅
琊陰淮南泗上空疇昔魯酒曹衣嘆行役漁歌
向月杏壇人鷄鳴看日蓮峯客登高望海幾時

還應聞鴻鴈入江關莫信人言天下小孔遊殊
未出鄉山

太常謝公 汨天妃宮有作明年正朔立

春謝公前使琉球感
天妃神光濟海

漢使河源虛織女君得天妃下神語海氣雲驚
葉壁山江關雪憶梅花嶼白澤賜衣金佩刀神
鯨恠燕爭波濤精氣自凌星氣不遠功名早逐風
雲高只言世上堪平步候氣可針非此路常依
北闕玩芳華暫向南都瞻玉樹南北園陵佳氣
重太常新入近天容况復青郊候祈穀立春春
朔幾人逢

署客曹浪喜

今冬寒多忽乍煖羊脂臘酒青蕤椀達曙留連
歌笑言蓮花漏水今宵短點燭侍兒熏繡衾新
綿細帖令人懶始恠明星高不低何來曙鳥啼
都滿疎牕小竹真蕭瑟淺帳寒梅動疎散客省
經知無印開祠曹報說添人管北闕雲霞青鬢
疎南朝烟月歸心欵鐘鼓空思長樂宮江山別

三才堂集選卷七
七
築忘憂館四十頭顱君不知爲看年來衣帶緩
榆林老將歌

榆關將軍紫花額自言能拂雙枝戟登臺望虜
識風塵度磧尋營知水脉娶妻胡語能胡言盜
馬與官多得錢石州雖殘虜多死榆林獨出兵
氣全頃緣互市邊籌假市馬與軍非善馬牽過
倒死卽須償就中更有難言者餘閒老將學耕
耔後來兒子不能軍但願英雄不生虜堯零無
火更何云

邊市歌荅丁右武

中興漢水天飛龍天街月氣何雄雄已深古囊
占河曲偏多俺合嘯雲中二十年中俱老死分
頭住牧多兒子一從先帝許和戎盡說銷兵縱
行李也知善馬不能來去去金繒可復回未愁
有虜驚和市且是無人上敵臺別有帳中稱寫
契解誘邊人作奸細上郡心知虜騎熟西州眼
見孤軍綴也先種色何紛紜五千餘里瞰胡羣
不說遼邊小王子殺降前後李將軍

鳳臺同人望句曲

金壇陵西六十里岫穴層連曳句已青芝碧檢
搖春林夕露朝霏單靈蕊秣陵烟雨青冥開江
岸迴帆颭落梅世路悠悠忽不愜爲惜風花長
命杯樓臺罷望青歌歇珠牕掩映仙桃發方看
石道起雲霞試與松門弄烟月君不見秦皇嘆
息東遊來伐鼓鳴鐘山谷哀美玉未斷真人氣
幾度春心臨鳳臺

重過石城埭

石城二十四花樓江南置酒飛花愁在處胭脂
久零落不知冠蓋能風流拾翠江邊猶記否含
笑含嚬送君酒滿目秋光無盡時自折蓮塘花
下藕

文登羽客謁齊王子宿天妃宮

四十爲郎忽欲老海月江花眞草草何處忘憂
著此身誰人未老思仙道客卿行色滿烟霞王
孫故國多梨棗每說從人大父遊安知不美兒
童好長嘯相看了君意流珠闌干須自保玉女

祠前雲氣流春官署裡明星早忽忽臨風吹玉
笙蒼茫欲認鷄鳴島

凌陽篇

金城石室晝氤氲石竇曾棲漢令君朝餐飲日
亦黃氣春食流空葱翠雲為愛凌陽仙侯美竟
日清談縣中理綠水飛看白玉魚丹書教服曾
青髓已知兄弟逐絃聲復聞妻子好吹笙參差
二女青童侍窈窕雙簫白鳳迎江上絃歌一迎
送雲表笙簫還按弄斜睨白嶽白龍飛直駕黃

山黃鶴控龍津鶴苑駕翩旋地脉星臺吐玉泉
祗道冲飛裁七粒懸知服食已三年精靈歲月
潛遊陟氣候烟霞難望識朝祠勝節罷中元夜
谷餘光空五色蓉城秋浦送飛軒紫霧春潭濯
夢魂未見雲光同葉縣且欣風物似花源

送杜給事出憲延安并問高君桂吳君正

志二郎吏

時杜過省其尊
人明府山西

金臺桃李氣相新接手徘徊君意親君向河源
作星使予從江表寄波臣不謂君遷亦南省祠

曹歲月蒼梧影雖知歷落映心期未及留連盡
烟景何知卽出鎮西軍晴雪芳臯歸鴈羣少婦
將雛裁滿月尊君割錦正停雲吏迹牽旋從此
始邊候烽烟殊未擬由來計策重諸生似是人
情薄鄉里豸繡牙旗君少年何必男兒不在邊
甘泉徒令宜君尉獨笑爲郎江閣眠

江東歌

三山江上翠崔峩草綠風烟春氣和天宮繚繞
金陵麓人家映帶秦淮河迴廊屈曲通情雨馳
道流離望月波南中富樂風塵少天下娛遊子
弟多悠悠滿目經時歲忽忽盈懷阻嘯歌意氣
周郎三國盡文情庾信六朝過江南丈夫會早
天春心不飲蕩如何

寄李崑山內鄉追憶賈鷄

仙令長安君以後繡服霜奉
自一時公庭舞鶴冷清漏笑浪紛紛陳寶鷄鳴
鞭載酒御橋西諸賓歷亂凌風舞小史溫融映
雪啼意氣滿堂心自許密燭迴簾深夜語誰知

生死十年期忽漫浮沈兩仙侶陳君曲折殊可
憐君家一掌順陽川隆中故宅若爲遠安衆諸
劉時往旋少室僧來喜相慰能言岸峒身間貴
兄弟中原詞賦名兒郎上路風雲氣紛吾四十
滿爲郎每愛嵩鄖夾內鄉幸好分麾河嶽路真
須一飲帝臺漿

三日二碧王孫山亭飲

金陵峴鬱難攀援孤根碧海齊王孫王孫富麗
豈無有雜沓風塵誰具論熒熒二碧始清絕衣

簪約綽相寒溫小碧家臨漢西路次碧宅近清
涼門清涼迴高見蒼莽籬門正接王孫園不嫌
唐突興俱往且爲畧約開殘尊初經窈窕上林
閣便覺氣勢如山村斜臨江臯隔睥睨前瞻天
闕正軒轅但坐自令佳意出遲遊尚及春光存
翠薄荆榛徒極想花蹊桃李知無言忽看城闕
歸雲度起視簷廊宿鳥翻向夕餘言定三五何
妨滅燭臨高軒前遊但記風色亂未覺今朝月
氣昏無事王孫惜芳草自然幽客眷蘭蓀

聞王悅之說閭門隱者

王郎道有閭門人白首青蒲自編席入城賣席
常清晨未到中時卽歸宅便持百錢虎丘寺但
是相逢成主客就飲何曾忘嘯歌歌罷回船動
西夕自言一生不持扇半世蓬頭少巾幘三家
市裏足埋藏百歲人中堪戲劇爲看閭門來去
人不爭遲蚤俱頭白

憶祁羨仲武夷

建江烟月武夷君幔亭綠屋清溪門杳草霏花
紫霞褥酒行命奏賓雲曲鄉人男女皆會孫罷
起翩翩朝至尊弟子壇場闕春色賓從笙歌清
夢魂仙骸半枕若沈月千花疊棧搖飛雲羅浮
祁生好留此九曲鳴榔清嘯聞

送梅禹金應制入都

文春陵陽幾千仞上有閒遊公子俊流水琴中
寫素心博山爐畔搖青鬢梅壠霏霏阻笑歌花
田灩灩遲芳信每怨春歸不見人幸好人來春
欲閨春閨春陰桃李蹊乘興遊心詎肯低結伴

京華聊自喜含情芳靄足攀攜春穀文縈綠波
館敬沓合沓青雲梯正思公子青蘭暮肯惜王
孫芳草萋芳草芳心難自歇與子留連玩芳月
窺飛故燕久參差學語新鶯殊未滑香臺棲宿
臨三山蘭署過從映雙闕借問吳官佳麗地何
似燕都遊俠窟燕都復道靄神居星海雲陞氣
有餘呂郎舊闕連申嶽樂客初封從望諸北道
主人能載酒西京才子宜上書雲水三千恣相
激才名四十看何如爾家仙尉吳門卒千秋遲

汝飛靈質青林芝茵雲欲開淥水芙蓉日初出
陸生洛下古無二張率吳中今有一未歷露寒
夸羽獵且向雲陽侍仙蹕雲陽仙署接才英極
浦清江留佩聲吳中少婦憎啼別曲裏諸姬解
笑迎直取終春寒煖適不妨初夏雨雲清繡襜
汗色持存在絲騎香風觸送行行拂袖褰華
箔別有名流眷清閣幽意寧辭暮復朝容華稍
悟今非昨猶多俊業倚芳堅似少深心過柔弱
經須飲玉上池津莫學投壺飛電爍飛光滅靄

世續紛避世南郎君不聞自許山川作期契止
持歌笑抵功勳來時蕭索風雲合去路周流河
漢分定向燕臺陪駿影還念江臯遊鳳羣

夏州亂

夏州判軍如五堡迫挾藩王磔開府賀蘭山前
高射天花馬池南暗穿虜前年通渭血成壕天
上太白愁烽高不信人阮翁仲鑄金終得鎮

臨洮

黎女歌

黎女豪家笄有歲如期置酒屬親至自持針筆
向肌理刺涅分明極微細點側蟲蛾捐花卉淡
粟青紋遶餘地便坐紡織黎錦單折襪吳人綵
絲緻珠崖嫁娶須八月黎人春作踏歌戲女兒
競戴小花笠簪兩銀篦加雉翠半錦短衫花襪
裙白足女奴絳包髻少年男子竹弓絃花幔纏
頭束腰際藤帽斜珠雙耳環黎錦垂裙赤文臂
文臂郎君繡面女並上鞦韆索搖曳分頭攜手
簇來遊殷山沓地蠻聲氣歌中荅意兩心知但

許昏因箭爲誓椎牛擊鼓會金釵爲權那復如
年歲

萬州簾障子歌

劍門簾絲如髮細織作爭先出新意十二雲屏
海上來平波瑩慰瀟湘字纖纖閨指真絕奇闐
花側葉鳳交嬉高吹海色障風日遙憶烟蘿擺
月時

伍仲元老人飲酒歌

青雲老人何爲者高冠細袖長八也家多故事
伴談笑年少他鄉劣遊冶老去初爲童子師貧
來未覺交情寡到門問酒隨生熟坐地吟詩襍
風雅有子能裝翡翠花無人獨爨青松把謝郎
奕野宜酬對羅公講席曾沾惹白雲東岡草蕪
沒綠竹西塘夢瀟灑猶記長橋春醉時月出高
林人上馬

綠漪園聽簫有作同耀先

平昌此亭能種竹但有此君人不俗非貪翠氣
影紅粧會與簫聲搖綠玉風漪綠玉暮雲寒瀟

湘水色清闌干只道於中耀靈鼠那知其上遊
飛鸞飛鸞窈窕籠烟雨包山丈人此亭主家似
渭南稱素封人如江上依慈姥何來有客宜幽
閒綽約玲瓏君子山不妨仙縣移琴曲竹葉樽
中時往還

玉雲生過平昌徐生畫扇爲別

君子山前營射堂瓊林桂苑隨穿楊碧玉溪橋
嗽金石絃歌市里合宮商別有書聲隱巖壑盡
日停雲心未央相逢露草誰知美獨宿幽蘭殊

自芳何來作賦雲林客爲看鳴琴星宿郎一見
徐生渺清色便欲同車還故鄉結交有神那得
曉邂逅無多難可忘點綴柔紈送心素按抑高
歌迎艷陽誓指青松白日短別淚金燈寒夜長
滴酒相看少年事可憐令尹鬚顏蒼延陵紵縞
終辭鄭郭宗巾恰始遊梁何得途逢卽傾蓋金
尊坐掩悲含霜自言少小爲公子婉孌才情歌
笑香不悟歲華能蟋蟀每言朋好似鴛鴦悠悠
世路交情見忽忽書空良自傷新知那覺異鄉

三石堂集選 卷一
縣片語輕相遊俠場令尹風期只如此十年前
事心悠揚侵雲嶺高虎吟嘯生波洞遠龍廻翔
手扶竒雲贈雙美看汝雄雌誰激昂

留屠長卿不得

杯殘忽不懽空堂燈影寒十年一笑長安邸歎
嘔歷落稱才子非烟漢殿香銅盤幽山桂枝愁
蠹死扁舟蹭蹬江湖輕颯來婉孌蓮花城直爲
弦歌似清浦那得禁人逗長卿

長卿初擬志遊浙東勝處忽念太夫人返

棹悵焉有作

神仙縣令如山鬼白雲青蘿石泉泚偶然堂上
遊麋鹿直向棊中殷山水不知誰子耳能清但
見似人心卽已長卿凌雲飄不飛空谷蹙然能
至止入門心知客不惡滿堂日成予有美莞爾
弦歌遊縣庭居然水竹如蕭寺開燈彷彿眼中
人罷酒徘徊心上事崢嶸晏歲君如何幽桂叢
山真碣磧侵雲暝石啼玄豹落日寒林隱青兕
能來去住看題筆到處逢迎須倒屣江花入夢

有年餘山木成歌非願始天台莓梁亦咫尺麗
陽片葉蓮花裏縉雲丹丘停鳳笙青田白鶴銜
花蕊與君發興期淹留盡與山經出靈詭何得
采芝未盈把更向高堂成燕喜杳嶂鳴笳響相
峇赤亭風颺寒潮起
少酬接新婦巖
前初倚徙定道窮愁能著書正恐春風動遊
君去春來誰得知脉脉芳蹊問桃李

送謝君實理高州

幾年執法文登城朱絲之直冰壺清遊戲蓬萊

幾清淺坐看海市堦空明望仙門前望仙子世
路烟波只如此秦皇漢武不得意人間那復炎
州理炎州高涼風色涼綠榕滿堂荔枝漿天池
六月一樓息珊瑚幾尺高摧藏我昔雷陽向孤
遠獨樹無陰下長坂夢隨梅嶺江南春每憶石
城夜中飯秋風莎露排烟嵐一官如寄誰可談
與君相似定相見東海勞僧相漢南

送李參之侍尊人以魯邸傳歸漳浦

出門蒼生吾不免且閉池林自疎遣眠教女子

護春衣坐對兒郎弄秋卷性當千里數飛蓬誰
憐三徑生苔蘚傳聞有客自南溟迎侍尊人發
東交早已才名春未深但道神交心不淺且須
杯酒興淋漓未暇論文極宣展罷相王家醴酒
清靈光巋然新賦成東郡趨庭少陵意北穀捐
書黃石情白雲隱映封中出黃菊支離江上行
雲霄驛外家山色風月樓前歸鴈聲瓏葱曉發
日南陸崢嶸夜語河西傾何得長聞李老子猶
嫌未見林先生

送鄭見美游江東

艷七春堦發花朶寂寂春寒試燈火人日何人
清夜沈玉茗堂前風月可向昔登高平遠間滿
目滄浪無土山就中有人鄭君美學富文清幽
意閒信美閒遊動千里如花攬結金陵子但聞
春草爲春生幾見情人爲情死采葛成衣秋柰
何看朱成碧春又過冉香亭下神姑酒忽忽江
臯離恨多

送帥從龍北上

忽忽鸞啼二三月艷艷春隨遊子發但覺林泉
幽意深方悲世交情歇我與若翁真晉人岸
憤留連如笑嗔金錢障書不挂眼連珠酒令常
爭新深燈起坐風雷迅洛誦之子驚神駿翁當
厭世有書留我向爲人覺才盡與翁早拂長安
鞭江山何限酒鑪前那堪耆舊山陽笛獨送兒
郎江上舡江上從龍日千里極目搖帆我心喜
老矣當如長路何少年自致青雲耳

寄嘉興馬樂二丈蕪懷陸五臺大宰

爲郎苦遲去官早歷落鄉閑罷倫好忽忽神遊
京洛春泣向五臺原上草馬翁只似扶風人樂
生當作望諸君臥想少游何可得拜築高堂曾
一聞世局風流常似此會見英雄長不死江山
歲月老閒身風雨魚龍動君子沙井闌頭初卜
居穿池散花引紅魚春風入門好楊柳夜月出
水新芙蓉往往催花臨節鼓自踏新詞教歌舞
青春索向酒人拋髮拚教侍兒數烟雨樓前
烟雨迷鸞逗湖邊鸞逗啼但取風光足留賞越

西還勝大江西

立春過鍾陵訪黃明府貞父偶興

立春春晴殊可遊元夕受燈人不愁明發春林
意鮮好散雪如花吹弊裘偶憶西湖殘雪處笑
對汪汪人叔度緒風蘭葉迴幽香淡月梅花引
心素由來仙令有烟霞壇石山前風氣佳便移
彭澤五株柳來就河陽一縣花

玉茗堂集選卷之七終

文斐堂梓



國家圖書館, NATIONAL CENTRAL LIBRARY, TAIPEI, R.O.C.

玉芝堂集選卷之八

臨川湯顯祖著
友人姜鴻緒校

五言律

古意

春澹曲墀滋風輝遙翠時含情望朝日深嘆在
新知鬱鬱青門道悠悠湘漢期玉壺起行酒迴
淚濕青絲

九江送王元景之登封

匹馬歲將晏遊人多暮思廬峯天子氣緱氏仙人
祠客夢流鶯過鄉心寒露滋從來深意氣別
酒詎能辭

送華楚客歸夷陵

聞君有期契千里暮能過草綠朝雲宅花深明
月沱春聲逐棹遠江色漾帆多別有啼鳥夜殘
琴清怨和

德州逢李道父觀察

太史南河盡朝陽東路行星辰郎位合烟雨嶽

雲平魯酒能香色燕歌到羽聲知君有奇氣長
揖漢公卿

河上送張明府

河朔秋將晚黎陽縣欲花鳴琴當夜色別酒送
年華白髮滄洲遠高歌雲漢斜經過鄴城下自
古欲長嗟

龍潭高閣二首

罅樹紅無地巖簷綠有江蝶花低雨檻鼉竹亂
秋窻楚瀝杯誰個吳歌榜欲雙又崩騰過雲影浥

澠片心降

眞州好風色曉發坐林曛岸艤丹餘坵潭窺翠
欲氛蟬啼秋樹影漁唱暮江雲草閣何曾到蕭
然爲此君

第五子生

誕月多春色彌年得和音功名吾不免兒女婦
能禁繡葆花文重銀錢福字深從來湯餅宴仙
署幾迴臨

送楊安入太原軍

星使三河外春王二月初風雲臨上黨花鳥入
昭餘關近笳聲急川遙騎影虛世途君自見長
嘯欲何如

銅陵

向夕燕支峽遙分白馬蒼浪荷葉點春色鳳
心知邑小無城郭人懼有歲時誰憐江月影懸
弄五松枝

送袁生漢中

君去旬陽道初過明庶風居人緣沔上都尉治

三才集選 卷八
寒中渚葦浮衣碧墟桃引幔紅秦吳千里色流
恨曉雲空

河林有酌

風亭移石竹爲客正開襟宿鳥過殘雨吟蟲傍
積陰故心人不淺秋色夜方深便合丘中去相
招鳴一琴

初至江關

朔方空水陸南國自山川夜月啼飛鵲秋風咽
斷蟬宦遊長是客吏隱卽爲仙刺有青燈在鳴

柳上酒船

送歐虞部

秋興君能發詩名衆所聽登臨人共遠搖落醉
初醒客鬢過梅嶺鄉心到草亭遙遙槎上客知
作老人星

送客避難和州

歷陽江外望亦足小翩翹曉色連雲觀春香太
子泉胡姬初進酒劍俠晚尋仙未必逢津吏漁
歌起暮烟

王荅谷堂集選 卷八
送客湘西

芳意自不淺湘沅蘭未稀爲君歡欲舞今夕醉
言歸葉下秋生鬢潮迴月滿衣相逢問形影寒
塘孤鴈飛

鷲峯寺別季孟陽

幻色餘香細閒遊去未曾林塘淒夜竹河幔隱
秋燈無明今日盡恩愛舊人能欲向南朝寺抽
衣施講僧

對客二首

流泉亦可聽風色倍泠泠去住人難定登臨酒
易醒吟蟲過暮雨來鴈響秋汀祇合瀟湘路彈
碁坐竹亭

多年成散木此日更浮萍漉酒幽人至吟詩少
婦聽園林開夜色河幔卷秋星却憶鍾山隱時
時問草亭

寄李少華

關門氣方遠華嶽道爲尊夜色仙人掌春星玉
女盆琴歌隱洞壑枕席過河源今日長安客求

王荅堂集選 卷八
仙未敢言

題王逸人莊

盤河色外石屋華峯西日氣草熏陌花光雲
映溪空巖人語迥簷壑鳥飛低直置堪長隱東
陂魚稻肥

送蘭道者往天台

地脉連湘曲天台坼海邊來霑清月影去躡紫
霞鮮雲日消春色關山流暮烟靈氛真冉冉虛
此挹神仙

出關至滄洲阻風

天路原非遠歸心忽渺然珠人遲泣海燕客負
諺天積雨葉簷滯衝風舸纜旋同人深借問舟
楫在長川

江上送張七歸楚

白望繁簷冕清時得芰荷雲霞江色杳梧竹野
陰和世外何妨笑人間忽自歌獨憐湘漢客無
柰醉醒何

送客歸岳州

楓隱號蟬急林開放鷓輕柳烟眠際穩江月醉
餘清夜色遙湘渚秋陰冷岳城還憐洞庭水漁
笛與歌聲

過年

幸年當此夕兒女足喧闐盡燭延親客長筵
祖先故情隨臘盡餘俗過江傳大小須饒醉平
安詎偶然

高座陪達公

一切雨花地重遊

影山水妙

明心境以莊嚴寂春當隨喜深金輪忽飛指江
上月華臨

懷張別駕閬中

別駕清如許還家南部郎雲霞秋色冷松柏晚
泉香縣小金牛路山幽玉女房琴歌春緬邈相
憶在東堂

金陵西園作

西園興不極北嶺望如何天影隨長漣山光遶
曲阿杏花春作淺芳草暮情多嘆息并扉掩餘

王荅堂集選卷八
霞江上波

送客荆南

鬢絲江海上更逐楚雲西
客舍調箏女他鄉織錦妻
桂烟湘水綠花月武陵迷
不道王孫草芳春徒自萎

魯王孫

汶河春草色魯酒夜深情
問字吾何有聞詩余亦清
雨歸青社曉雲起岱宗平
別有靈光殿時聞絲竹聲

江樓送東粵翟先

樓上秋風遠城陰水樹微
芙蓉低木末暝色上林霏
海燕涼猶拂江鳥靜不飛
登臨澹無色還似送將歸

白水園

微風生灌木落日餘清陰
葉卷寒芳盡花虛夕靄深
琴尊無俗意梧竹有清音
莫厭高樓曉長聞猿夜吟

送周叟東遊

三
凄凄安所適云向岱宗遊海色天門曉松聲日
觀秋封中雲欲起泗上水還流莫作吳門望吾
衰亦孔丘

秋夜入廣別帥郎

江潭殊自嘆搖落未經知昨夜秋聲起相逢悴
樵時園林咀芳色河漢渺佳期起視浮雲氣蒼
梧不可思

將之廣留別姜丈

世事亦不淺幽期常日深風霞餘物色山水澹

一尉雲連海孤生月在林悠悠歲將晚隨
意惜光陰

秋發庾嶺

楓葉沾秋影涼蟬隱夕暉梧雲初曉靄花露欲
霏微嶺色隨行棹江光滿客衣徘徊今夜月孤
鵲正南飛

小金山同陳潯州冷提運送軍府夜酌四
首

偶余出城郭扁舟潮上時浪花寒雨釣林竹莫

烟炊過酒窗初濕鳴舷坐欲歆金山不應小渾
覺潤州移

嶺外無搖落江中有暮潮市樓懸入艇山閣倚
縈橋似小金山近無多碧海遙興來江楚客長
得夜聞簾

赤海中流合金山小景開梧雲看暝接桂瘡得
寒迴鶴迴吟隨去鷗輕浣欲來枕柳垂一醉微
月下池臺

一官能自冷十月曉衣輕水市懸漁影山厨伐
竹聲杯憐柳子細酒得寄生清細雨炎荒外今
朝學送迎

波羅廟

不到東洲驛來朝南海王虎門標赤氣龍闕動
朱光銅鼓聲威漢金碑字隱唐炎池堪浴日今
夕看扶桑

光孝寺

菩提豈無樹天竺有靈僧色與波羅翠香隨簷
蔔凝根芽初佛滿花葉幾人能密意經三遠無

勞問葛藤

南海江

病餘揚粵夜伏檻遶雲烟閣道晴穿屐溪潮夜
出船時時番鬼笑色色海人眠船上兼靈藥吾
生倘自全

出朱明觀

羅浮觀日罷出谷晚蒼涼壑去懸流寂峯過倒
影長美雲隨望盡仙草逐行香消息梅花月歸
舟興不忘

戲別冷提運

官迹他鄉薄生香別署遙翠欹柳子葉紅動美
人蕉酒色寒猶興春心老不銷鹽花金盞裏還
赴粵西邀

別魯司理

目送雷陽外心銷赤海旁壺觴薦潮汐花木送
炎涼桂死何勞蠹蘭生應自妨少年能泣玉鄉
國似南漳

陳潯州

何自船同夕偏過酒涉旬明珠滄海客春色武陵人草樹他鄉別風烟一處親清潯好白石吾欲向棲真

園居示姜緒父

林塘有佳色長日自蕭疎靜覺懷春好喧知閱世餘夢隨芳樹遠人去落花初冒余滄浪外何從爲卜居

送西陽椽

慷慨何爲者悠悠鄉里親星華五渚濶風俗九溪馴煖獵隨南客寒泉應北人黔中美花木知是武陵春

遙憶右武自蜀赴關西

關山渺何處江海一懷人上路風雲氣初春楊柳津王孫方去蜀公子正留秦薄暮笳音起徘徊芳樹新

東莞江望白雲山

霍靡番禺路清山間白雲輕霄合縹緲叢蒼出氤氳迥接蒼梧影微銷碧海氛安期留鳥遠仙

館若為分

平昌送屠長卿歸省

神仙曾作縣君子遂名堂竹色朝行酒鐘聲晚
隱牀西遊人未老南至日初長那用登芸閣千
秋辭賦香

鴈山種茶人多阮姓偶書所見

一雨鴈山茶天台舊阮家暮雲遲客子秋色見
桃花壁繡莓苔直溪香草樹斜鳳簫誰得見空
此駐雲霞

七月念日移宅沙井八月十九日殤我西

兒慘然成韻

乍有楊雲宅童烏得幾時未知歌處所先已哭
於斯蘭玉堦何異能罷夢亦疑遶枝無淚盡不
見舊巢兒

聞梅客生監軍二首

易與官除賊難知虜合圍自公持斧出新築受
降歸按節髦毛落分旗燕尾飛賀蘭山外雪初
拂侍臣衣

叛壘新兒戲降城舊走胡材堪惟楚有人已謂
秦無池上驄花馬臺中朝夕烏先朝曾用水絕
地見陰符

送古萍歸百丈山

到來都是淚過去卽成塵秋色生鴻鴈江聲冷
白蘋別離心草草珍重語頻頻莫待他生見還
爲慚愧人

靈谷寺寶誌塔上禮望 孝陵遇雨

香塔幾由旬登臨物外身霧迷藏豹谷雲起躍

龍潭定水流功德橋山合鬼神冥冥松柏雨曾
灑屬車塵

靈谷寺浮屠憶謝友可少小鍾山之約

畫塔連風雨芙蓉入杳冥藤垂翻雀影松偃
龍形法湧無量殿聲飄不住鈴懸愁聚沙處
作草堂銘

戴師席上送王子厚北上子厚名渾然司

徒北海王公公子也有物表之姿昔人之
度滌雨來辭戴公平生不飲此日連舉兕

王右軍集卷之八
爵數度公笑曰吾之邴原也用原字贈詩
命僕就和

去向青州榻來游白下門蘭言接公子草色送
王孫過雨催驪曲臨風寫綠尊不堪頻北首驅
馬獨平原

與郭祠部公解避暑

鷄節非闌暑龍光接盛筵北風疑是畫南署
非烟凍飲何妨裸彈碁自可傳豫愁長醉後
渾欲水中眠

玉茗堂集選卷之八

終

王荅堂集選卷之九

臨川湯顯祖著

友人姜鴻緒校

七言律詩

長至奉慰趙祭酒鄉思

東朝使節舊丰茸南國威儀盛辟雍獨嘆芳遊
塵蕙幄偶陪春薦入歌鍾鄉心梅蕊休爭迸至
日恩華且自逢太史今朝候雲物忍拚仙氣卽
成龍

送何衛輝時喜潞藩新出

帝子新封接帝鄉何郎新命守河陽江花碧署
年光滿雲氣蒼梧秋色長內史未須秦法律朝
歌曾識漢循良人傳萬乘旌旗出總爲倚蘭定
國香

送王比部供奉採藥扶侍太夫人歸粵比
部故侍御殿中

白雲司發桂花叢綵袖承親碧海東潘岳宴林
逢令節沈郎行藥正秋風先抽美草占年樂盛

取菖蒲益帝聰並道春祠惟坐嘯也能符遣及
花驄

已丑長至奉陪王趙二宗伯齋居有感

侍從當年玉佩分長陪鍾律報天文南遊爲占
春舊日北望還書太史雲燭殿星華流宛轉鍾
陵雲氣接氤氳微臣自結迎祥履何限金門奉
聖君

懷帥惟審

帥行山陰有
萬壑千山賦

萬壑千山興有餘仙人署裏賦樓居只教臥病

常中酒莫道窮愁欲著書烟月西湖人唱晚山
川南國雨晴初相思兩地無相識待向濠梁一
問魚

池陽余聿雲小時是尊吏部君請爲之字
以詩問予復有漢祠宮風味否荅之

山公臺榭卽逢君愛汝能飛字聿雲秋浦蒹葭
人自遠春江桃李思難分芳尊幾借清韶色妙
墨傳看錦繡文爲道碧鷄光影在漢宮誰許洞
簫聞

北安門曉望

萬里神臯接帝丘祠郎齋祓奉春秋太壇帷幄
天臨幸高廟衣冠月出遊雲氣早飛仙蹕路星
河還向御溝流皆知北極朝宗美猶望南巡燕
鎬留

再寄帥思南

供奉園陵五薦新祠郎初占曲臺春也知歲月
能高隱無柰心情厭襍賓湖海浪談天下事湘
沅還是眼中人何年對汝歌聲出金碧岩前醉

幾巡

龍雲卿花燭後來署中過年

江海寒雲接帝鄉曲臺今夕倍年光
恰逢鳴鴈朝陽滿并道乘龍歲月長
婦出繡衣門下史子當青鬢待中郎
不知池上鴛鴦影肯向仙臺學

鳳凰

送王侍御以論耿公歸蜀侍御故吉州人
自是安成舊世家偶隨雲物映三巴
吳兒自愛彈文好楚叟新知物論譁
畫舸江連巫峽雨繡

云秀作錦城花君恩未報難高隱
刻取餘冠氣

至日聞聖主深居有感

雲物徘徊宮殿閒祠郎簪笏侍仙班
飛仄香微風應聽樂親知淑氣還
萬里神光分泰時長年子夜接鍾山
南都至日逢南至傳道天心欲
閉關

送杜給事入都歸覲

載筆何年侍省闈殿庭今日奏戎機
簪裾曉送

風雲積旌旆晴開雨雪稀
洞浦花明人映發
幽梁春滿鴈歸飛
祠郎薦玉君須入
會見乘輿載赤旂

送黃侍御出遷東粵暫歸洪都

侍御以論王弼州行

滿歲原知出帝鄉
誰言卽餞此年芳
春開積雪歸鴻滿
花入晴湖泛鷁長
仙井烟霞迴柱史
梅關消息到韶陽
高冠繡服堂堂去
恨不留臺竟觸羊

夏至齋居理樂感鶴奉命有述

清卿院宇竹梧寒
金奏泠泠聽夫闌
每莫獨留玄鶴影
何來雙飲玉池澗
非關聽樂臨沮水
爲許齋心拂漢壇
况復自公多氣色
羽儀今作袞衣看

送伍大儀入都大儀舊知澧州是年冬虜

入鳳涼

南國山川照夕曛
茱萸綠酒坐氤氳
烟波似惜湘沅晚
閨閣新愁河漢分
喜見天王朝十月
驚看太白下秦雲
江臯幾片閒秋色
并與登高一

送君

送越客

陪郎真得省朝參年少相過不厭談東署泛尊
深月色西山別袂影晴嵐花枝路轉丹陽郭蕙
草春窺越女潭爲報倚門人漸老不應游子滯
江南

送京兆郭公

公以立春日北
徵歸闕觀省

青陽雲出映風津少尹行春始立春正說舊都
遊鳳好何言芳樹聽鶯新南臺再出封章遠吏

部魚自窺水鏡親今日掄才向邊急西征還擬太
夫人

懷路鞏昌汶上

仙郎賞勝逐年新猶記登臨送入秦幸好蒼黃
逢吏語那堪衰白障胡塵尚書起第人原重太
守還家自不貧最是湖南盛花柳烟波并作汶
陽春

送饒太醫歸東邑

涉江初唱越人舟別騎三山接勝遊梅雨潤移

江闕曉麥雲新拂漢祠秋衣冠署牒逃名得洞
壑迴春採藥留見說家園能樹果年年仙杏許
人求

元夕送吳參軍上九年計

已逢人日勝於人倍賞花燈有百輪祗道笑歌
饒伴侶可堪尊酒寄情親重來定不參卿老再
入纔知久宦貧獨恨金臺醉公子留君真欲度
餘春

送史德安

同年年少卽推君才地爲郎出守卽列郡鎮珠
連大澤高齋倚葢動浮雲江邊歲月虛流賞漢
上風光好寄聞獨有玄湖秋色苦擘蓮時候與
君分

送吳竟父西歸過運司伯子

蒼兼白露滿秦河年少芳樽玉樹歌別館春情
隨夜盡曲江秋色聽潮過吳儂未斷迷香徑海
賦能添出素波爲到故園梅色蚤可堪青鬢客
愁多

奉荅朱方伯

青谿蓮社昔繽紛蘭署風流說使君蜀漢蚤廻
清鏡雪秦關數候美人雲虛開貴竹移高榻爲
想平苗借檄文今夜籬門秋色苦懷人高唱月
中聞

萬壽節送顧郎中北上暫歸省長洲

愛子凌波已十年爲郎白首向江天家風自種
仙臺藥鄉俗能歌相府蓮乍可迎涼歸茂苑徑
須度暑入甘泉臨岐况屬天長節暫好朝晨玉

琬連

送趙舍人出守永昌追憶楊用修太史

永昌前宦蜀多賢都尉行邊復少年濁世幾逢
公子俊名家偏著貴人憐歸心片峽飛明月吏
迹連江洗瘴烟知到南中問流寓家家能說子
雲玄

送程中舍還朝

薇垣清切美中書鳳詔銜飛得自如別路幾逢
花樹密宦情真覺酒期疎江臯曉色侵行佩河

漢秋星轉使車爲報太常能吏隱蒨心陵長對碧
窻虛

大樓僧真這

銅陵山北九華西秋浦風烟似會稽入座但知
遊褐履卷簾誰解對簪珪新叅漢時神光滿舊
宿花城佛影低爲憶年時歌吹晚月明乘醉下
青溪

問薛太學近洙

歸去橫林動一年薛君章句與誰傳經聲隱雨
初移榻樹色籠晴欲放船未許過家營外宅應
須對嶺矚新田清秋茗婉差饒興爲寄蘭陵石

上泉

送熊茂客從汝歸臨川

百城新宅柳從遮綠竹池塘望汝家江上片帆
懸夜色水西春服淨雲沙榮華欲讓他邊樹因
果難分別種花爲寄橋門諸父老肯容陶令說
桑麻

送方比部北上

廿年詞客幾追攀衣繡居然傲白鵬往往開帷
臨笛渚時時拄笏對鍾山生波片席迎潮去積
雨千林送客還同作南郎清讌少知君留侍紫
宸班

送劉祠部視學南中

漢渚孱陵路不迷平夷秋色倍萋萋須過列郡
開神馬未許祠官問碧鷄文物自連交海北鄉
音半逐楚雲西諸生亦有談經興無事相如到
若溪

戲李季宣

生憎一宿畫闌撓官裡除身出董嬌着綻新衣
寧惹妬教成舊曲整看調菱花似月嫌雙笑柳
葉無風愛獨搖見說傾城難再得須拚弱草併
纖腰

送楊武選入都

定擬蘭尊逗夕曛那堪離思卽氤氳鄉心半入
湖陽鴈春氣初深河岳雲自有恩華臨上苑幾
番精色動南軍請看扶道青楊柳賓從紛紜一

王荅名堂集送卷九
送君

戲贈梅禹金

蓼花秋冷菊花殘
惹盡垂楊興不闌
才子勸歸將酒送
美人抽怨入琴彈
山中月色忘懷易
水上風心欲寄難
衣帶到家應減盡
還誰先得抱腰看

送李于田吏部北上

微波木葉自繽紛
鴈影離心江上聞
澹蕩平臺過淥酒
青葱別署有玄文
遊吳並道人如玉
入

洛懸知客似雲爲笑
芳林恒獨賞明年春色會
思君

臘憶王道服南海

露冕曾當日觀峯
繡衣風色起吳松江
邊折柳春難寄隴上
題梅使不逢正朔臨
臺青鬢遠長年泛海
道心濃祠官大有清
齋日爲報鍾陵紫
氣重

送饒司理順德

伯宗故於予不淺
各亢壯別去悲之

十年棲遶月明枝
一日春粧蕊樹竒
厚祿久無

堂上老長貧多謝里中兒空思幅被通寒夏浪
擬緘書有歲時定過邢臺悲豫子聲音偏合友
人知

送來黃梅

燕雲如馬去江黃醉裏籠鞭點驕驕撲鬢柳花
吹雨色燿衣蘭草襍風香潛廬半入吳都盡江
漢遙分楚塞長爲過蕪城須縱酒此中幽恨卽
難忘

贈趙司理池陽

關霧晴開山翠微風塵笑拂行人衣吹絲碧草
蝶搖映點樹襍花鶯亂飛客子燕歌思獨苦美
人趙璧傳相輝歲華隨意有春酌江上芙蓉歸
不歸

送劉貽哲出餉宣府因攜少婦過汝南歸

華山續婦

懷人促別思紛紛錦帳青臺醉欲曛雪唱自傳
孤鳳曲陽和初入九龍軍春歸草色雙嶠雨家
住芙蓉半岳雲獨恨汝南劉碧玉也持西笑逐

夫君

○ 劉君東下第歸西昌

萬里乘春幾度逢。每逢相見不從容。燕臺自說空羣馬。仙縣何當起二龍。風定扶砧催木葉。月明歌棹倚芙蓉。看君未有清寒色。湛露零空酒正濃。

和荅帥思南

春鶯出谷草萋萋。關右傳書喜欲迷。東箭晚隨霄漢北。南冠今滯夜郎西。叢臺氣色連滄海。淑浦風烟接朗溪。具道故人能鳳舉。那知郎吏欲鷄栖。

送張蓮濱曲周

張君雲川人其尊公名御史大夫也

白蘋風色起吳中。仙令飄飄赤縣東。醉著幅巾宜畫史。閒抽寶瑟付青童。漳河樹影邊陰盡。碣石蓮開海色空。便合政成歸攬轡。漢家知有舊乘驄。

荅君東天津夜泊

津館蒼茫別未曛。滿簷秋色爲思君。風生積海

連山霧月落長河半樹雲欲睡動尋千日酒憐
香真惜十年薰如何咫尺關南道只似江空與
鴈聞

聞蘭谿令謝客戲贈

積阻風霞滿大鄆河橋春色迸垂楊桃花片峽
迴龍影蘭葉深溪飲馬香日氣遠銷金碧路風
光半在紫巖鄉從來仙令多遊覽漫道鳴琴不
下堂

書郭武郎畫扇

冰雪汾陽下越鄉幅巾春雨憶遊梁曾從粉署
移仙尉似借籌邊入武郎珠客淚綃分海色玉
人裁素寫秋光愁予獨唱高齋夕月露風多河
漢長

送林廷任之進賢便歸閩省

神君出宰謝林巒鼓角乘秋入建安待唱白華
留客醉卽看青雪照人寒江聲暝合風雲路縣
影晴分日月灘莫便河陽嗟宦拙爲儒初着進
賢冠

送劉子極歸餉蘭州

劉生西笑出蘭州
餉道封軺卽晝遊
鴈勢連雲侵岳影
蟬聲隔樹見河流
龍門泛雪誰邀賞
騎省吟秋我獨留
生長羌中慣橫笛
落梅疎柳詎關愁

于中父餉蘄邊便歸金壇

雲陽仙吏玉青葱
泛酒蒸桃不再同
少府金錢行餉北
長城旌吹護歸東
秋山馬色河流外
古戍蟬聲木葉中
日北偏門道
遠幾人長劍在

崆峒

送周鄞縣

座師余相國家鄞也君便道歸湘潭省其兄方伯毅中君

秋盡明州見海槎
郎官星裡帶長沙
並遊蓮府看偏入
暫向薇垣去莫嗟
谷口鳴騶開積霧
潭心側棹倚輕霞
佗山一種河陽色
并是清湘棠棣花

送王當世理台州有懷天台勝寄乞縣不果偶及

霞城西影日飄飄
君向中台躡絳霄
避暑早辭

王荅堂集選 卷九
河朔歡迎寒初下渭陽朝春旌氣色溫陵近秋
筆風霜海國遙肯借車安容岸幘不妨吟岸赤
欄橋

蔣蟄父宜春以文履繡胸留別却謝

出谷鶯啼思上林美人持贈惜離心雲鳧朔映
文章重瀉渤波開彩翠深平楚風烟銷別酒宜
春花柳待鳴琴知君晝舫歸朝日長聽潺潺滿
綠陰

寄馬長平理廬州

登高送目海雲東鳴鴈秋生碣石宮小吏廬江
看執法諸侯泗上待趨風鄉心欲賦梁園盡別
騎纔嘶漢苑空不惜放歌今夜好與君千里月
明中

虞惔然在告

璵瓏浮闕定星光河漢風清有報章秋水岸移
新釣舫藕花洲拂舊荷裳心深不減三年字病
淺難銷十步香刺有閒情堪弄月西湖竹色未
應涼

送李蔚元扶風

玉華仙李種原奇
晻映河陽花樹枝
物色舊逢
閑令語扶風新許
漢庭知秦中過洛歸
非遠臘裏逢春去
莫遲獨嘆文園多病
客茂陵衰草欲同時

送王正之宜陽

王郎家世出河汾
似湧龍泉氣不羣
晉代衣冠逢妙日
洛橋車馬候晴雲
春光拂綬何年會
曙色銜杯此夜分
珍重城南舊分陝
百年棠棣正

氤氳

送王淑父理廣平有懷馬長平

輕拋少室踐雲除
見說衙齋好讀書
物論幾年推蘊藉
宦情今日喜蕭疎
人行涿野砧聲外
繞漳河水葉初蚤
晚邯鄲應駐節
馬卿原愛相如

送長沙易掌故

秣陵烟雨片帆收
燕子江邊一醉遊
白石滄浪隨意晚
青莎雜樹幾人留
星光夜發長沙渚
雲

氣春銷古玉州舊愛楚騷應暫掩由來此地易
悲秋

送沅州衛叅軍懷計辰州帥思南

叅軍萬里赴沅辰玉井丹砂與護身人吏到州
看漢節鬼方爲市有鄉親黔陽太守徵書晚徼
外書生碧草春臥向武溪殘笛裡始知爲椽更
宜人

懷姜宣城并贈馮易州兄弟

春遊曾入謝宣城見說馮家好弟兄閣道飛霞
延夕賞水陽鳴鴈送春聲久無長袖能留客暫
有高歌可和卿幸好燕昭舊池館幾人來去得
攀荆

送朱應春平湖

御溝垂柳餞金羈年少爲郎事事宜醉倚蜀絃
歸去晚閒歌越棹放行時春開雨氣隨龍母秋
盡烟光識島夷取次花邊一留賞君看墨綬已
如絲

送盧少從馬平歸東粵

難將試劇比投荒二廣風烟似一鄉雪署送歸
歌宿莽風津奏發傍垂楊沾衣海色昭潭盡遶
騎春光鬱嶺長會見府朝收迹遠握中懸壁自
生光

送林志和巴陵

棲鳳城南散紫氛雲陽宮北蚤離羣晴拈碧草
占春色醉濕青裘動海雲梅嶺襍花催漢吏紫
壇芳月映湘君清清最愛滄浪水風定漁歌入
夜聞

送陳仲道餉延綏歸嘉定州

司馬西遊賦筆閒相將蜀道出秦關鄉心歷落
焦原上河色蒼茫斷磧間騎影甘泉魚乍躍塞
雲高館鴈初還海棠香盡歸休晚解道栽眉似
遠山

送陸震卿大行祭韓藩歸吳

碧海初消玉樹烟陸雲風色最冷然王人素帔
東堂會帝子珠衣北地傳隊露盤中開日影欵
冬花裏送春年星軒到處堪留賞莫負周旋路

八十

送李獻可賚馬價薊門便攜家歸華山余與

李君同是沈几軒先生門人也

休文池館映青衿每話三秦動我心騎省晝移
宮樹綠客窻秋夢岳蓮深佳人在鼎歸鴻曲國
士先馳買駿金為過薊門人馬蹄冰雪正

難禁

送李明瑞歸華州因餉兵寧夏

來去家門路六千朔方還寄華西偏春風旅鬢

臨邊草夜雨歸心染岳蓮宅近關門宜謝客
留郎署足棲賢還朝若問鳴沙戍自有秦

渚泉

送楊太素中書出祭趙府

春官玉節付羣才獨遣楊修鄴下來襍被自留
琴客語離筵偏為酒人開梅風曉角催寒送花
月春帆截浪迴見說趙王能好易相過應不話

叢臺

和荅南城梅公

紅泉碧礪舊仙壇曾盡梅真幾日懽城闕署歸
春醉晚石門人去鳳飛殘山中月氣清蘭佩河
上風流映竹冠獨道丹霄寧長價十年初入漢
祠官

送牛光山暫歸涇陽

峩峩西嶺映參差小坐高鶯出欲辭獻歲客殘
同署曉兼春人憶踏花時池陽荷鍾分新雨烟
水橫琴寄晚颺仕宦向來多曲折君心惟有直
如絲

奉懷羅先生從姑

杖底山河數點烟真人氣候鬱羅天蓬壺別貯
生春酒京洛傳看小字箋鶴唳月鳴珠樹裡漁
歌風色杏壇前也知姑射能冰雪誰道汾陽一
窈然

送譚侍御歸茶陵

侍御疏閣中故有絲綸簿為大璫竊去觸璫詔

旨切責問出何記御史臺為言竟謫歸

惠文冠影正冲飛自點秋霜拂繡衣江漢有人
雄畫省絲綸無簿愧黃扉遙帆半落湘雲盡疎

三石齋集卷九
磬全分嶽影微不道清時容臥托草堂猿鶴似
依依

送伍給事謫萬載丞

年來清奏出陪京每向秋江送客行給事舊從
關令尹爲丞新失漢公卿星通百粵蠻差少地
接長沙濕較輕自是世情能物色不妨黃綬去
逢迎

江上逢龍使君話沅辰事有嘆

續初月

吳楚舊經過秋風北固

留長嘯夜月出飛入短歌涉世始知愁宦拙過
江真作苦情多深杯莫話壺頭事浪迫迴鳶看
伏波

送魏光祿便過歸覲

光祿前爲侍御
時哭其弟茂速

幾逢清論得深過爲喜遙遷柰別何子舍春懷
殊未淺人琴秋恨不宜多青驄氣色連三署鴻
鴈風聲隔九河盡道太官無可獻梅羹今日在
調和

聞姜別駕守冲遷守不知是滇是貴問之

姜君前戶部郎以忤江陵相謫

潮落錢塘秋鴈飛荆南遊子露沾衣爲郎白首
遊湘岸別駕今年在海沂似向點蒼分雨色可
當金筑散晴暉知君不似南中估要使人知漢
吏威

送王可大遂昌

鳳起吳閭向越飄折風高闕映岩堯郎官墨綬
纏星氣仙縣蓮花背海湖琴曲夜聲雲母碓農
歌春影碧欄橋看君知何日北輕輿爲候飛鳥入

漢朝

送葉鹿吳明府

君家名德稱清華此縣幽奇似永嘉仙令出關
分雨露才人作伴領烟霞疎山月落晨趨郡福
水雲深晚放衙風俗舊多遊女思不勞城上更
栽花

寄右武滁陽

奉常東署黯離居賓從逢君興有餘夜館聽歌
迴騎曉春城中酒落花初山當拄笏時看馬客

王荅堂集選 卷九
過濠梁獨羨魚最是隔江楊柳色鄉心那惜數
行書

送黃觀察雲南

觀察解親
多南中賈

北門都水歲清寒萬里南雲映法冠乍許鄉閭
來問俗獨憐妻子不之官秋山月落雲旗出絕
徼花當露冕看見說南中稀酒米數杯行色爲
君寬

赴傅觀察宴先向西城夕眺

新權折簡赴西城云屢猶虛左席迎暫去樓中
看夕影颯來池上聽秋聲山光積翠晴猶拂露
葉流珠晚更擎月出定知陪一醉恰留懷抱與
君傾

約謝吏部先九日同令弟友可伍山人仲
元造池上

謝郎高臥聽西池樓外風翻滴露枝道有山人
能勸酒不妨家第一圍碁三江白鴈來何蚤九
月茱萸興莫遲正恐登高見籬菊落英先發楚
臣悲

新歸偶興

越江初服映春絲深院爐香隱几時雨氣夜薰
青菌出烟波晴浣白鷗知道遙正自投窮髮混
沌何須與畫眉最好東陂事田作農歌幽谷遠
相宜

雷陽初歸別樂少南文學文學故從其大
人之燕歸青雲峯讀書談予所居北垣廻
武曲東井映文昌為勝漫云

然橋外直星文萬里春銷瘴海氛有客聽歌

來淥水幾年相見在青雲芙蓉小築秋將老菊
蕊孤尊暝欲醺却笑黃金臺上客汝家那得望
諸君

約造謝家池不果高卿便有和作復次

前韻

何曾一造謝家池想象黃花發幾枝漸老荷香
須送酒兼清竹所隱彈碁落葉夜催蟲候早遠
天晴覺鴈來遲登高發興尋常事未必山川使
我悲

高大僕九月三日天水姬生弟八子戲贈

沙井熒熒映子星時維九月自生明春秋興欲
來高子遲慕心知有趙卿秀發芙蓉人就館清
歌子夜月臨城香杯正滿東籬菊爲看成林桂
樹清

八日謝公池宴二首

已覺秋光滿戶庭芙蓉一朵正清泠簾前夕照
烟霞紫座上林霏帳幙青袖拂暗香荷葉徑杯
搖明月水心亭不辭爛醉黃花枕明日登高也
似醒

莫悲桃李散春烟且向西池學採蓮客興浪隨
碁局點秋香那惜酒杯傳花開木末紅宜笑鳥
下波光白可憐是好登高趣明日遠山洲渚正
晴天

九日東樓宴卽事

菊花高節晚相邀靈谷紅泉氣色遙睥睨東樓
連桂館軒轅北斗正星橋金燈映月寒猶薄紗
帽臨風興欲飄歲晏崢嶸一杯酒恰逢搖落聽
吹簫

小閣

新秋小閣淨炎氛徙倚歌聲隔岸聞郭外青山
纔薦爽坐中芳草莫辭薰烟空雨色搖斜日江
迴芙蓉度彩雲竟日淹留那不極白鷗秋水正
為羣

西陵夕照

紅泉碧磴舊追攀臺榭參差金石間海色乍收
天外雨晴光忽動水邊山清秋積翠雲霞淨盡
日幽芳歲月閒爛熳尊前隨意晚欲乘明月弄

滄溪

送何生海寧僧歸寄青陽諸弟子

懶向平昌一放衙昏朝隱几是雲霞何妨客醉
仙人館只似僧來施主家獨夜月中思桂子幾
年江上數蓮花春光入坐能多少未必扶風冷
絳紗

送於掌故宰彭澤

香爐晴色映江關鹿洞花深講席間望氣可能
逢令尹折腰須是向人間經知彭澤天多水坐

王右軍集選卷九
厭平昌月滿山向後登高一壺酒不知叢菊幾
回班

送周掌故遷掌寧都教事歸于越與彭澤
於明府同西

平昌紫閣映青牛石碓雲春夜幾秋拜命喜同
彭澤宰之官能得故鄉遊雙江鴈泊涼初起七
月驪歌火欲流曾過寧都美風物此中多桂近
炎州

麗水十景

翠潭

括蒼蒼色正江南下有嬋娟百尺潭似與空明
沈翠碧應開倒影映晴嵐寒餘洞壑生烟渺雨
過瀟湘暮影含獨嘆侍臣青鬢晚春衣點染思
何堪

青室

曾羨軒轅架玉臺鬱葱佳氣與徘徊簷楹舊向
垂蘿密戶牖新從鑿翠翠開便學東華迴霧靄何
如少室倚莓苔憑誰更借芝蘭色三徑青青許

看來

桃源

括蒼山裏一桃源似楚桃源較不諳春色也知
浮澗曲美人還似憶湘沅不知晉世今何得欲
向天台未敢言蕩漾東南好溪水折腰終此寄
田園

竹嶼

也無孤嶼似江心祇是崔嵬寄碧潯箭竹迥臨
星瀨曉括蒼分與麗城陰春如鼓吹山明翠秋

似瀟湘水氣深曾住縉雲古仙子此中長嘯鳳

鳳音

琴石

東溪一枕隱飛湍青碧琴牀水面安色映湘靈
閒弄好韻深方響欲浮難波間漱玉清誰訴洞
裏流泉冷自彈日暮更為金石奏迴風吹作水

仙寒

釣磯

一片清寒大好溪好溪真有釣魚磯應須咫尺

通巖子只似尋常在會稽
莎笠雨飄垂柳岸釣
絲春惹落花泥無緣更直江潭
客白露時飛
竹西

虛廊

小小逃虛向赤霞連廊千步亦無涯
簷前細韻
山寮竹檻外長飄水碓花四注空濛雲山宿一
方清冷月西斜深歌響屐曾誰到來去蕭蕭說
暮鴉

響瀨

溪惡何須到永嘉高灘勢作鴈行斜
崖泉隱枕
吹寒碧山溜迴春吐紺花避暑烟雲流漱玉入
秋風雨帶鳴沙蕭疎靜日松濤起長似高齋聽
煮茶

峭壁

增城大壑幾曾逢積翠搏空此路重插地似應
連海影垂天真欲礙雲容晴籠薜蓋朝烟澹溜
拆苔斑晚氣濃咫尺飛禽不來往何人面壁正
東峯

崎巖

海上歸雲下石帆
嵌空留此夜明巖
幽生洞壑愁龍語
迴轉餘花覺鳥銜
倒影暫能熒翠碧
迴風長似入松杉
闌干溜迹封苔遍
道有天書在玉函

玉茗堂集選卷之十

臨川湯顯祖著

友人黃立言選

七言律

送連孟準餉薊兼歸穎

中嵩片壁自連城種玉田邊餉七兵鶯集久拚
燕市醉鴈行翻作薊門行崆峒絳節朝雲拂渤
海朱旗夜火迎到得一輶回漢吏吹臺秋盡草
烟平

送劉侯如司理金華

曲江花雨半垂簷紫閣青尊夜未厭陌上風雲
籠去馬越中山水鏡行幘香吹梅渚千峯雪清
映冰壺百尺簾道有泉源堪種秫只應留着醉
陶潛

臥邸寄帥思南

臥病高齋倚葛巾陌頭何地着清真晝長門簿
添過客夜短窻紗減侍人西郡酒泉那可乞南
城冰井復無因惟堪夢裡期心賞竹箒花溪過

酉辰

送劉襄陽

百花高宴雨留連五馬行春二月天耆舊到時
分笑語遊人偏處是山川南行趙國邊陰盡西
望巴關楚澤連莫學君家前郡牧禰衡相見不
相憐

送戴孝升之萬縣

桂苑香銷碧樹秋彈碁尊酒興難耐那愁萬縣
之官遠自言三巴景物幽雪色鴻冥開臘騎江

王荅堂集選 卷一
心魚復浪春舟芳臯到日逢新雨無事西華送
督郵

送吳太原

才名真作漢田郎十載懷君江水長自擬斟蘭
陪漢署誰令剖竹動河梁恒山郡勢連襄國孟
渚鄉心隔太行今日延陵真適晉聽歌蟋蟀思
難忘

送汪生

寒貂易水過冰澌抱劍懷書去莫悲折柳灞陵
聊盡醉落梅羌笛未禁吹揮戈見說迴雲氣疊
鼓聞經破月支歸去陌頭看傳鄧東方千騎亦
男兒

京邸移居別東隣郎舍

喬林春鳥接宮牆道是錢郎并沈郎庭翠便成
交讓木窻虛暗度碎寒香顏公醉譁寧妨靜顧
愷聽歌不厭長別去那堪重唾井曾從東壁借
餘光

送徐敬輿之任浮梁暫歸蘭溪

寒郊烟影散春旌
列宿河梁望不輕
劉向早傳
蘭署業阮咸堪醉
竹林情舟經浦口
齊雲宿縣
到池灘遶月行
不用蘭川將酒去
王甌春茗會
人清

送殷無美夷陵

桂樹山中難久淹
喜從京國動行幘
鄉心送客
河淮盡風物爲宮
楚蜀兼岸隱竹枝
歌裊裊峽
連明月映纖纖
才名四十宜公府
長笑儂家短
後髯

送吳司簿朝正

長年美氣屬天正
玉珮全充使者行
謁帝早辭
陵下路先春人報
洛陽城鷄聲北闕
雲舍曙馬
首西峯雪似晴爲
道寢園初荐麥思
君旋旆漢
西京

范敬之醉後有深語醒之

江上殘潮氣不平
過逢郎吏醉藏名
沾花夜雨
留懽曲搖蕙春風
起怨情過夢杳隨
雙闕迥投
心差覺寸珠明
蕭疎半榻容高隱
慙愧栖鴉接

鳳城

夕讌吳駕部署中

銀燭驚風颯玉杯齋餘乘興一過陪松間荐茗
厨烟近竹裡彈碁幔影開客思甌閩能賦海鄉
心吳會欲登臺懸愁鴈後仙郎別犯雪誰邀看
早梅

送陳司勳兼柬魏劍泉李于田二吏部

聞君奏最出江陽相送那關吏部郎大有旌旗
臨別館可無杯酒盡同鄉新波泛鷁鷺楊色舊
路乘驄苜蓿香幸好洛橋名勝在肯將花鳥逐
年光

送何郎入對

置酒臨臯日影斜參差鳴鴈起晴沙休教興淺
青門柳卽漸春深紫禁花三殿雲霞邀麗藻六
朝人物映輕華郎潛未說江南好遲汝乘軒一
過家

送梁興古暫歸東莞并寄袁萃霞貴竹

每聞深論欲過從恨別靈山幾萬重瘴嶺人才

多伏驥清時選法似圖龍鄉心自試檳榔驛客
路還過紫橘峯更說白人能賣劍不妨樽俎勸
春農

送汪雲陽計部賑秦

中原岐路出三鴉獨夜星軺望五車歲氣未占
河上草春情難繫洛陽花西都陸海從誰問南
部風烟亦自嗟爲報連城諸從事肯將金粟到
人家

送路鞏昌

名都太守出三齊人地風華映執珪曾過汶園
春霍霍幾年吳署草淒淒干旌半拂花池柳佩
印全封紫水泥賓舊宴餘留綵筆相思無那隴
禽啼

送徐司廳歸越

畫舸悠悠蕭鼓聲石蒲尊酒映人清坐隨明月
江中賞歸向山陰道上行暑路獨宜驅傳早涼
園初稱舞衣輕祠郎亦有鄉關思爲報還曹及
早鶯

送蔡小儀入都

佳辰上巳與清明花氣雲陰滿客程纔向舊都
深禮樂每當高宴出才情爲郎未覺遷鶯早奉
母將邀刻雉榮極望芳臯倍惆悵送君行似送
春行

七夕送張計部西歸

久從京兆出江鄉秋興能過漢署郎高韻隔離
纔佇賞疎花別墅稍聞香衣冠勝氣留南國砧
杵鄉心入太行無事佳期逢七夕偏歌遊子上

河梁

漢西門樓春望

江闕風烟積望遙縈迴花鳥續春嬌誰今澹蕩
芳心起豈惜氤氳淑氣飄巧笑步歸沾暝色遠
帆飛落映晴潮青軒露靄暄桃李琴曲金尊付
此宵

送錢常州歸覲

玄湖仙署發雲霞旌旆翩翩出二沙浪說故鄉
同宦侶那堪尊酒送年華驚春笑拂河陽柳入

洛回看江上花他日高齋能憶汝蘭泉新試爨
溪茶

送徐諫議辭越憲歸宜興

君歸不作老明經似有封章在漢庭忽報天台
行部遠却憐陽羨故山青香添書閣傳經罷雨
洗春泉宿酒醒莫厭此身如病鶴年年還得戲
沙汀

送趙國子倅湖

天水名家鄉里賢西山秀色滿雲烟並遊南國
歌風地爲想春江泛月年芳樹送歸臨極浦梅
花須折向長筵不知松雪齋中帖能似蘭亭照
雪川

齊山秋眺

相國風流出刺年池陽幽色在南徧烟華欲暗
蒼龍峽石笋長飛苗苗泉洞壑芊綿還自出亭
臺蕭瑟向誰懸不堪遊子登臨意長帶秋江鴈
影旋

永嘉送客遊金陵便謁王恒叔參知濟南

江上移舟汝亦聞能來幾日思離分高歌欲下
龍翔雪遠勢能飛鴈蕩雲遶夢落花消雨色一
尊芳草送晴曛遊人自詒江南好直是東方有
使君

縉雲仙都朝陽洞

雲霞近括蒼層巒洞壑起朝陽天衣炫碧
丹竈流珠飲日光上界鷄鳴連赤海中
峯樹影帶扶桑軒君正作遊華夢起視咸池鬢
未霜

送宋崇陽暫歸蜀都

楚天風物半臨湘冉冉飛鳧別鴈行雪色西峯
含照久歲華南浦逗歌長欲將家口過明月且
緩離情餞夕陽暫與登高憐宋玉年來江漢滿
秋光

過曾贈公舊第時參知君在秦

天語春過紫鳳飛廬江太守倍瞻依因通筆墨
稱才子自展杯盤借落暉抗壯那知交態淺沈
淪初覺宦情稀沾襟不盡高堂淚公子秦川客

王荅堂集選 卷一
未歸

平昌得右武家絕決詞示長卿各哽泣不能讀竟罷去

哀響秋江迴鴈聲
雨霜紅葉淚山城
年來漢網人難俠
老去商歌客易驚
貝錦動迎中使語
衣冠誰送御囚行
長平坂獄冲星起
可是張華氣不平

和劉季德平昌一葢樓撫琴贈別

爲領佳山到却回
石門南望卽天台
鄉心度嶺梅難寄
秋意登樓鴈欲來
疎竹風泉長自遶
一燈花雨向誰開
無因並汝江湖外
浪柅琴歌酒數杯

寄樂石帆

鶯逗湖南烟雨慳
吳江夜語孤舟閑
山深薄酒易醒醉
天遠輕舄難往還
作縣真如懸度國
遷官欲似飛來山
子公帝城能隱否
下馬常眠雙樹灣

送姜耀先

偶爾封書去海涯
烟霜長是惜容華
卽知張緒當年柳
正作河陽一縣花
堂上琴聲淒綠水
樓前鍾梵起朝霞
思歸欲似西園語
相送河橋日未斜

簡都下友人二首

平昌四見碧桐花
一睡三餐兩放衙
也有雲山開百里
都無城郭湊千家
長橋夜月歌攜酒
僻塢春風唱采茶
卽事便成彭澤里
何須歸去說桑麻

偶來東浙係銅章
只似南都舊禮郎
花月總隨琴在席
竹書都與印盛箱
村歌曉日茶初出
社鼓春風麥始嘗
大是山中好長日
蕭蕭衙院鎮焚香

達公舟中見本如明府喜月之作

世外人應見面難
一燈高興石門殘
生波入檻浮春淺
細雨橫舟濕夜寒
彼岸似聞風鐸語
此心如傍月輪安
不知天上婆娑影
偏照恒河渡宰官

吳敬父談處郡佳山水欣然

此郡高居接少微
郎官星裏送餘輝
江天直下雙門近
海寺東來萬法依
洞滿朝陽雲乍起
樹懸春雨鶴初飛
因君得附雙鳧影
未笑吾兼吏隱非

送徐生歸平昌

少年何意得追隨
夢到琴堂亦自疑
江寺龍翔眠雨夜
天台鴈蕩聽泉時
留連世路青雲曉
搖漾春波白鳥知
他日柴桑歸醉後
筍輿相伴五

男兒

徐生歸寄聲告父民

好在平昌舊吏民
如今江表一閒人
承明再上三年計
列宿曾班五度春
戶外烟霞迴簿領
琴中山水寄精神
秫田種後何人醉
長笑先生漉酒巾

荅周松陽

長松冉冉月紛紛
夜半瀟湘流水雲
夢去河陽花似遠
興來彭澤柳初分
冠拋那用題神武
飯

足誰教到廣文最是折梅春棹裡相思時許和
歌聞

答范南宮兼懷曹尊生

南宮幾歲得為郎曾伴飛鳧入帝鄉薄莫縱歌
燕市酒青春如坐少年場萊蕪作令堪誰語子
建為文亦自傷况是折腰過半百鄉心早已到
柴桑

戲荅華三石建亭之問

墮淚書開淺亦濃訟堂春草碧丰茸看山忽憶
排衙鼓玩月時分出寺鐘政與棲鸞同恍惚夢
因為鳥得從容何當更說征南事没字碑中有
得儂

初歸

幾年清夢有長安不道臨川一釣竿雲路試留
仙令烏泥左初着遠遊冠樽開竹葉風前笑檻
點花枝雨後看直是故人拋未得欲開三徑與
盤桓

憶德園

爲驪超逐有情神樹脫花飛欲墜茵便作掛冠
成下品休將蠟屐試高人山資似覺妨賢久酒
債何當發興新忽憶西湖舊烟月虞卿席上半
絲尊

憶真父并其高弟羅玄父

文談尊酒興淋漓蕩漾黃家千頃陂紫氣山中
雲臥久清寒湖上雪歸遲秋風客思尊千里夜
月天香桂一枝爲問維舍春好在後堂絲竹醉
同誰

次吳明府

五柳初歸鬢已班折腰真是強爲顏早知負郭
賓遊滿得似關門令尹閑風散墨香詩卷賸雨
吹花落印牀怪猶嫌太史占雲朔肯放仙鳥倦
鳥還

送王郎歸盱并問登州使君

隴麥離離朝雉鳴偶然幽谷兩鸞聲鄉多載酒
來青舫年少遊仙自赤城彩筆夢移波浪穩長
廊春送雨花晴因風一問蓬萊守曾傍麻姑清

淺行

送傅觀察東川

卜築原知是列星幾年爲夢入丹青兒童舊愛
巴人舞神女初過楚客醒遂有風雲生絕壑豈
無車馬係離亭鄉思錦繡州前月肯寄書生銅
柱銘

傅叅戎平倭過家有作

提戈萬里破林胡袍血初乾寫戰圖壯氣凌空
貂拂座秋風入塞鷹銜蘆扁舟小隊趨懷玉杯
酒高臺傍鬱孤忽憶書生舊投筆與君搥碎碧

珊瑚

送劉叅藩南粵

曲江春老賦凌雲病淺臨風一送君暫有公榮
宜對酒那堪孫楚卽離羣將餐楚菊逢秋盡細
語霜鐘入夜分待折梅花相憶否嶺南時有鴈
聲聞

同黃孝廉太次夜坐懷戴司諫

戍客名標漢柱無武陵悲曲寄門徒夜疎雨露

王荅堂集選 卷十 五
過梅嶺漸許秋風入鴈湖地氣遠看猶戴斗天
心難問欲還珠直恐登高易顛顛木蘭坡上片
雲孤

送葉時陽嶺外歸平昌

幾從山縣聽琴聲君子堂中禮樂清老去一官
成浪迹客來千里見高情梅花嶺外裝仍薄鴻
鴈春歸別未輕向後獨山風雨夜相思時有夢
魂驚

葉時陽歸書似時任

山歸百事總忘情獨有恩仇氣未平莊子傷來
魂易斷微官拋去路難行三年兩度同悲喜千
里孤征看雨晴得借路符堪往返獨山秋有鴈
來聲

爲亡遽謝平昌諸士子

憶別絃歌泣鴈行楚山魂夢亦蒼蒼將攀滿縣
花同發何意吾家桂卽亡半死三聲無淚續千
秋一夢有情傷不知向後三生石能更杭州一
斷腸

送朱山人遊淮奉懷司空李公

楚天春色到寒崖書記翩翩動客懷
但去雲帆堪截海相思紅葉正翻堦
拚教座上題鸚鵡折莫鑪邊挂玉釵
自是公門能醉客恩波還復酒如淮

送游先民宣城訪禹金

閨與殘春三月三却逢游子思江南
杯香曲泛桃花水寶氣長飛劍影潭
隔座鑪烟分笑語孤舟瀑布過晴嵐
年來最憶梅真子浩唱同敲碧

玉簪

送胡元吉饒陽歸覲有期

五月驅車亦自憐三回來別見周旋
雖貪絳帳無多日自是文章美少年
片月夢回青雀舫好風歌送白華編
芝山秀色年年賞容易秋光玉茗前

送宜水鄭青陸歸甌寧

端居長夏息紛紜鄭谷遷鶯遠聽聞
半榻好風吹海色一尊疎雨過炎氛
丹青閣迥宜衣紫荷

王荅堂集選入卷一
玉山深引幔雲別後故鄉高宴盡不堪吟望武
夷君

送張思元文學歸渝水


斷橋官柳繫船輕年少馮高一送迎玉茗種花
閒令尹秀江紆錦待儒生當歌逸興風前滿漉
酒相看雨後清家在吟峯好秋色鴈行飛作鳳
鸞聲

送朱鴻臚使粵還朝

冰雪堂開雪碧潯蕭然有客自山陰經趨半榻
蓮花府名在中朝翰墨林河朔坐銷殘暑氣嶺
南歸負歲寒心沾襟勿憶常朝日傳唱初瞻玉
殿深

送張廣陵

淮海新恩喜復驚太行親舍舊含情心知彩袖
三年別自倚冰壺六月行江岸瀑花吹短鬢石
城秋雨送高旌相思玉茗樽前月得似瓊花夢
裡清



玉茗堂集選卷之十一

臨川湯顯祖著

友人姜鴻緒校

五言排律

送王比部北上光祿

比部以諫取
麒麟謫起

地迥羅浮色天高越秀春
湖南推妙宰江表寄時
巡氣候風雲合心期歲月
申謫官棲下雉托諷在麒麟
山木歌王子湘蘭見楚臣
稍遷司理俊再入典刑
新郞署攀留久卿才借問
頻種蘭

初命子行藥遠寧親倏報
鶯喜言調光祿珍
玄湖清帳飲陽月煖車茵法酒箴何得和美理
必均時從大官局斟酌嘆勞薪

送艾太僕六十韻

太僕以乙科爲郎論江陵起復戍起南鴻臚

世閥高臨汝衣冠起岳州精靈華蓋曉氣脉洞
庭秋江漢稱才子瀟湘托好逑儒林蒼玉滿郎
署白雲悠是日江陵相長星寓縣愁禮嫌金革
變權誤墨線留奮筆含香勇衝冠執法羞燕臣
隨伏闕楚客竟爲囚御挺驚魂落丹墀濺血流

動傳天詔獄分作鬼投幽遠竄逢魑魅銷冤矢
爽鳩秦城將急杵漢黨欲窮鉤淚濕條支盡身
拚井鬼休扶顏依枸杞作語向羗牛洗雪人難
待迷陽運忽周機權還太乙氣色隕蚩尤詔旨
須人望恩波得自由玉關歸鳥道青海發龍湫
似作雲雷起還同湘漢浮法星低照蜀明月遠
通涪復有東門恨難分北闕憂猿鳴初黯淡鶴
怨且夷猶龍影迴江郭巴雲護岳樓文章霑入
霧富貴起隨漚天在山難畜王明井必收千尋

原自直百鍊肯隨柔光祿徵能就陪臺出似遊
蒼梧蟠帝寢芳樹繞潮溝典客高情映祠郎清
燕酬如雲瞻鸞鷲似雪耻浮遊好以清琴弄時
將白簡抽何緣參世業不惜與人儔下秩依園
廟齋心隔冕旒時時分羽籥一一聽鳴球署邑
朝霞起城陰宿鳥啾才情空荏苒耆舊得優遊
翰墨飛長紙壺觴引薄修忘年過灑落浹歲語
綢繆受命同嘉橘孤株感若榴看松高蓋偃援
桂晚枝樛世事留黃閣公才尚黑頭乞歸丹疏

入言佩尺書投岩壑宜專坐朝銓且七駟難心
眷蘭菊別韻起梧楸冠蓋鴻臚道干旌白鷺洲
月卿爭祖席雲從識仙舟岸草搖清篋江花點
敝裘行藏標古色出入仰前修去欲蒐戎乘行
將咏德輶鳳兆鳴鏑滿雲朔羽書稠汧渭秦非
子河源漢列侯羌胡形欲詭將相語猶偷馬穀
經年減燕金幾處求和戎虛漢物贈策豈吾謀
太白朝芒角崆峒宿踐蹂英雄懷玉劍形勢惜
金甌自可趨朝列無煩問故丘駿圖周罔得戎

議傳咸優並事今吳趙長流舊沈鄒羣公心赤
苦高爵歲華適未必參帷幙看君展一籌

同董光祿望雪漢西禪閣陪胡瑞芝武郎
鄉關望不極江漢此登臨山川照雲雪城闕動
光陰色與空門淨寒棲佛影深得從桑梓敬來
傍紫芝尋冠蓋人如玉琴尊月在林飛霜曾白
簡繁露滿青衿祠署春能入幽蘭思不禁惟餘
光祿宴清切歲寒心

高座寺懷可上人

斐蕤自公暇登眺此人同春湛禪林上人初佛
位中冥濛江水色淡澹曉雲空大地花光滿諸
天雨氣融我眉開遠照廬嶽會深裏白月東林
裏何人笑遠公

盧溝曉望

氣脉開玄朔晴霞動紫氛龍隨天闕曉虹度井
陘雲冠蓋流塵合旌旗落月分參差鎬池見隱
約渭橋聞草綉榮光繞花滋淑氣薰今朝玄灞
曲西笑益氤氳

萬侍御赴判劍州過金陵有贈三十韻

紫氣通華岳黃圖闢草萊地遙金柱接天廣王
門開雪嶺燕支逼瑤池駿足廻周王餘上策漢
帝逞雄清世數鳴沙積風烟壘壁摧弄文羞說
劍縱武怯行枚倍有金繒去毫無善馬來市和
虛內帑買爵問中台醉吏囊誰問疲儒轂浪推
虜王迎後佛胡婦戲前媒席煖戈猶枕盟寒塹
欲灰飲河清渭赤食月白星災萬里城危蹙三
公網數恢借籌沈漢幄折檻起雲臺字挾披肝
苦章飛戰血哀叫闔將展轉臥閣幾徘徊鬼謁
能煬日神奸不畏雷繡衣翻遠影封事委浮埃
墉隼掀難下臺烏落未回敵人乘障舞壯士隔
河哈朝露商君藥章江蜀漢材燕磯朝鷓語牛
渚夜星陪色笑誰雙枕心知且一杯爲開書黯
淡那覺氣摧頰角韻寒吟徹鷄聲暗舞舞催春王
回斗柄月將在河魁冰雪陰將解風雲氣似培
秦中初折柳江外與題梅去色連雲棧歸心灑
灑堆參軍髯自好灑洒絕倫才

初發瑤湖次宿方溪

病瘦那臨鏡清虛欲衣綿春糧三月外伏枕一
 秋偏吉日將行色殊方或勝緣暑過新雨薄氣
 逐晚雲鮮堂上行猶怯低牕寢似便命飄危葉
 起相濕死灰然君子能無瘡良醫幸有全月牕
 催藥杵雲戶隱書箋氣弱難扶餞裝輕得漾船
 斑爛垂池泣葱鬱舊坐憐故故隨搖曳悠悠獨
 遡沿金隄斜照落落瑤水暮風旋客夢初移枕勞
 歌始扣舷外家依方下中國向窮邊吁贛江連

峽雷瓊海隔天滄浪誰克爾岐路欲潛然星竇
 郎官遠心知宅相賢賦詩者舊引尊酒樂人傳
 鳩祝人難老鵬扶尉欲仙山川彌望積丘壑幾
 時專

尉徐聞抵家直丁侍御莊浪備兵遷越歸

覲遠遺西物却寄三十韻

嘉靖間寧夏將王翊議決水退虜

地脉陽關遠天心雪嶺高何年金狄巧入夜羽
 書勞張翊愁臨水王瓊戲築壕傳聞通通渭不
 擬過臨洮詔蜀丁都護巡秦漢節旄繡不分儼

雅團扇失腥臊古浪烏稍迥長城豹嶺牢善騎
宛白馬能送海青綠芳樹凝笳入真珠卷帳逃
雄文三楚客醉色五陵豪凍拭青硯硯春拋碧
玉搔燕支歌冷淡胡旋舞周遭獨將危班遠誰
憐放竇滔年華依贈紵心事與同袍似語長沙
鵬初漂漲海鰲三秋餘病枕萬里脫詞曹赤水
蛟龍影炎洲翡翠毛月低枝鵲遶風細嶺猿號
故國羅浮夢新州古佛毫尉留雷部隱兵過海
門操月嶼珠爲燭星岩燕拍篙蒼梧韶奏謁白
雪郢沈騷嶺樹天猶漏臯蘭漢欲塵白河迴鳥
陣青海送龍馭舞換征衣綵歸將王母桃熒熒
分枸杞瓊瑣寄葡萄遠致緘重復幽遷慰鬱陶
尊慈乘健飯越騎仰投醪春汛新移牒宵光宿
佩刀浙江秋色好兄弟欲觀濤

伯父秋園晚宴有述四十韻

伯也垂雙鬢公然一老儒釣竿嚴子瀨碁局帝
王都龍虎燒丹有瀟湘鼓瑟無武夷春歲月廬
岳暮江湖汗漫期常共清真德未孤臥遊仙裊

梟行藥醉烏烏舊試朋簪合新瞻佛座敷時時
開畫軸日日隱香爐年少誰留夢情多數被呼
月高輕點拍春睡美投壺長袖光陰遠深衣禮
數殊步趨真長者詩賦可賢乎每嘆青雲器長
誇千里駒山隨叢桂小座許竹林隅雨暈浮蒸
蒲沙根颯石蒲棘枝青梟架荷葉翠欹扶竹暗
冷蒼玉榴明迥絳珠長樓陰樹偃殘砌晚花紆
稍稍風吹鴈涓涓水沒鳧少花秋莫冷多酒日
堪晡滌口蘭英過調腸芍醬須雪絲抽碧藕波

色薦青菰屬厭全知嘆憂生忽謾吁謫遷方
渺抗疏失區區太火奔長路中寒臥薄軀病呼
天北語滯泣海南圖數過憐猶子深慈爲友于
良醫痞畧起君子瘡何俱擬作三生度驚看萬
死蘇低垂爭未路潦倒送窮途我覺才情盡尊
悲方命徂心摧虞吊客魂付楚招巫瘴入何多
幸春歸卽少娛駐顏宜大藥辟魅且靈符骨肉
欣何得江山意不渝定應添腦髓何得有肌膚
少事堪長日多財祗累患興來過咫尺老至莫

錙銖薄命隨文酒清懷在竹梧有人林下酌何
物府中趨

秋日西池望二仙橋

池上映秋光登臨愛夕陽鏡中蒲柳色衣上芰
荷香聽雨初留屐當風一據牀猗蘭延客語高
菊以鄰芳紫翠連山暝晴陰隔水涼坐看人世
小仙馭白雲鄉

西塘烟渚憶大父徵君

喬木無人問王孫有歲芳池臺秋縹緲梧竹暮
荒涼雨意青山外烟墟綠水傍祗應悲蟋蟀何
得奏鴛鴦星落少薇隱書拋大酉藏不知嵇叔
夜清嘯若爲長

陽江避熱入海至潤洲夜看珠池作寄郭

廉州

春縣城猶熱高州海似涼地傾雷轉側天入斗
微茫薄夢遊空影浮生出太荒烏艚藏黑鬼竹
節向龍王日射潤洲郭風斜別島洋交池懸寶
藏長夜發珠光閃閃星河白盈盈烟露黃氣如

虹玉迥影似燭銀長爲映吳梅福迴看漢孟嘗
弄鮪殊有泣盤露滴君裳

相圃新成十韻示諸生

禮樂在平昌諸生立射堂山形君子似地脉聖
人傍四獸風雲合三龜日月良天門馳直道星
舍翼迴廊半壁新泉煖成帷舊木蒼嘗聞殷曰
序如見孔之墻遠意桑蓬色清歌蘋藻香修容
隨抗耦射策擬穿揚有鵠求臣子爲侯應帝王
同科非爾力得雋乃吾祥

平昌報願寺鐘樓新成十韻

舊有金輪地樓傾怯曙鐘自他施抖擻於此寄
春容以下雲平壑爲高翠遶峯聲聞懸十里色
界祇三重霽晚千椎迥霜宵九乳濃空中靈響
落世上耳根逢似海翻晴鶴如雷隱夜龍花臺
遙箭刻燈塔閃芙蓉去逐香螺吼來參法鼓繁
無因報弘願長睡一惺忪

潮音閣聞李本寧參知赴闕有懷

渺渺西江水悠悠大隱林折蘭清漢上搖糶鳳

城陰荆吳連氣色湘嶺寄飛沈復此春潮望
其雲柱心弄珠如可見江月寄情深

平昌尊經閣成率諸生恭讀 御箴下宴

相圃欣言十八韻

君子猶名地周公卽有源平昌開舊館前今作
新門朱雀何飛舞靈蛇太伏蹲或爲聞地理爰
築見天根遂爾生隆棟因茲賁複恒山川夾戶
牖日月倒簷軒氣脉宜龍舉階梯此駿奔鍾球
懸聖作鼓篋付司存似謁河宗帝如招洛誦孫
橫經將吏事直道倚君恩未覺絃歌冷粗知色
笑暄自公垂勝賞于役勳高騫掌故登堂禮諸
生避席言連珠趨北斗冊玉候西崑入國傳經
教觀風展德論射堂樽俎合文囿竹書翻座繞
游蘭馥池紆采碧溫第令周士貴始識漢儒尊
喜劉溫州奏最述懷

海濶江重潤嵩高岳有神高陽才應世大雅德
宜人賜履躔東越分符下北辰飲桑驚變鳥踐
草覺逢麟律轉暄寒遞絃調緩急勻人知君子

王荅石室集選卷十一
怨戶嘆我侯仁上計盈三恐中書第一循賜金
龜紐印露冕鹿扶輪地遠將還袞天高且借恂
翔龍依宛轉蒼鹿映嶙峋况復孤危于能攀易
蘭親遠心多不警疎骨久如馴湘水誰招屈蘭
陵似老荀筆花春減舊碁局世增新下陳風雲
絕偏枯雨露均能言悲夢鳥或語應窮鱗自竄
從知苦人趨得飲醇通懷無棄物薄遇有存身
喜候鶯遷出愁將螻屈申由來星宿宰得近斗
薇春

謫尉過錢塘得姜守冲和方太守詩恻然
成韻

旅客如吳會同人在水陽笑迴花壓帽泣別酒
沾裳獻賦登梅子修文下沉郎暮雲春穀冷秋
草敬亭荒獨嘆關門尹重瞻許子將風期何荏
苒月旦正游揚暗蹀歌兒語鮮傳荔子嘗歲除
知蟋蟀情換數鴛鴦欲夢常千里相思偶一方
共持心膽素稀覺鬢顏蒼道舊才難盡看新意
易傷禮卑行授簡興劇屢垂堂擲地詩盈卷兼

春墨吐香烟霞移几閣山水過舟航語經吳越
俊色帶海雲長市筑留燕俠輿歌接楚狂白多
懷白岳兼以寄滄浪別駕誠高韻同官雅和章
朗音雙叩鍛微韻一悽鏘自愧雕蟲久還疑向
若茫文章傾禦魅意氣盡投湘罷讀塵經笥慵
書冷筆牀今朝擘瑤草還自借餘芳

奉寄李蒼門諫議并呈省院諸公二十韻
漢壁藍光遠秦關紫氣深寶蓮開華岳仙樹出
咸林夕拜連封事宸遊費雅箴國家方有道天

地得無心震位遲佳氣西師急好音如炎山少
木厥貢土惟金漸覺風謠苦長看日氣侵繭絲
抽欲盡仗馬噤難任地大誰爲政天高汝作霖
英竒才世出虛薄病年侵愧見同門友愁聞澤
畔吟越中隨奏計朝下偶攀尋繡轡承朝踐清
尊許夜斟賞新應倒屣懷舊益沾襟自合王喬
履誰分子賤琴羈孤懷荏苒朝集氣蕭森似我
誰牽復如君肯幸臨子牟留魏闕陶令去江潯
與玦虛捐珮彈冠擬合簪桑榆如薄照蘭菊待

分陰

奉懷開府曾公河南四十韻

北斗青雲迥西江紫氣連祥金聲殷地明玉氣
冲天問俗褰帷久趨朝獨坐專風雲猶四嶽朝
市必三川節制河南北光輝邾後先有開通維
鼎惟德鎮伊瀍諷納藩垣重調停氣脉全美風
歸漢汝冷雨發周田五老遊河曲諸生咏洛篇
紫臺黃閣近春色袞衣妍憶昔趨庭日多君拜
慶年早占卿月貴長御德星賢與梓危恭敬維

喬下接延戶庭風邈矣杯圈飲徒然莫報心常
絕長謠涕欲漣陽春開后土陰德見皇天珮玉
深棠棣褒綸疊几筵新恩聞欲舞舊德見猶憐
愴惻鳴琴後瞻趨露冕前自公承款曲入計謝
陶甄政布優優美恩垂湛湛鮮有心非木石無
命卽林泉涸鮒江難喚高鶯谷遂遷私懷時自
語公度肯吾捐慰藉盈書札提携損俸錢案傳
餐玉飽盤泣報珠圓煖律吹何及寒灰竟不然
一丘粗買僻三徑已隨便轉施輿梁就竣工樂

石鐫魚龍喧蟄蟄江海祝涓涓微願終何者親
知亦已焉有天高緬邈無地小翩旋舊識盧敖
士差通紫柏禪得隨乘鶴去思枕伏牛眠路指
三花直門拋五柳偏披雲嫌造次愛日許黃緣
祇恐三公入遙瞻八座聯馮陵車欲借想像榻
誰懸氣泛江湖上心銷日月邊倘陪丞相閣猶
有伯牙絃

再荅夢澤張明府二十二韻

獨有神明宰能開阜閣春清嚴常映雅微細必
依仁握篆蟠龍起臨梁瞰虎馴甘棠迴訟雀生
草入翔麟已得周南趣誰兼漢吏循山排羣玉
府江汲九星辰損價謀燕石題書許涸鱗雲天
拋逸簡世路委勞薪北闕心辭主西河淚損神
遶號孤季子攀宴偶伶倫遂涉徘徊體將延歲
月身歌憐紅袖老舞愛白華親地小堪旋我天
高肯問人市喧容色滿林殷足音頻彩歛停雲
近暄沾愛日新國風深欵領庭誥得咨詢獨立
宜公子共惟定帝臣受知因宛宛聞頌益津津

便欲噓寒草相依過瑞筠三思冰雪阻載笑語
言伸隱軫聽鶯谷商量步驥塵幾時臺閣裡風
一起青蘋

送南太宰趙公致政歸餘姚

鳳德咸尊岳鴻軒忽麗天舜田元自美趙壁本
來圓蚤遲登槐日曾瞻聽棘年陪畿優德鎮六
尚仰平筌太宰真留後維師定掩前清朝成愷
悌薄俗避華妍疏謝寧標節敦留是惜賢鶯花
攢別帳見藻媚歸川華首終彌耀丹心詎改懸

寄言瑣池客都此看神仙

與劉浙君東

鄰近無千里交親有十年花林恒共蹴草榻並
曾眠世路銜杯裏韶春把鏡前關河連紫氣雲
霧滿青天座有寧馨語牀空阿堵錢丹陽汝孤
往白下我悠然南士爭攀柳西娃正採蓮遊人
如漢渚公子似秦川媚影皆馳賞攢心別可憐
松毛閒玉塵竹筴代金蟬地氣經南薄天心正
懸鶯花三月晚貧病一生全上藥終難就勞

已燃塵情多擺落芳意久連綿入水將圓
佛三子欲候仙題書寫微尚會獎卽冥筌



玉茗堂集選卷之十二

臨川湯顯祖著

友人姜鴻緒校

七言排律

奉贈趙宗伯二十韻

天水璇源鬱上宗
王孫真氣接吳淞
干霄蚤映長虹色
隱海全窺大壑淙
池上白龍浮冉冉
河陽金鳳出噤噤
名傳漢殿收竒藻
氣坼星台發副封
睨柱衆驚歸趙客
涉江兼得唱吳儂
徵書

北闕紆蓬苑祭酒西都領辟雍通籍舊叨延杖
履奉常新入聽歌鍾得臨南部山川美幸與春
祠歲月從列宿乍沈方朔隱平津偏怯故人逢
纖纖玉井含秋氣忽忽甘泉奏夕烽丞相憂邊
能宛轉君王馳傳欲春容仍懸禮樂推尊俎幸
好精神借折衝積霰戔戔山嶺桂餘風謾謾澗
中松年華極目催三秀春草歸心畧五茸未擬
經筵臨白虎先看畫室正銅龍光輝自合重明
麗恩澤長分湛露濃雷轟十年逢少海雲攢四
岳辨中峯服肱漢室丹青事羽翼商山雲壑隣
相國門前瞻玉樹懷人江上寄芙蓉獨憐郎位
鍾陵下霄漢遙遙望九重

荅李郴州乞雨蘇仙有應因憶與高太僕
謝友可吳拾之夜遊時謫徐聞不得過柳
爲恨耳

秋水洞庭波渺渺春年林墅柳毵毵謝生豈可
今無一與子爲歡月有三怪裏新粧能達曙興
中餘酒必留酣君憎太僕楸文局我愛吳卿碧

玉簪幾度笑歌迴夜渚何年別淚隱晴嵐之官
楚曲遙連桂問俗衡州喜種藍似有青牛隨李
叟久無白鶴到蘇耽不知雲漢歌能苦爲許山
川雨作甘罷舞香雲連下鶴初飛靈雨應隨驟
歌風文學諸生有爲政神明自爾堪歲在春曹
誰不美古稱仙尉我猶慙今歸幾問湘源北昔
去初過瘴嶺南桂水所思能晤語韶陽歸興失
窮探三春倏別何情切千里傳書得面談更欲
蒼梧一來往不堪憔悴向江潭

嶺外初歸讀王恒叔點蒼山寄示五岳遊
欣然成韻

封章瓊闥移晨病世事陪都接夜談芳草遠山
萋以碧暮雲江水翠於藍風光掩映難留臥官
興蕭疎許放叅燕趙金河餘氣色瀟湘桂水出
晴嵐文殊月到仙臺午珠樹花偷少室三石鏡
峩嶷過蜀客衡陽鴈影入蘇耽青妃出日峯前
笑玉女明星掌上探委羽鴈湫三竺下點蒼鷄
足五雲南雲霞踐陟君能勇碑版窮搜子亦貪

自我園陵沾耐飲爲郎漢署得香含傷心有客
梅難寄生意何人樹不堪瘴嶺夜珠迴合浦臨
川小築寄香楠時時采藥仙華苑稍稍拈花佛
影龕也學素封千樹橘還留中婦一眠蠶閒遊
幾地思公子婚娶何年到小男舊有浮丘雲作
蓋能無子晉鶴爲驟霞城欲賦誰權賞蕙帳重
過省愧慚蠻部碧鷄光縹緲昆池神馬暗趁趨
諸公且看青樓筆未老那抽綠玉簪獨怪登高
易憔悴不應漁父堯湘潭

十二卷 終

玉茗堂集選卷之十三

臨川湯顯祖著

友人姜鴻緒校

五言絕句

秋江

暝色際江海懷人春望來
瀾瀾波月散颯颯漁火開

偶成

鴈影金河盡梅花玉管催
江南望春色獨上鳳

鳳臺

遷祠部拜 孝陵

寢署三年外祠郎初報聞臣心似江水長遶孝陵雲

聞 聖躬調御有感

帝母親調藥千官想御門鍾陵無限色今日聖皇孫

送汪主客

酒寒須別君燈火欲紛紜今夜籬門月殘年江

上雲

上巳日遊牛首登寶塔

天闕雲霞起吳都烟海迴凌風飄綠袖招得幾人來

又登文殊閣

花岩藏地古珠塔湧樓平何似登龍首居然俯漢京

上巳後二日遊幽棲寺

百日齋初過三春綠已齊披雲眠佛窟殘屐到

幽棲

遊獻花岩芙蓉閣

木末芙蓉出花岩草樹齊陵高諸象北江白數
峯西

住鷲峯寺曉起同夏正之

拂衣蒼翠堂雲光滿虛闥後臺臨雨花前亭生
木末

曹溪

以下多嶺南作

熱海行難到黃梅渴未沾無因四千里分取一

杯甜

子篙灘

落日從中挂烟霏生暮寒山含濛濛驛波瀉月
華灘

凭頭灘

南飛此孤影菁峭行人稀鳥口灘邊立前頭彈
子磯

瀉灑灘

瀉灑英州路中藏彈子村澄潭叠屏嶂巉絕兩

天門

觀音洞

山似普陀小人依大士清洞中金碧嚮門外摘
笥聲

翻風燕灘

掠水春自驚遶塘秋不見漠漠浪花飄一似翻
風燕

浪石灘

雨濕滇陽暮風鳴浪石寒鷓鴣飛不起橫過釣

絲灘

大廟峽

縹緲香爐峽雲祠山翠中蠻歌聽不見叢竹暮
江風

登飛來寺右絕嶺

極目縹旛外飛峯并欲翻日光榕樹嶺青色大
蓮村

迴岐驛

寺遶飛來興江流清遠思五羊從此去定是不

迴岐

五羊驛

五色紛何異蒼茫白石間
不見騎羊子手持香穗還

廣城二首

臨江喧萬井立地湧千艘
氣脉雄如此由來是

廣州

書題小雪後人在廣州迴
不道雷陽信真成寄落梅

湛林

昨夜騎羊驛今朝鹿步來
百年無湛子間殺釣魚臺

惜東莞祁生

誰能意氣淺偶爾烟花深
今日羅浮子來傷江海心

荅崔子玉明府朱明洞翫遲不至二首

玉洞憑高枕朱陵坐欲曛
羅浮窺日早還待躡飛雲

到門反景薄極望青霞開海上神仙令能遊仙
尉來

至月朔羅浮冲虛觀夜坐

夜酒朱明館參星倚戶開梅花須放早欲夢美人來

羅浮上簾泉避雨蝴蝶洞遲南海崔子玉
不至四首

朱陵雲欲冷白石歲將淹風雨看今夕懸泉始
上簾

老人峯可接洞裏吹雲葉只是雨花飄片片成
蝴蝶

洞中隱風雨夢蝶愁飛舉美人濕不來暗與梅
花語

老人雲忽聲森冥雨氣遠風色上簾泉留連下
山晚

番禺江上七日長至二首

珠海半輪月炎州玉管灰江關問行旅還被一
陽催

不能趨舞蹈聊自展衣冠日影隨南至天心向北看

南海浴日亭拜長至二首

孤臣遙浴日滄海亦書雲願得扶桑影年年奉聖君

五拜晴雲北連呼萬歲三愛日逢南至波臣亦至南

夜坐東倪司理時恤刑在廣

丹筆夜良苦寒蟲燈下鳴爲官向南十只合注

人生

至日懷劉允陽太史

合樂清齋夜春墀拜舞餘蒼梧有雲氣太史不

曾書

至日懷鄒爾瞻比部

君從寒谷起我向日南來不知仙館裡還有自飛灰

戲蜀客

西蜀富家女懷清亦有臺文君正新寡那得逐

琴來

恩平中火

海氣層雲盡山烟遠燒浮孤臣隨早晚一飯是恩州

海上襍咏

小罌青種子割雀最知風每歲初春夜高飛鳴向東

水飯田家女春歌踏和聲火鷄催欲早莫聽紅頭鶯

總不好紙筆男兒生事窮幾番春欲暮慚愧白

頭翁

耳帶山鷄白微低撫翼聲客窻何處曉海色最先鳴

不似剪刀尾全無白盡眉愈高非愈疾愁絕叫

天兒

菁絕瓊西路能言是了哥不教呼萬歲只為隴禽多

鳳凰五色小高韻遠徐聞正使蘇君在誰為黎

子雲

破敵鷓鴣淺爲雄翰羽粗一
般藍翠好長聞白
山呼

北來多喜鵲止是到徐聞
海南何得爾能事李
將軍

粵地多瓊島何年胡燕飛
南中少秋色長似越
春歸

月晦來書蠟脂膏脫滿筐
紺花浮凝點犀箸走
流香

見說臨川港江珧海月佳
故鄉無此物名縣古

珠厓

碧樹琅玕石瓏琰金玉聲
平生鐵如意愁惜爲
君輕

盆石如花樹嶺岼似假山
海雲常此濕莓雨未
須班

草中決明子夜合葉朝開
泥泥春陰雨牛羊早
下來

益智何須智無知樂子枝
有花開下節飽食記

年時

嶺俗檳榔重盈門過禮時銀刀飛寶匣金帶壓
花枝

不是無鷄翅花梨似降真微香深紫色袖濕酒
杯春

秋色藤花晚青香子欲圓相思不相識紅豆在
石邊

翡翠磯塘曉苔亭草石幽葛衣烟雨裡十月始
宜秋

過河間題壁留示趙仲一

九河已成陸卑栖猶問津道心能似此滄海亦
生塵

陽穀店

丁亥

獨來陽穀店遶屋是青山似有江南色蕭蕭簷
樹間

觀回宿龍潭

乙未

是歲春連雪烟花思不堪雨中雙燕子今夕是
江南

度廣南峴江至長沙口號

樹慘江雲濕烟昏海日斜寄言賈太傅今日是
長沙

符離道中

宛宛符離外青山倚復開長河天子氣飛舞鳳
陵來

河間主人店

提壺醉小鮮春月半窗眠不分河間女挑燈來
數錢

廣陵偶題二首

歲月隨人去風塵可自如偶然流淚處翻着舊

時書

忽忽知何意悠悠向此方恰知新涕淚還是舊
衣裳

無限悲愴而辭意忠厚宛然名作。

呼春鳥口號二首

日日呼春鳥殘陽到月西不知春欲去還向恨
人啼

呼春春幾時白馬青遊絲不合春能去花間聞

子規。

去錢塘別劉季德關叔秀

賓從紛然去主人難自懽
錢塘秋八月潮上欲
生寒

鴈山大龍湫

坐看青華水長飛白玉烟
洞簫吹不去風雨落
晴天

鴈山迷路

借問採茶女烟霞路幾重
屏山遮不斷前面剪

刀峯

鴈湫白雲菴

飄搖白石梯試躡蒼龍背
風雨隱寒岩孤清白
雲內

廣陵有贈

儂住曲江臺臺門一點開
蛾眉今夜淺斜月剪
江來

丁酉三月平昌率爾口號

花明長蕩女杯開冷水春
一倍登臨處青山如

故人

此游
千山一酒樓
伐木下長流
一笑游龍縣
為龍向

荅龍凌玉痛遽兒

去歲復茲日
羈魂不可招
盤珠空感咽
無淚濕
龍綃

文選

國家圖書館, NATIONAL CENTRAL LIBRARY, TAIWAN, R.O.C.

玉茗堂集選卷之十四

臨川湯顯祖著

友人姜鴻緒校

七言絕句

黃金臺

昭王靈氣久疎蕪今日登臺吊望諸一自蒯生
流涕後幾人曾讀報燕書

池陽城南

池南三十六青峯暗與青華色氣重日暮烟空

片霞起江光飛滿石門松

送趙大歸齊

石林風雨樹蕭蕭。鳴鴈秋生江上潮。何待三周華不注。歸心如海白雲遙。

送秦次君之汴

朝雲鄆日望南洲。一曲蘭歌清漢流。爲過雙溝莫留悵。月明無限吹臺秋。

別梅固安

黃村別徑曉塵輕。仙令梅生出送行。薄暮離情

向汾水白溝河上遶秋聲

送陸生遊齊

涉江送子芙蓉菴。楊柳春行綠影潭。東去青青莫惆悵。濟南山水似江南。

送鄭午陽之文登

爲赴東華碧海期。紫藤高髻獨行時。只應自占崑崙影。白玉臺前映九池。

豫章送何真長遊岳州

平江仙女接陽臺。龍影連雲日幾迴。爲憶故山

芝草長一羣鸞鶴聽歌來

武進道中

迎春鄉曲影晴湖苦竹西青接伴奴總爲遊人
俊鞍馬貪看忘落髻心珠

梁溪

橫山斷尾若龍蹲烟雨平蕪勢獨尊日暮花溪
泛桃水太湖西去有雙門

宜興道中

金沙的的巖紅顏天插桃花飄鬢鬟遙見隔林
人喚語陌頭回望小心山

逢賣玉者

萬里于闐片玉輸到來連日價傾都安知幾歲
金臺下卞子無緣似賈胡

憶丁右武關西

西昆瞰霧隱岷山爲聽波聲幾歲還羌笛梅花
戍樓裡可堪春色對吳關

看賈胡別

金釵擊鼓醉豪呼桂樹高樓啼夜鳥不信中秋

月輪滿年年海上看明珠

津西晚望

西津西望綠冥蒙流水花林秋映空三峯忽自
飛靈雨凌亂金光日氣中

送文生九谿

錦袍沾濕醉春殘細雨梅時江上寒南北武陵
真不遠何人生入荔枝灘

王小坏去溧陽

陽羨山光春氣流平林東望曲壇幽卽知金碧

明湖上烟雨能開大小浮

秀州

雨濕松陵春滿烟杏花榆莢映新田不知何處
唱歌好東柵平湖日夜船

金竹

村鼓壇神六日招豚肩斗酒去安苗兒童逐手
爭拋食社長分頭看插標

新林浦

凌陽浦裡襍花生曉屋鳴鳩春樹晴昨夜南溪

足新雨轆轤原上踏歌聲

青陽道口

博山橋上晚烟吹花氣晴雲煖石池解道青陽人易老道傍仙冢故纍纍

宿鍾樓尖

百丈天花散伏龍青寒殘日映孤踪松杉半拂歸雲洞錦繡全開待月峯

赤鑄山

干將昔此鑄芙蓉風雨千秋石上松借問闔門

騰虎氣何如江上鎮蛟龍

夢日亭

曾借君王七寶鞭湖陰絳氣屬晴天如今畫地連江海祗合長安夢日邊

采石化城寺

滄波雲氣結樓臺采石金陵相映開一朶青蓮留夜宿諸天水月照人來

穀池店

清弋秋江接賞溪賞心人望竹園西青衫草色

玉茗堂集選 卷十四
兼晴雨白蕩開花山鷓啼

庚辰再過南陵懷林明府

梅花白石映春林綠水潭陵思憶深別後何人
見秋浦娟娟殘月下城陰

望華亭夕

華嶺懸泉下飲猿六池秋色映梅根今宵滅燭
華亭上可是前身水月魂

魚龍洞

青城百里洞仙家坐起西南九片霞日氣玲瓏

洲渚色綠魚青鳥白蓮花

九華

滴翠峯前天柱高雲門清醮發仙璫不知海上
金輪月夜夜神光起白毫

花塘荅蘇青陽

岩壑矇矓烟雨初龍池風色散花餘遊人自惜
三春草仙令裁飛五色魚

望春

除日迎春春吹開鳳凰今正望春臺氤氳淺色

含香芷簌簌浮寒動早梅

廣陵夜

金燈颯颯夜潮寒樓觀春陰海氣殘
莫露鄉心與離思美人容易曲中彈

病酒荅梅禹金

青樓明燭夜歡殘醉吐春衫倚畫闌
賴是美人能愛惜雙雙紅袖障輕寒

荅龍郡丞

楚江春雨入東吳公子名園興不孤
竹裡紅魚

送聽曲花間玉女笑投壺

江宿

寂歷秋江漁火稀起看殘月映林微
波光水鳥驚猶宿露冷流螢濕不飛

青陽道中

溪山雲影杏花飄香袖凌風酒色消
數道松杉舍日氣春深立馬望華橋

溧陽洞山

瓦屋如雲春作花華陽絳氣屬青蛇
中開百尺

仙人掌搖漾金光落紫霞

豫章東湖送客

木葉微波江早寒
峩嶷秋色醉金鞍
不煩琴曲驚千里
已看纖腰盡七盤

南康一夕至東流

秋風菊浦猶殘菊
春雪梅林欲破梅
星子縣前明月動
仙人湖上白雲來

與劉東流

湖上仙人綠玉尊
梅潭新月映黃湓
空江不見

王孫草忘却春深
五柳門

寄葉石埭

仙縣春泉似漢臯
誰家姊妹得仙桃
今朝水上絃歌發
為送飛鳧雲漢高

寄林南陵

日飲朝霞春氣開
陵陽仙令築亭臺
至今五色丹泉上
猶似吹簫白鳳來

寄林巴陵

漢西門上月華流
灑浦湘君玉佩遊
借問仙鳧

何處遠白雲飛滿洞庭秋

莫愁湖

石城湖上美人居花月笙歌春恨餘獨自樓臺
對公子晚風秋水落芙蓉

送人入蜀

隴隴津樹曉帆開簫鼓秋聲遠岸回無事江關
卽惆悵劍南猶有望鄉臺

邸報御門有喜

萬年仙曆正朝元至日書雲望至至尊見

調御早齊趨闔闔待春溫

和王伯臯薄粧含暮景

盡教年少聽笙歌粉署曲臺春恨多最是薄粧
含暮景薰香爐伴要人過

張老別

空江積雨映朝霞歸去吳淞處士家爛醉莫嫌
秋鬢改尊前重對玉簪花

卽事

漢家七葉珥金貂不見松陰嘆綠苗却嘆江陵

浪花蕊一時開放等閑消

送陸生從軍薊門二首

鴉鶻盤雲秋氣清香河飲馬暮嘶聲新穿繡甲
花樓子知是潮河第一營

盤山秋影挂盧龍別道烽烟入喜峯但得轅門
能拜將邊牆何用兩三重

寄右武莊浪

蘭州潦遶金城關積石河源星宿間沙塞封侯
良自苦男兒一上燕支山

朔塞歌二首

白道徐流過五重青春繡甲隱蒙茸歸總莫緩
遊鄉口噪鵲長看小喜峯

獨上偏頭笑一回娘娘灘上有寒煤金珠不施
從軍婦順義夫人眼裏來

胡姬抄騎過通渭

渭南兵火照城山十八盤西探馬還似倚燕支
好顏色秋風欲向妙娥關

河州

連峯萬頃接重臺。陣灑龍門戰血開。積石東頭懸騎入。洮河西畔打鷹來。
氣象雄勃。

吊西寧帥

峽石千兵死戰場。將軍不敢治金瘡。籌邊自有和戎使。閣道無勞問破羌。
古直。

王莎衣欲過葉軍府肅州

崆峒問道此何時。祁連陣影欲參差。紅塵自蹴燕支塞。白首高歌王母祠。

南華寺二首

和尚坐具幾許濶。生龍白象紛來趨。西天寶林只如此。上有菩提樹一株。

寂寂寶林雙樹寒。一花千葉向中安。新州百姓能如此。慚愧浮生是宰官。

乳源道中

洞壑闌干滴乳源。湘州一逕古梅村。九仙西北何靈氣。嫋嫋風雲長出門。

廣南聞鴈

傳道衡陽有鴈迴。炎州片影更飛來。似憐遷客

思歸苦爲帶鄉心過嶺梅

小金山次蘇長公韻

夕陽烟雨片江開灩灩寒潮自去來我亦枕榔
菴下客明珠海上寄蓮臺

石城吊鄒汝愚

花徭城郭異高涼海氣昏朝陸祿黃莫爲三巴
愁客死還須五日過雷陽

徐聞泛海歸百尺樓示張明威

杳磊風烟臘月秋叅天五指見瓊州旌旗直下

波千頃海氣能高百尺樓

白沙海口出杳磊落

東望何須萬里沙南溟初此泛靈槎不堪衣帶
飛寒色蹴浪蕪天吐石花

送賣水祭人過萬州

江西水絮白輕微殘臘天南正葛衣見說先朝
曾雨雪檉榔寒落凍魚飛

和宋周太常平昌草堂四詠

鷺洲釣月

冥踏孤舟一釣魚
半鈎新玉桂蟾蜍猶憐白鷺
蕭蕭影秋老寒塘獨照渠

白馬樵雲

白馬鞍中畫出雲
誰家伐木帶晴曛
不應長是
丁丁響時有遷鶯斷續聞

吳臯春作

喚起青牛更莫眠
吳臯春雨杏花天
他山種樹
能多少留作陶家酒木口

月峯夜讀

君子山房月倍清
娟娟憐與讀書明
如今更有
閒官燭只聽吾伊三兩聲

和葉可權草堂四詠

平昌

松屋臥雲

樓轉松風韻紫虛
眠雲夜冷晝芙蕖
山中所有
應如此直是江南陶隱居

竹牕延月

風露娟娟浣竹林
月牕秋影夜來深
不知叢桂
山中客長聽瀟湘雲水音

荷亭酌酒

酒是金盤露滴成花如素女步輕盈西風暮雨
何辭醉便向池亭臥亦清

竹嶼烹茶

君子山前放午衙濕烟青竹弄雲霞澆將玉井
峯前水來試桃溪雨後茶

平昌青城山

萬仞飛泉掛石龍青城如霧洗芙蓉自非仙令
鳴琴出誰闕秋牕玉女峯

赤壁望浦城 平昌

棲靈石下碧泉分石戶天牕時出雲夜踏仙梯
滿霞氣海光初映武夷君

東梅嶺 平昌

唐山三十六縈迴遶徑如絲雲霧開獨坐野棠
春寂寂幽香寒雨正東梅

洞峯 平昌

西行百里洞孤峯上有龍門常出龍不知龍出
能多少只看龍秋雲氣重

石門泉 青田

春虛寒雨石門泉遠似虹蜺近若烟獨洗蒼苔
注雲壑懸飛白鶴遶青田

班春二首

今日班春也不遲瑞牛山色雨晴時迎門競帶
春鞭去更與春花插兩枝
家家官裏給春鞭要爾鞭牛學種田盛與花枝
各留賞迎頭喜勝在新年

黃塘廟

山空流火亂螢飄池上風清酒氣消四顧沈林
雨初歇平昌令尹聽吹簫

上巳渡安仁水有憶兩都

泛羽流波芳樹新船中穩坐唱歌人可憐三月
桃花水不似千金隄上春

午日處州禁競渡

獨寫菖蒲竹葉杯蓮城芳草踏初回情知不向
甌江死舟楫何勞弔屈來

九日登處州萬象山時繡衣按郡

王荅堂集選卷十四
風定鳥紗且莫飄蓮城秋色半寒潮黃花向客
如相笑今日陶潛在折腰

送徐吉父長安上書

笑別平昌酒一杯燕昭雲氣築金臺馬頭若見
西山雪莫作山陰半夜回

松遂界石鏡

玉輪江上美人精黃鶴樓西石照明何似松陰
側員鏡一溪苔蘚暮灘聲

遂昌松陽界萬歲山口號山舊名晚翠趙

康王避金騎所棲

來去山前朝暮霞金光片片石蓮花如今萬歲
山朝北不似南巡望翠華

送客信陽謁何太史

直到三灣九曲河迴腸一日幾經過萋萋莫向
王孫草恨這關前春恨多

看畫口號

何處三公指向空白頭西笑日東紅三公久視
如相識烏有子虛無是公

王荅堂集選卷十四
送客萍鄉成禮

宜春春酒鳳簫迴。暮雨雲朝玉女堆。歸到筆花
應五色。聰明泉上讀書來。

讀四十二章經

好是摩騰並法蘭。金光輪指爲君彈。都拚却盡
跌連裏。直是中華遇佛難。

唐山寺 有序

唐季禪月大師貫休。居平昌唐山十四年。夢
異人授以寫梵相十八尊者像。一像未就。異

人教以臨水爲之。意師乃此像後身也。後大
師去蜀。蜀孟氏二女尼欲遊天台。師教之唐
山見尊者。至則尊者皆現身云。

東梅嶺路踐龍蛇。似阻天台石磴霞。忽忽雲堂
見尊者。紅魚波影白蓮花。

廣仁院 有序

平昌廣仁院佛殿。有邑人毛會潛。畫一婦
乳兒。夜有兒啼聲。衆恠之。一日僧語會。笑曰
易耳。以筆添乳入口。遂絕。

曾爲娥眉斬畫師。千秋能此畫孩兒。自慚遠佛
無飛乳滿縣兒啼似不知。△△△△△



國家圖書館, NATIONAL CENTRAL LIBRARY, TAIWAN, R.O.C.

玉茗堂集選卷之十五

臨川湯顯祖著

友人黃立言選

七言絕句

再覲回宿龍潭

戊戌

誰向歸舟唱一聲
玉蘭花盡牡丹榮
似憐遊子春三月
纔換江南第一程

迎春口占二首

并得花齊近午衙
花前含笑插烏紗
不妨春色

玉茗堂集選 卷十五
遲遲好等是春三二月花

安閒有度

去歲春花插較遲。風烟晴雨半參差。年來乞與
春花好。却笑河陽似舊時。

尾語有感

夜聽松陽周明府鳴琴四曲

瀟湘雲水

月白霜寒夜欲沈。美人高燭映琴心。不知堂上
松風起。半是瀟湘雲水音。

天風環珮

翠殘香鼎燭凝紅。起視閒庭霜月空。未合清音

轉嘹唳。玉人環珮正秋風。

漢宮秋

千門河漢夜雲收。風起高堂燭艷流。直是井梧
心不死。聲聲還泣漢宮秋。

有心人。泣數行下。

梅花弄

嚴城畫角映悲笳。堂上尊殘片月斜。為聽主人
寒絕處。一溪烟水半梅花。

心境可憐。

出松門回憶琴堂更成四絕

依依約約夜絃分。彈到瀟湘水接雲。惟得暮寒

脩竹裏。楚山容易泣湘君。

有海君

竹梧秋露泠泠。環珮天風欲杳冥。彈到夜鴻飛不起。却教中散帶愁聽。

玉堂無樹不驚風。偏有秋風入漢宮。無柰露寒

清漏曉。聲聲流絕夜絃中。

有秋声夾鳴

夜水寒。雲半欲參。聲聲離鴈起江南。自憐映燭高堂影。三弄梅花也不堪。

羊為堂

韶陽夜泊

秋光遠送芙蓉驛。亂石還過打頓灘。獨棹青燈

紅樹裏。路華高染曲江寒。

清遠送客過永州

清遠江前唱竹枝。香爐峽口暮風吹。看君不盡愁雲色。直望蒼梧似九疑。

湘陰曲

薺泉釀酒作茶蘼。鴛鴦井上曬臙脂。獨夜湘臯采蓮子。何處聞歡歌竹枝。

送袁生謁南寧郡

白髮孤遊銅柱西。瘴來江影似虹霓。千山落月

無人語榕樹蕭蕭倒挂啼

送武陵陳判之鬱林

鄉樹秦人隔幾重鬱江秋煖衣芙蓉參差人面
能人語怕是猩猩樹底逢

送林貴縣

蒼梧猿斷泣湘君人向清潯迴日曛直下寶江
明月影能開二十四峯雲

小孤夜泊

山姑廟前迴夜舟風起哀歌神女遊灑灑落霞

胭脂港娟娟新月蛾眉洲

淮清橋弔許公

玉璽勤王路已窮寶釵猶在翠微空涓涓幾尺
淮清水流向江東許侍中

高座寺爲方侍講築坐臺四絕

方家女種落教坊年年踏青雨花臺上望而
悲之曰我祖翰林君也雙梅樹爲記因地入
梅都尉家而醉絕予爲植其墓有田春秋祠
之教坊人先已爲李道父郎中放其籍嫁商

八矣

碧血誰栽雙樹栽。為瑩相近雨花臺。心知不是琵琶女。寒食年年挂紙來。不傷

宿草悲歌日欲斜。清明不哭怕梅家。不知都尉

嘗都尉亦可死也似梅花。近雨花死靖難

一種寒梅似白楊。墓門不閉返魂香。雨花臺上

春愁客。只似遊湖看岳王。大有奇悲

定有舍利世不傳。寶嬰偷得葬江邊。從今更與

生公說。好雨香花向暮田。

送關叔秀北遊

家住白蘋烟水村。霏霏筆勢趙王孫。鳳凰池上蓮花幕。何必諸生倚市門。

得馮具區祭酒書懷此示柏師

祭酒能思舊禮曹。金陵寒色映江濤。書中只說勾容老。得似田光與貫高。

拾之偶有所繾恨。不從予同達師遊。為咏此

扁舟予在水雲間。汝逐嬌歌去不還。今夜紙牕

陪笑語一燈分照萬重山

聞王子聲令太湖是明德先生舊蒞

雲夢湘騷年少郎羅公愛月舊池塘不應此縣
宜仙令百藥山前常異香

都下柬同年三君

有引

同年南君魯君劉君偕予試政禮闈十五年
所矣俱以縣令來朝困頓流移可笑可歎立
春歲除眷焉成咏

曲江花裏曲臺前試政傳宣美少年碁酒動隨

醉笑地玕環相喚起朝天

徇河水雪冷溶溶爲愛長安日近冬今夜歲除
春立早衣冠還似聽朝鐘

樓外二首

樓外珠簾瞰碧江鏡前紅袖立紗牕教將侍女
高築燭怕見新歡影一雙

洞房春淺似桃源蘭檻幽暉映雪痕臥向枕
時有態起看粧鏡欲無言

荅無懷

新雨無人髮未梳得來池上故人書高風六月
宜棲息秋水來時同看魚

芭蕉

東風吹展半廊青數葉芭蕉未擬聽記得楚江
殘雨夜背燈人語醉初醒

寄題劉君東遠遊樓

種桃道士知何去看竹主人殊未旋試問山中
何所有白雲樓上小遊仙

七夕醉荅君東二首

秋風河漢鵲成梁。矯首牽夫悅暮粧。為問遠遊
樓下女。幾年一度見劉郎。

玉茗堂開春翠屏。新詞傳唱牡丹亭。傷心拍遍
無人會。自指檀痕教小伶。

才人苦傷心者不淚

七夕

露冷風淺月光微。今夜南枝鵲不飛。慣向人間
窺贈枕。曾從天外看支機。

八月三日吳觀察得月亭夜宴已而客病
主人別有恹然感人事之何常悵為歡之

不易率然成韻并有懷人二首

多情多病卽多愁。乘興何須待月遊。我亦池塘當戶好。謝家春草欲侵樓。感懷

水遶芙蓉玉遶堦。酒泉香濕看書齋。主人舊帶銀鈎手。亭子新鋪得月牌。

少婦嘆示諸山人三首

長安少女嫁南郎。指道高遷卽帝鄉。十七年來彈淚盡。却隨回鴈寄衣裳。有寄

少女西歸一倍愁。妝臺傍築望京樓。閑來只索

看朝報。夫婿何因得上頭。多切

時時作話不教多。帝里明春定一過。獨笑酒醒涼炕上。錯呼燈影送鳴珂。夫榮妻貴。少及。知德。

庚子八月五日得南京七月十六日亡遽信十首

江天捲地黑風來。報道吾家玉樹摧。驚落枕牀無淚出。重重書計若爲開。

回也死時三十二。遽子亡時二十三。地下相逢問年歲。修文年少更難堪。

劍永埋天玉永塵。會心惟有再來身。迴腸怪事書空遍。忽忽長呼若個親。

空教弱冠敵才名。未到長沙聽鵙鳴。猿叫三聲腸斷盡。到無腸斷泣無聲。有壯志

心包錦繡氣成霞。只作朝開暮落花。不待襯回成報服。就中皮骨已成麻。

鼻如懸膽目如瑩。促領無肩骨太清。只道官微能下壽。令人錯相管公明。

孔明屯渭旗先殞。士雅先鞭楫已摧。好似吾兒

江左奪營無路壯心灰。

地下兒曹知識淺。人間我輩結交深。泉臺帥伯

堪依止。爲道從龍一片心。時帥從龍周旋生死

後死都知文在茲。遽廬天地一遽兒。那堪二友

情珍重。共要金陵立冢祠。吳元石賀知忍便鬱留葬阿遽金陵爲起

阿字者兄嘆而謝曰感君高誼弟恐千秋萬歲後誰識孟嘗君耶

宋朝已死王元澤。直至明殂湯士邁。恨殺臨川隔江左。半山無路得乘驢。

寄甘子開

王荅堂集選卷之五
九
聞君何自不爲霖映帶江山托臥深人
送歌舞一聲吹斷碧雲心

人日

風光人日最宜春暫與登高醉一巡獨
遠未老惟應老却聽歌人

寄曾開府并問達老

玉人金鼎映成周紫柏先生在伏牛到得虎溪
三笑處不妨開口喚裴休
飲青來閣卽事八絕

春風醉客倚欄時樓外鞦韆出柳絲解折細腰
拋更遠只應紅袖與三兒

春過暉暉繡牕前脉脉山小草樹烟綽莫亂紅
驚燕起折腰人送畫鞦韆

小旂檀閣醉諸天坐近甍甍不許眠
來拜佛空官身畔看紅蓮
寺玉緘

城南烟色遠萋萋
宴城隅

撩落處鞦韆斜月畫樓西

大好今年寒食天夕陽樓外看鞦韆

年年客今日長安醉夢邊

風烟如此亦江山。滿目春心。閉。

長謝客。三層樓。小紅顏。

東南山色翠。透迤日照西。

微有恨不敲方響出紅兒

樓中大士列威儀。樓外鞦韆倚。待已。使欲借。

童子偈富樓。那辨與湯師

玉茗堂集選卷之十五 終